



10

1000







LES
SATYRES
DU SIEVR

Mathurin REGNIER.

*Reuenës & augmentees de nouveau.
Dediees*

AV ROY.



178662

15323

A PARIS,
Chez TOUSSAINCTS DV BRAY, rue saint
laques, aux Espics meurs, & en la boutique au
Palais, en la gallerie des prisonniers.

M. DC. XIII.

Avec Privilege du Roy.

10489
VERUM, VBI PLURA NITENT IN
CARMINE, NON EGO PAUCIS
OFFENDAR MACULIS.



AV ROY.



SIRE,

Je m'estois iusques icy resolu de tesmoigner par le silence, le respect que ie doy à Vostre Majesté. Mais ce que l'on eust tenu pour reuerence, le seroit maintenant pour ingratitude, qu'il luy a pleu me faisant du bien, m'inspirer avec un desir de vertu celuy de me rendre digne de l'aspect du plus parfaict & du plus victorieux Monarque du monde. On lit qu'en Etyopie il y auoit vne statuë qui rendoit vn son armonieux, toutes les fois que le Soleil leuant la regardoit. Ce mesme miracle (SIRE) auez vous faict en moy qui touché de l'Astre de V. M. ay receu la voix & la parole. On ne trouuera donc estrange, si me ressentant de cet honneur, ma Muse prend la hardiesse de se mettre à l'abry de vos

Palmes, & si temerairement elle ose vous offrir, ce qui par droict est desia vostre, puis que vous l'auEZ fait naistre d'as vn sujet qui n'est animé que de vous, & qui aura eternellement le cœur & la bouche ouuerte à vos louanges, faisant des vœux & des prieres continuelles à Dieu qu'il vous rende là haut dans le Ciel autant de biens que vous en faites çà bas en terre.

Vostre tres-humble & tres-obeissant & tres-obligé sujet
& seruiteur,

REGNIER.



O D E
A REGNIER SVR
ses Satyres.



VI de nous se pourroit vanter
De n'estre point en seruitude?
Si l'heur, le courage & l'estude,
Ne nous en sçauroient exempter:
Si chacun languit abbatu,
Serf de l'espoir qui l'importune,
Et si mesme on voit la vertu
Estre esclau de la fortune.

L'un aux plus grands se rend sujet,
Les grands le sont à la contrainte,
L'autre aux douleurs, l'autre à la crainte,
Et l'autre à l'amoureux object:
Le monde est en captiuité,
Nous sommes tous serfs de nature
Ou vifs de nostre volupté,
Ou morts de nostre sepulture.

Mais en ce temps de fiction.
Et que ses humeurs on desguise,
Temps où la seruite feintise

Se fait nommer discretion:
Chacun faisant le reserué,
Et de son plaisir son idole,
REGNIER tu t'es bien conserué.
La liberté de la parole.

Ta libre & veritable voix
Monstre si bien l'erreur des hommes,
Le vice du temps où nous sommes,
Et le mespris qu'on fait des loix:
Que ceux qu'il te plaist de toucher
Des poignans traiçts de ta Satyre,
S'ils n'auoient honte de pecher,
En auroient de te louyr dire.

¶ Pleust à Dieu que tes vers si doux
Contraires à ceux de Tyrtee
Fleschissent l'audace indompcee
Qui met nos guerriers en courroux:
Alors que la ieune chaleur
Ardents au duël les fait estre,
Exposant leur forte valeur,
Dont il deuroient seruir leur maistre.

Flatte leurs cœurs trop valeureux,
Et d'autres desseins leurs imprimés,
Laiesses là les faiseurs de rimes,
Qui ne sont iamais mal-heureux:
Sinon quand leur temerité
Se feint vn merite si rare,

Que leur espoir precipité
A la fin deuient vn Icare.

Si l'vn d'eux te vouloit blasmer
Par coustume ou par ignorance,
Ce neferoit qu'en esperance
Des'en faire plus estimer.
Mais alors d'vn vers menassant
Tu luy ferois voir que ta plume
Et celle d'vn Aigle puissant
Qui celles des autres consume.

Romprois-tu pour eux l'vnien
De la muse & de ton genie,
Asseruy sous la tyrannie,
De leur commune opinion?
Croy plustost que iamais les Cieux
Ne regarderent fauorables
L'enuie & que les enuieux
Sont tousiours les plus miserables.
N'escry point pour vn foible honneur,
Tasche seulement de te plaire,
On est moins prisé du vulgaire
Par merite que par bon-heur.
Mais garde que le iugement
D'vn insolent te face blesme:
Ou tu deuiendras autrement
Le propre tyran de toy. mesme.

R E G N I E R la louüange n'est rien,

Des faueurs elle a sa naissance,
N'estant point en nostre puissance,
Je ne la puis nommer vn bien,
Fuy donc la gloire qui deçoit
La vaine & credule personne,
Et n'est pas à qui la reçoit
Elle est à celuy qui la donne.

MOTIN.

Difficile est Satyram non scribere.



DISCOVRS AV ROY.

SATYRE I.

DVISSANT Roy des François , *Astre*
viuant de Mars,
Dont le iuste labour surmontant les ha-
zards,

Fait voir par sa vertu que la grandeur de France,
Ne pouuoit succomber souz vne autre vaillance:
Vray fils de la valeur de tes peres, qui sont
Ombrez des Lauriers qui couronnent leur front,
Et qui depuis mille ans, indomtables en guerre,
Furent transmis du Ciel pour gouverner la terre,
Attendant qu'à ton rang ton courage t'eust mis
En leur Trosne esleué dessus tes ennemis.

Iamais autre que toy n'eust avecque prudence
Vaincu de ton suieët l'ingrate outrecuidance,
Et ne l'eust comme toy du danger preserué:

SATYRE I.

Car estant ce miracle à toy seul reserué,
Comme au Dieu du pays, en ses desseins pariures,
Tu fais que tes bontez excedent ses iniures.

Or apres tant d'exploicts finis heureusement,
Laisant aux cœurs des tiens, comme un vif monu-
ment,

Auecques ta valeur ta clemence viuante,
Dedans l'Eternité de la race suiuinte:

Puisse-tu, comme Auguste, admirable en tes faits,
Rouller tes iours heureux en vne heureuse paix,
Ores que la Iustice icy bas descendue,
Aux petits comme aux grands, par tes mains est
rendue,

Que sans peur du larron, trafique le Marchand,
Que l'innocent ne tombe aux aguets du meschant,
Et que de ta Couronne en palmes si fertile,
Le miel abondamment, & la manne distile
Comme des chesnes vieux aux iours du siecle d'or,
Qui renaissant soubz toy reuerdissent encor.

Aniourd'huy que ton fils imitant ton courage,
Nous rend de sa valeur vn si grand tesmoignage,
Que ieune de ses mains la rage il déconfit,
Estouffant les serpens ainsi qu'Hercule fit,
Et domtant la discorde à la gueule sanglante,
D'impieté, d'horreur encore fremissante;
Il luy trouste les bras des meurtres entachez,
De cent chaisnes d'acier sur le dos attachez,

SATYRE I.

*Sous des monceaux de fer dans ses armes l'enterre
Et ferme pour iamais le temple de la guerre,
Faisant voir clairement par ses faits triomphants
Que les Roys & les Dieux ne sont iamais enfans.*

*Si bien que s'esleuant sous ta grandeur prospere,
Generoux heritier d'un si genereux pere,
Comblant les bons d'amour & les meschâs d'effroy,
Il se rend au berceau de sia digne de toy.*

*Mais c'est mal contenter mon humeur frenetique,
Passer de la Satyre en un Panegirique,
Ou molement disert souz un suiet si grand
Des le premier essay mon courage se rend:
Aussi plus grand qu'Aenee, & plus vaillant qu'A-
chille*

*Tu surpasses l'esprit d'Homere, & de Virgille,
Qui leurs vers à ton los ne peuuent esgaler,
Bien que maistres passez en l'art de bien parler:
Et quand i'esgallerois ma Muse à ton mente,
Toute extrême louange est pour toy trop petite
Ne pouuant le finy ioindre l'infinité:
Et c'est aux mieux disants vne temerité,
De parler où le Ciel discourt par tes oracles,
Et ne se taire pas où parlent tes miracles,
Où tout le monde entier ne bruit que tes proiects,
Où ta bonté discourt au bien de tes suiets:
Où nostre aise, & la paix, ta vaillance publie,
Où le discord esteint, & la loy restablie,*

SATYRE I.

*Annoncent ta Iustice, où le vice abbatu
Semble en ses pleurs chäter un Hymne à ta vertu.*

*Dans le Temple de Delphe, où Phæbus on reuere,
Phæbus Roy des chansons, & des Muses le pere,
Au plus haut de l'Autel se voit un Laurier sainct,
Qui sa perruque blonde en guirlandes estraint,
Que nul Prestre du Temple en ieunesse ne touche,
Ny mesme predisant ne le masche en la bouche,
Chose permise aux vieux de sainct zele enflamez
Qui se sont par seruire en ce lieu confirmez.*

Denots à son mystere, & de qui la poictrine.

Est pleine de l'odeur de sa verue diuine:

Par ainsi tout esprit n'est propre à tout suiect

L'œil foible s'esbloiuit en un luisant obiect,

De tout bois, comme on dit, Mercure on ne façonne,

Et toute medecine à tout mal n'est pas bonne:

De mesme le Laurier, & la Palme des Roys

N'est un arbre où chacun puisse mettre les doigts,

Ioint que ta vertu passe, en louange seconde,

Tous les Roys qui seront, & qui furent au monde.

Il se faut reconnoistre, il se faut essayer,

Se sonder, s'exercer auant que s'employer,

Comme fait un Luiteur entrant dedans l'arene,

Qui se tordant les bras, tout en soy se demene,

S'allonge, s'accourcit, ses muscles estendant,

Et ferme sur ses pieds s'exerce, en attendant

Que son ennemy vienne, estimant que la gloire

La variante en son cœur luy donna la victoire.

*Il faut faire de mesme vn œuvre entreprenant,
Juger comme au suiet l'esprit est conuenant,
Et quand on se sent ferme, & d'une aïsse assez forte
Laisser aller la plume ou la verue l'emporte.*

*Mais, SIRE, c'est vn vol bien esleue pour ceux
Qui foibles d'exercice, & d'esprit paresseux,
Enorgueillis d'audace en leur barbe premiere
Chanterent ta valeur d'une façon grossiere,
Trahissant tes honneurs avecq' la vanité
D'attenter par ta gloire à l'immortalité;
Pour moy plus retenu la raison m'a faict craindre,
N'osant suivre vn suiet où l'on ne peut atteindre,
I'imites les Romains encore ieune d'ans,
A qui l'on permettoit d'accuser, impudans,
Les plus vieux de l'estat, de reprendre, & de dire,
Ce qu'ils pensoient servir pour le bien de l'Empire.*

*Et comme la ieunesse est viue & sans repos,
Sans peur, sans fiction, & libre en ses propos,
Il semble qu'on luy doit permettre d'auantage:
Aussi que les vertus fleurissent en cet âge,
Qu'on doit laisser meurir sans beaucoup de rigueur,
Afin que tout à l'aïse elles prennent vigueur.*

*C'est ce qui m'a contrainct de librement escrire,
Et sans picquer au vif me mettre à la Satyre,
Ou poussé du caprice, ainsi que d'un grand vent,
Je vais haut dedans l'air quelque fois m'esleuant,*

S A T Y R E I.

*Et quelque fois aussi quand la fougue me quite,
Du plus haut au plus bas, mon vers se precipite
Selon que du subiect touché diuersement*

Les vers à mon discours s'offrent facilement:

Aussi que le Satyre est comme vne prairie,

Qui n'est belle sinon en sa bisarrerie,

Et comme vn pot pourry des freres Mandians,

Elle forme son goust de cent ingredients.

Or, grand Roy, dont la gloire en la terre espandue

Dans vn dessein si haut rend ma Muse esperdue,

Ainsi que l'œil humain le Soleil ne peut voir,

L'esclat de tes vertus offusque tout sçauoir,

Si bien que ie ne sçay qui me rend plus coupable,

Ou de dire si peu d'un subiect si capable,

Ou la honte que i'ay d'estre si mal apris,

Ou la temerité de l'auoir entrepris,

Mais quoy, par ta bonté qui tout autre surpasse,

I'espere du pardon avecque ceste grace,

Que tu tiras ces vers, où ieune ie m'esbas,

Pour esgayer ma force ainsi qu'en ces combas

De fleurets on s'exerce, & dans vne barriere

Aux pages l'on reueille vne adresse guerriere

Follement courageuse, afin qu'en passe-temps

Vn labour vertueux anime leur printemps,

Que leur corps se desnouë, & se desengourdisse

Pour estre plus adroits à te faire seruice.


Aussi ie fais de mesme en ces caprices fous

SATYRE I.

Je sonde ma portee, & me taste le pous,
Afin que s'il aduient, comme un iour ie l'espere,
Que Parnasse m'adore & se dise mon pere,
Emporté de ta gloire & de tes faits guerriers
Je plante mon lierre au pied de tes Lauriers.


FIN.

Aiiiij



A MONSIEVR
le Comte de Ga-
ramain.

SATYRE II.

OMTE de qui l'esprit penetre l'Uni-
uers,
Soigneux de ma fortune, & facile à mes
vers,

*Cher soucy de la Muse, & sa gloire future,
Dont l'aimable genie, & la douce nature,
Fait voir inaccessible aux efforts, me disans
Que vertu n'est pas morte en tous les Courtisans,
Bien que foible & debile, & que mal reconnüe
Son habit découstu la montre à demy nuë,
Qu'elle ait seché la chair, le corps amenusé,
Et serué à contre-cœur le vice auëtorisé,
Le vice qui pompeux tout merite repouffe,
Et va comme vn Banquier en carrosse & en housse.
Mais c'est trop sermonné de vice, & de vertu:*

Il faut suivre un sentier qui soit moins rebatu,
Et conduict d' Apollon recognoistre la trace
Du libre Iuuenal, trop discret est Horace,
Pour un homme picqué, ioint que la passion
Comme sans iugement, est sans discretion:
Cependant il vaut mieux sucrer nostre moutarde:
L'homme pour un caprice est sot qui se hazarde.
Ignorez donc l' Autheur de ces vers incertains,
Et comme enfans trouuez qu'ils soient fils de pu-
tains,
Exposez en la ruë, à qui mesme la mere
Pour ne se descouvrir fait plus mauuaise chere.
Ce n'est pas que ie croye en ces temps effrontez
Que mes vers soient sans pere, & ne soient ado-
ptez,
Et que ces rimasseurs pour feindre vne abondance,
N'approuuent impuissans vne fausse semence:
Comme nos Citoyens de race desireux,
Qui bercent les enfans qui ne sont pas à eux,
Ainsi tirant profit d'vne fausse doctrine,
S'ils en sont accusez ils feront bonne mine,
Et voudront le niant qu'on lise sur leur front
S'il se fait un bon vers, que c'est eux qui le font;
Ialoux d'un sot honneur, d'vne bastarde gloire,
Comme gens entendus s'en veulent faire accroire,
A faux titre insolens, & sans fruiçt hazardeux
Pissent au benestier, afin qu'on parle d'eux.

S A T Y R E II.

Or avecq' tout cecy le point qui me console
 C'est que la pauvreté comme moy les affole,
 Et que la grace à Dieu, Phœbus & son troupeau,
 Nous n'eusmes sur le dos iamais un bon manteau.
 Aussi lors que l'on voit un homme par la rue
 Dont le rabat est sale, & la chausse rompue,
 Ses gregues aux genoux, au coude son pourpoint,
 Qui soit de pauvre mine, & qui soit mal en point,
 Sans demander son nom on le peut reconnoistre,
 Car si ce n'est un Poëte, au moins il le veut estre,
 Pour moy, si mon habit, par tout cicatricé,
 Ne me rendoit du peuple & des grands mesprisé,
 Je prendrois patience, & parmy la misere
 Je trouuerois du goust, mais ce qui doit desplaire
 A l'homme de courage, & d'esprit rebeué,
 C'est qu'un chacun le fuit ainsi qu'un repproué,
 Car en quelque façon, les malheurs sont propices,
 Puis les gueux en gueusant trouuent maintes de-
 lices,
 Un repos qui s'esgaye en quelque oysiueté:
 Mais ie ne puis patir de me voir reietté?
 C'est donc pourquoy si ieune abandonnant la France
 J'allay vif de courage, & tout chaud d'esperance
 En la cour d'un Prelat, qu'avec mille dangers
 J'ay suiuy, Courtisan, aux pais estrangers:
 J'ay changé mon humeur, alteré ma nature:
 J'ay ben chaud, mangé froid, i'ay couché sur la dure,

SATYRE II.

*Je l'ay sans le quitter à toute heure suiuy,
 Donnant ma liberté ie me suis asseruy,
 En public, à l'Eglise, à la chambre, à la table,
 Et pense auoir esté mainte fois agreable.*

*Mais instruiet par le temps à la fin i'ay connu
 Que la fidelité n'est pas grand reuenu,
 Et qu'à mon temps perdu sans nulle autre esperance
 L'honneur d'estre subiect tient lieu de recompense,
 N'ayant autre interest de dix ans ia passez,
 Sinon que sans regret ie les ay despensez;
 Puis ie scay quand à luy qu'il a l'ame Royale
 Et qu'il est de Nature & d'humeur liberalle;
 Mais ma foy, tout son bien enrichir ne me peut,
 Ny domter mon malheur si le Ciel ne le veut.
 C'est pourquoy sans me plaindre en ma desconueniè
 Le malheur qui me suit ma foy ne diminüe,
 Et rebuté du sort ie m'asseruy pourtant,
 Et sans estre aduancé ie demeure contant,
 Scachant bien que fortune est ainsi qu'une louue
 Qui sans choix s'abandonne au plus laid qu'elle
 trouue*

*Qui releue vn pedant de nouueau baptisé,
 Et qui par ses larcins se rend a authorisé,
 Qui le vice annoblit, & qui tout au contraire
 Rualant la vertu la confine en misere:
 Et puis ie m'iray plaindre apres ces gens icy?
 Non, l'exemple du temps n'augmente mon soucy.*

SATYRE II.

Et bien qu'elle ne m'ait sa faueur departie
Je n'entend quand à moy de la prendre à partie:
Puis que selon mon goust son infidelité
Ne donne & n'oste rien à la felicité.
Mais que veux-tu qu'on face en ceste humeur au-
stere?

Il m'est, comme aux putains, mal-aisé de me taire,
Il m'en faut discourir de tort & de trauers,
Puis souuent la colere engendre de bons vers.

Mais, Comte, que sçait-on? elle est peut estre sage.
Voire avecque raison inconstante & volage,
Et Déesse auisee aux biens qu'elle depart,
Les adiuge au merite, & non point au hazard,
Puis l'on voit de son œil, l'on iuge de sa teste,
Et chacun en son dire a droict en sa requeste:
Car l'amour de soy-mesme, & nostre affection,
Adiouste avec v'sure à la perfection.
Toujours le fond du sac ne vient en euidence,
Et bien souuent l'effet contredit l'apparence.
De Socrate à ce point l'oracle est my-party,
Et ne sçait-on au vray qui des deux a menty,
Et si philosophant le ieune Alcibiade,
Comme son Cheualier en receut l'accolade.

Il n'est à decider rien de si mal-aisé,
Que sous vn sainct habit le vice desguisé:
Par ainsi i'ay donc tort, & ne doypas me plaindre,
Ne pouuant par merite autrement la contraindre,

A me faire du bien, ny de me departir
Autre chose à la fin, sinon qu'un repentir.

Mais quoy, qu'y feroit on, puis qu'on ne s'ose prendre?

Encor faut-il auoir quelque chose où se prendre,
Qui flatte en discourant le mal que nous sentons:
Or laissant tout cecy retourne à nos moutons,
Muse, & sans varier, dy nous quelques sornettes,
De tes enfans bastars, ces tiercelets des Poëtes,
Qui par les carrefours vont leurs vers grimassans,
Qui par leurs actions font rire les passans,
Et quand la faim les poind se prenant sur le vostre,
Comme les estournaux ils s'affament l'un l'autre.

Cependant sans souliers, ceinture ny cordon,
L'œil farouche & troublé l'esprit à l'abandon,
Vous viennent accoster comme personnes yures,
Et disent pour bon-iour, Monsieur, ie fais des liures,
On les vend au Palais, & les Doctes du temps
A les lire amusez, n'ont autre passe-temps.
De là sans vous laisser importuns ils vous suivent,
Vous alourdent de vers, d'allegresse vous priuent,
Vous parlent de fortune, & qu'il faut acquerir
Du credit, de l'honneur, auant que de mourir.
Mais que pour leur respect l'ingrat siecle où nous
sommes,

Au prix de la vertu n'estiment point les hommes:
Que Ronsard, du Bellay, vivants ont eu du bien,

S A T Y R E II.

Et que c'est honte au Roy de ne leur donner rien,
 Puis sans qu'on les conuie ainsi que venerables,
 S'assient en Prelats les premiers à vos tables,
 Où le caquet leur manque, & des dents discourant
 Semblent auoir des yeux regret au demeurant.

Or la table leuee ils curent la machoire:

Après graces Dieu beut, ils demandent à boire.
 Vous font vn sot discours, puis au partir de là,
 Vous disent, mais Monsieur, me donnez-vous cela?
 C'est iou siours le refrain qu'ils font à leur balade,
 Pour moy ie n'en voy point que ie n'en sois malade,
 I'en perds le sentiment du corps tout mutilé,
 Et durant quelques iours i'en demeure opilé.

Vn autre renfrongné, refueur, melancolique,
 Grimassant son discours semble auoir la colique,
 Suant, crachant, toussant, pensant venir au point:
 Parle si finement que l'on ne l'entend point.

Vn autre ambitieux, pour les vers qu'il compose,
 Quelque bon benefice en l'esprit se propose,
 Et dessus vn cheual comme vn singe attaché
 Meditant vn Sonnet, medite vn Euesché.

Si quelqu'un comme moy leurs ouurages n'esti-
 me,

Il est lourd, ignorant, il n'ayme point la rime,
 Difficile, hargneux, de leur vertu ialoux,
 Contraire en iugement au commun bruit de tous,
 Que leur gloire il desrobe, avec ses artifices,

Les Dames cependant se fondent en delices
 Lisant leurs beaux escrits, & de iour & de nuit
 Les ont au cabinet souz le cheuet du liēt,
 Que portez à l'Eglise, ils valent des matines,
 Tant selon leurs discours leurs œuures sont diuines.

Encore apres cela ils sont enfans des Cieux,
 Ils font iournellement carrouse avecq' les Dieux
 Compagnons de Minerne, & confis en science,
 Vn chacun d'eux pense estre vne lumiere en France.

Ronsard fay m'en raison, & vous autres esprits
 Que pour estre viuans en mes vers ie n'escrits,
 Pouuez-vous endurer que ces rauques Cyzalles
 Esgallent leurs chansons à vos œuures Royalles,
 Ayant vostre beau nom laschement démenty?
 Hâ! c'est que vostre siecle est en tout peruerty:
 Mais pourtant quel esprit entre tant d'insolence
 Sçait tirer le sçauoir d'avecques l'ignorance,
 Le naturel de l'Art, & d'un œil auisé
 Voit qui de Calliope est plus fauorisé?

Iuste posterité à tesmoin ie t'appelle,
 Toy qui sans passion, maintiēs l'œuure immortelle,
 Et qui selon l'esprit, la grace, & le sçauoir,
 De race en race au peuple vn ouurage fait voir,
 Venge ceste querelle, & iustement separe
 Du Cigne d'Apollon la Corneille barbare,
 Qui croassant par tout d'un orgueil effronté
 Ne touche de rien moins de l'immortalité.

SATYRE II.

Mais, Comte, que sert il d'en entrer en colere?
 Puis que le temps le veut nous n'y pouuõs rien faire,
 Il faut rire de tout, aussi bien ne peut-on
 Changer chose en Virgile, ou bien l'autre en Platon.

Quel plaisir penses-tu, que dans l'ame ie sente,
 Quand l'un de ceste troupe en audace insolente
 Vient à Vanues à pied, pour grimper au coupeau
 Du Parnasse François, & boire de son eau,
 Que froidement receu on l'escoute à grand peine,
 Que la Muse en groignant luy deffend sa fontaine,
 Et se bouchant l'oreille au recit de ses vers,
 Fourne les yeux à gauche, & les lit de trauers,
 Et pour fruit de sa peine aux grands vents dispersee
 Tous ses papiers seruir à la chaise percee?

Mais comme eux ie suis Poëte, & sans discretion
 Ie deuiens importun avec presumption.

Il faut que la raison retienne le caprice,
 Et que mon vers ne soit qu'ainsi qu'un exercice,
 Qui par le iugement doit estre limité
 Selon que le requiert, ou l'âge ou la santé.

Ie ne scay quel demon m'a fait deuenir Poëte:
 Ie n'ay comme ce Grec, des Dieux grand interprete,
 Dormy sur Helicon, où ces doctes mignons
 Naissent en vne nuict comme les champignons,
 Si ce n'est que ces iours allant à l'aduenture
 Resuant comme un oyson allant à la pasture,
 A Vanues i'arriuy, ou suyuant maint discours
 On me

On me fit au iardin faire cinq ou six tours,
 Et comme vn Conclauiste entre dans le conclaue,
 Le sommelier me prit, & m'en ferme en la caue,
 Où beuuant & mangeant, ie fis mon coup d'essay,
 Et où si ie scay rien, i'ay pris ce que ie scay.

Voyla ce qui m'a fait & Poëte & Satyrique
 Reglant la mesdisance à la façon antique.

Mais à ce que ie voy simpatissant d'humeur,
 J'ay peur que tout a fait ie deuiendray rimeur,
 J'entre sur ma louange, & bouffy d'arrogance,
 Si ie n'en ay l'esprit i'en auray l'insolence.

Mais retournons à nous, & sages deuenus
 Soyons à leurs despens vn peu plus retenus.

Or Comte, pour finir, ly doncq' ceste Satyre,
 Et voy ceux de ce temps que ie pinçe sans rire,
 Pendant qu'à ce Printemps retournant à la Cour
 J'yray reuoir mon maistre, & luy dire bon-iour.

F. I. N.

B



A MONSIEVR
le Marquis de
Coeuures.

SATYRE III.

*Arquis que doy-ie faire en ceste incer-
titude:*

*Dois-ie las de courir me remettre à l'e-
stude,*

*Lire Homere, Aristote, & disciple nouueau
Glaner ce que les Grecs ont de riche & de beau,
Reste de ces moissons que Ronsard, & Desportes,
Ont remporté du champ sur leurs espau'es fortes,
Qu'ils ont comme leur propre en leur grāge entassé.
Esgallant leurs honneurs aux honneurs du passé?
Ou si continuant à courtiser mon maistre,
Je me doy iusqu' au bout d'esperance repaistre,
Courtisan morfondu, frenetique & resueur,
Portrait de la disgrace, & de la defaueur,
Puis sans auoir du bien, troublé de resuerie*

Mourir dessus vn coffre en vne hostellerie,
 En Thoscane, en Sauoye, ou dans quelque autre lieu
 Sans pouuoir faire paix, ou treufue avecques Dieu.
 Sans parler ie t'entends, il faut suiure l'orage
 Aussi bien on ne peut ou choisir auantage,
 Nous viuons a tasons, & dans ce monde icy
 Souuent avecq' trauail on poursuit du soucy:
 Car les Dieux courrouffez contre la race humaine
 Ont mis avecq' les biens, la sueur & la peine.
 Le monde est vn berlan où tout est confondu:
 Tel pense auoir gaigné qui souuent a perdu,
 Ainsi qu'en vne blanque où par hazard on tire,
 Et qui voudroit choisir souuent prendroit le pire,
 Tout depend du destin qui sans auoir esgard
 Les faueurs & les biens, en ce monde depart.

Mais puis qu'il est ainsi que le sort nous emporte,
 Qui voudroit se bander contre vne loysi forte?
 Suiuons donq' sa conduite en cet auenglement.

Qui peche avecq' le Ciel, peche honorablement,
 Car penser s'afranchir c'est vne resuerie,
 La liberté par songe en la terre est chérie:

Rien n'est libre en ce monde & chaque homme de-
 pend

Comtes, Princes, Sultās, de quelque autre plus grād
 Tous les hommes viuants sont icy bas esclaus
 Mais suiuant ce qu'ils sont ils different d'entraues
 Les vns les portent d'or & les autres de fer:

SATYRE III.

Mais n'en desplaise aux vieux, ny leur Philosophes
Ny tant de beaux escrits, qu'on lit en leurs escoles
Pour s'affranchir l'esprit ne sont que des paroles.

Au ioug nous sommes nez & n'a iamais esté
Homme qu'on ait veu viure en plaine liberté.

En vain me retirant enclos en vne estude
Penseroy-ie laisser le ioug de seruitude,
Estant serf du desir, d'apprendre & de sçauoir:
Ie ne ferois sinon que changer de deuoir.
C'est l'arrest de nature, & personne en ce monde
Ne sçauroit controller sa sagesse profonde.

Puis que peut-il seruir aux mortels icy bas,
Marquis, d'estre sçauant, au de ne l'estre pas?
Si la science pauvre, affreuse & mesprisee
Sert au peuple de fable, aux plus grands de risées
Si les gens de Latin, des fots sont deniguez
Et si l'on n'est Docteur sans prendre ces degrez
Pourueu qu'on soit morgant, qu'on bride sa mou-
stache (nache)

Qu'on frise ses cheueux, qu'on porte vn grand pan-
Qu'on parle barragouyn, & qu'on suiue le vent:
En ce temps du iourd'huy l'on n'est que trop sçauant.

Du siecle les mignons, fils de la poulle blanche
Ils tiennent a leur gré la fortune en la manche,
En credit esleuez ils disposent du tout,
Et n'entreprennēt rien qu'ils n'en viennent à bout:
Mais quoy, me diras-tu, il t'en faut autant faire

*Qui ose a peu souuent la fortune contraire:
 Importune le Louure, & de iour, & de nuict
 Perds pour r'assuiettir & la table: & le lict:
 Soit entrant effronté, & sans cesse importune,
 En ce temps l'impudence esleue la fortune.*

*Il est vray, mais pourtant ie ne suis point d'auis
 De desgager mes iours pour les rendre asserruis,
 Et souz vn nouuel astre aller nouveau Pilotte
 Conduire en autre mer, mon nauire qui flotte.
 Entre l'esperoir du bien, & la peur du danger,
 De froisser mon attente, en ce bord estrange.*

*Car pour dire le vray c'est vn pays estrange,
 Ou comme vn vray Prothée à toute heure on se
 change,*

*Ou les loix par respect sages humainement,
 Confondent le loyer avec le chastiment,
 Et pour vn mesme fait de mesme intelligence
 L'un est iusticié, l'autre aura recompence.*

*Car selon l'interest le credit ou l'appuy
 Le crime se condamne, & s'absout auioir d'huy.
 Ie le dysans confondre en ces aigres remarques
 La clemence du Roy, le miroir des Monarques,
 Qui plus grand de vertu, de cœur & de renom:
 S'est acquis de Clement, & la gloire, & le nom.*

*Or quant à ton conseil qu'à la Cour ie m'engage,
 Ie n'en ay pas l'esprit non plus que le courage,
 Il faut trop de sçauoir, & de ciuilité,*

S A T Y R E III.

Et si i'ose en parler trop de subtilité,
 Ce n'est pas mon humeur, ie suis melancolique,
 Ie ne suis point entrant, ma facon est rustique,
 Et le surnom de bon me va tout reprochant,
 D'autant que ie n'ay pas l'esprit d'estre meschant.

Et puis ie ne scaurois me forcer ny me feindre,
 Trop libre en volonté ie ne me puis contraindre:
 Ie ne scaurois flatter, & ne scay point comment
 Il faut se taire accort, ou parler faussement,
 Benir les fauoris de geste, & de parolles,
 Parler de leurs ayeux, au iour de Cerizolles,
 Des hauts faits de leur race, & comme ils ont acquis
 Ce titre avec honneur de Ducs, & de Marquis

Ie n'ay point tant d'esprit pour tant de menterie:
 Ie ne puis m'adonner a la cageollerie:
 Selon les accidents, les humeurs ou les iours,
 Changer comme d'habits tous les mois de discours.
 Suiuant mon naturel ie hay tout artifice,
 Ie ne puis desguiser, la vertu ny le vice,
 Offrir tous de la bouche, & d'un repos menteur,
 Dire par dieu, Monsieur, ie vous suis seruiteur,
 Pour cent bonadiez s'arrester en la rue,
 Faire sus l'un des pieds en la sale la grue
 Entendre un marjollet qui dit avec mespris
 Ainsi qu'asnes, ces gens sont tous vestus de gris,
 Ces autres verdelets aux perroquets ressemblent,
 Et ceux cy mal peignez deuant les Dames trébleut,

*Puis au partir de la comme tourne le vent
Auecques un bon-iour amis comme deuant.*

*Ie n'entèds point le cours du Ciel, ny des planetes,
Ie ne sçay deuiner les affaires secretes,
Connoître vn bon visage, & iuger si le cœur
Contraire à ce qu'on voit ne seroit point mocqueur.*

*De porter vn poulet ie n'ay la suffisance,
Ie ne suis point adroit, ie n'ay point d'eloquence
Pour colorer vn fait, ou destourner la foy,
Prouuer qu'un grand amour n'est suiect à la loy,
Suborner par discours vne femme coquette,
Luy conter des chansons de Ieanne & de Paquette,
Desbaucher vne fille, & par viues raisons
Luy monstrer comme Amour fait les bōnes maisons,
Les maintient, les esleue, & propice aux plus belles
En honueur les auance, & les fait Damoiselles,
Que c'est pour leurs beaux nez que se font les balets
Qu'elles sont le subiect des vers, & des poulets,
Que leur nom retentit dans les airs que l'on chante
Qu'elles ont à leur suite vne trouppes beante
De langoureux transis, & pour le faire court
Dire qu'il n'est rien tel qu'aymer les gens le Court,
Alegant maint exemple en ce siecle où nous sommes
Qu'il n'est rien si facile à prendre que les hommes,
Et qu'on ne s'enquiert plus s'elle a fait le pourquoy,
Pourueu qu'elle soit riche, & qu'elle ait bien dequoy.
Quand elle auroit suiny le camp à la Rochelle,*

SATYRE III.

*S'elle a force ducats elle est toute pucelle,
L'honneur estropié, languissant & perclus,
N'est plus rien qu'un idole en qui l'on ne croit plus.*

*Or pour dire cecy il faut force mystere,
Et de mal discourir il vaut bien mieux se taire.
Il est vray que ceux-là qui n'ont pas tant d'esprit
Peuvent mettre en papier leur dire par escrit
Et rendre par leurs vers, leur Muse maquerelle?
Mais pour dire le vray ie n'en ay la ceruelle.*

*Il faut estre trop prompt, à escrire à tous propos
Perdre pour un Sonnet & sommeil, & repos.
Puis ma Muse est trop chaste, & i'ay trop de courage,
Et ne puis pour autruy façonner un ouurage
Pour moy i'ay de la court autant comme il m'en faut:
Le vol de mon dessein ne s'estend point si haut:
De peu ie suis content, encore que mon maistre
S'il luy plaisoit un iour mon travail reconnoistre
Peut autant qu'autre Prince, & a trop de moyen
D'esleuer ma fortune & me faire du bien,
Ainsi que sa Nature a la vertu facile.*

*Promet que mon labeur ne doit estre inutile,
Et qu'il doit quelque iour mal-gré le sort cuisant
Mon service honorer d'un honnestes presant,
Honneste & conuenable à ma basse fortune,
Qui n'abaye, & n'aspire ainsi que la commune
Après l'or du Perou, ny ne tend aux honneurs
Que Rome de partit aux vertus des Seigneurs.*

*Que me sert de m'asseoir le premier à la table,
Si la faim d'en auoir me rend insatiable?
Et si le faix leger d'une double Euesché
Me rendant moins content me rend plus empesché?
Si la gloire & la charge à la peine adonnee
Rend sous l'ambition mon ame infortunee;
Et quand la seruitude a pris l'homme au colet
L'estime que le Prince est moins que son valet,
C'est pourquoy ie ne tends à fortune si grande:
Loin de l'ambition, la raison me commande:
Et ne pretends auoir autre chose sinon,
Qu'un simple benefice, & quelque peu de nom?
Afin de pouuoir viure, avec quelque assurance,
Et de m'oster mon bien, que l'on ait conscience.*

*Alors vrayment heureux les liures feuilletant
Ie rendrois mon desir, & mon esprit content.
Car sans le reuenu l'estude nous abuse,
Et le corps ne se paist aux banquets de la Muse,
Ses mets sont de sçauoir discourir par raison,
Comme l'ame se ment vn temps en sa prison,
Et comme de liuree elle monte diuine
Au Ciel lieu de son estre, & de son origine,
Comme le Ciel mobile eternal en son cours
Fait les siecles, les ans, & les mois, & les iours,
Comme aux quatre Elemens, les matieres encloses,
Donnent comme la mort la vie à toutes choses.*

SATYRE III.

Comme premierement les hommes dispersez,
 Furent par l'armonie, en troupes amassez,
 Et comme la malice en leur ame glissee,
 Troubla de nos ayeux l'innocente pensee,
 Dou nasquirent les loix, les bourgs, & les citez,
 Pour seruir de gourmette à leurs meschancetez,
 Comme ils furent en fin reduicts sous vn Empire,
 Et beaucoup d'autres plats qui seroient longs à dire,
 Et quand on en sçauroit ce que Platon en sçait,
 Marquis tu n'en serois plus gras ny plus refait.

Car c'est vne viande en esprit consommee,
 Legere à l'estomach, ainsi que la fumee;
 Sçais tu pour sçauoir biẽ, ce qu'il nous faut sçauoir?
 C'est s'affiner le goust de cognoistre & de voir,
 Apprendre dans le monde & lire dans la vie,
 D'autres secrets plus fins, que de Philosophie,
 Et qu'auccq' la science il faut vn bon esprit.

Or entends à ce point ce qu'un Grec en escrit,
 Iadis vn loup, dit il que la faim espoinçonne
 Sortant hors de son fort, rencontre vne Lionne
 Rugissante à l'abort, & qui monstroit aux dents
 L'insatiable faim qu'elle auoit au dedans:
 Furiense elle aproche, & le loup qui l'aduse,
 D'un langage flateur luy parle & la courtise:
 Car ce fut de tout temps que ployant sous l'effort,
 Le petit cede au grand, & le foible au plus fort,

Luy di-ie qui craignoit que faute d'autre proye,
 La beste l'attaquast, ses ruses il employe,
 Mais en fin le hazard si bien le secourut,
 Qu'un mulet gros & gras à leurs yeux apparut,
 Ils cheminent dispos croyant la table preste,
 Et s'approchent tous deux assez pres de la beste,
 Le loup qui la cognoist, malin, & desfiant,
 Luy regardant aux pieds luy parloit en riant:
 D'où es-tu? qui es-tu? quelle est ta nourriture?
 Ta race, ta maison, ton maistre, ta nature?
 Le mulet estonné de ce nouveau discours
 De peur, ingenieux, aux ruses eut recours,
 Et comme les Normans sans luy respondre voire,
 Et comme, ce dit-il, ie n'ay point de memoire,
 Et comme sans esprit, ma grand mere me vit,
 Sans m'en dire autre chose, au pied me l'escriuit.
 Lors il leue la iambe au iarret ramassée,
 Et d'un œil innocent il couuroit sa pensee,
 Se tenant suspendu sur les pieds en auant:
 Le loup qui l'apperçoit se leue de deuant,
 S'excusant de ne lire avecq' ceste parolle,
 Que les loups de son temps n'alloient point à l'écolle
 Quand la chaude lionne à qui l'ardente faim,
 Alloit precipitant la rage, & le dessein,
 S'aproche plus sçauante en volonsié de lire,
 Le mulet prend le temps, & du grand coup qu'il tire


SATYRE III.

Luy enfonce la teste, & d'une autre façon
Qu'elle ne sçavoit point, luy aprit sa leçon.

Alors le loup s'enfuit voyant la beste morte,
Et de son ignorance ainsi se reconforte:

N'en d'esplaise aux Docteurs, Cordeliers, Iacobins:
Pardieu les plus grands Clercs ne sont pas les plus
fins.

F I N.



A MONSIEVR Motin.

SATYRE IIII.

Motin la Muse est morte, ou la faueur
pour elle:
En vain dessus Parnasse Apollon en
appelle, (sçavoir,
En vain par le veiller on acquiert du
Si fortune s'en mocque & s'on ne peut auoir,
Ny honneur, ny credit non plus que si nos peines
Estoient fables du peuple inutiles & vaines.
Or va romps toy la teste, & de iour & de nuict
Pallis dessus vn liure à l'appetit d'un bruiet
Qui nous honore apres que nous sommes souz terre,
Et de te voir paré de trois brins de lierre,
Comme s'il importoit est ans ombres là bas,
Que nostre nom vescast ou qu'il ne vescast pas,
Honneur hors de saison, inutile merite
Que viuants nous trahit, & qui morts ne profite,

SATYRE III.

*Sans soin de l'auenir ie te laisse le bien
 Qui vient à contre-poil alors qu'on ne sent rien.
 Puis que viuant icy de nous on ne fait conte,
 Et que nostre vertu engendre nostre honte.*

*Doncq' par d'autres moyens à la Court familiers
 Par vice, ou par vertu acquerons des lauriers,
 Puis qu'en ce monde icy on en fait difference,
 Et que souuent par l'un l'autre se recompense,
 Aprenons à mentir: mais d'une autre façon
 Que ne fait Calliope ombrageant sa chanson,
 Du voile d'une fable, afin que son mystere
 Ne soit ouuert à tous, ny cogneu du vulgaire.
 Apprenons à mentir, nos propos desguiser,
 A trahir nos amis, nos ennemys baiser,
 Faire la cour aux grands, & dans leurs anticham-
 bres,*

*Le chapeau dans la main, nous tenir sur nos mēbres
 Sans oser ny cracher, ny toussir, ny s'asseoir,
 Et nous couchant au iour, leur donner le bon soir:
 Car puis que la fortune auenglement dispose
 Du tout, peut estre en fin aurons nous quelque chose
 Qui pourra destourner l'ingratte aduersité,
 Par un bien incertain à tastons debité,
 Comme ces Courtisants qui s'en faisant accroire,
 N'ont point d'autre vertu sinon de dire voire.*

*Or laissons doncq' la Muse, Apollon & ses vers,
 Laissons le luth, la lyre, & ces outils diuers,*

Dont Apollon nous flatte, ingrater frenesie,
 Puis que pauvre & quaymande on voit la poësie,
 Ou i'ay par tant de nuicts mon traual occupé:
 Mais quoy? ie te pardonne, & si tu m'as trompé
 La honte en soit au siecle, ou viuant d'âge en âge
 Mon exemple rendra quelque autre esprit plus sage.

Mais pour moy, mon amy, ie suis fort mal payé
 D'auoir suiuy cet Art, si i'eusse étudié,
 Ieune laborieux sur vn banc à l'escolle,
 Galien, Hipocrate, ou Iason, ou Bartolle,
 Vne cornette au col debout dans vn parquet,
 A tort & à trauers ie vendrois mon caquet,
 Ou bien tastans le poulx, le ventre & la poiëtrine,
 I'aurois vn beau teston pour iuger d'vne vrine,
 Et me prenant au nez loücher dans vn bassin,
 Des ragousts qu'un malade offre à son Medecin,
 En dire mon aduis, former vne ordonnance,
 D'un réchape s'il peut, puis d'vne reuerence,
 Contre-faire l'honneste, & quand viëdroit au point,
 Dire en serrant la main, Dame il n'en falloit point.

Il est vray que le Ciel qui me regarda naistre,
 S'est de mon iugement tousiours rendu le maistre,
 Et bien que ieune enfant mon pere me tansast,
 Et de verges souuent mes chansons menassast,
 Me disant de despit, & bouffy de colere,
 Badin quitte ces vers, & que penses-tu faire?
 La Muse est inutile, & si ton oncle à scien,

SATYRE IIII.

S'auancer par cet Art tu t'y verras deceu.

*Vn mesme astre tousiours n'esclaire en ceste terre:
Mars tout ardent de feu nous menasse de guerre,
Tout le monde fremit & ces grands mouuements,
Couuent en leurs fureurs de piteux changements.*

*Pense-tu que le luth, & la lyre des Poëtes
S'accorde d'harmonie avecques les trompettes,
Les siffres, les tambours, le canon, & le fer,
Concert extrauaguant des musiques d'enfer,
Toute chose à son regne, & dans quelques annees,
D'un autre œil nous verrons les fieres destinees.*

*Les plus grands de ton tēps dans le sang aguerris,
Comme en Trace seront brutalement nourris,
Qui rudes n'aymeront la lyre de la Muse,
Non plus qu'une vièle, ou qu'une cornemuse.
Laisse donc ce mestier, & sage prens le soin
De t'acquérir vn Art qui te serue au besoin.*

*Ie ne sçay mon amy par quelle prescience,
Il eut de nos destins si claire congnoissance,
Mais pour moy ie sçay bien que sans en faire cas,
Ie mesprisois son dire, & ne le croyois pas,
Bien que mon bon Demon souuent me dist le mesme:
Mais quand la passion en nous est si extreme,
Les aduertissemens n'ont ny force ny lieu:
Et l'homme croit à peine aux parolles d'un Dieu.*

*Ainsi me tançoit-il d'une parolle esmeüe,
Mais comme ense tournant ie le perdoy deueüe*

Le perdy

Je perdy la memoire avecques ses discours,
 Et resueur m'esgaray tout seul par les destours
 Des Antres & des Bois affreux & solitaires,
 Où la Muse en dormant m'enseignoit ses misteres,
 M'aprenoit des secrets & meschauffant le sein,
 De gloire & de renom releuoit mon dessein.

Inutile science, ingrate, & mesprisee,
 Qui sert de fable au peuple, & aux grands de risée:

Encor seroit ce peu si sans estre auancé,
 L'on a uoit en cet Art son age despensé,
 Apres un vain honneur que le temps nous refuse,
 Si moins qu'une putain l'on n'estimoit la Muse,
 Eusse-tu plus de feu, plus de soin & plus d'Art,
 Que Iodelle n'eut oncq', Des portes, ny Ronsard
 L'on te fera la mouè, & pour fruiët de ta peine,
 Cen'est, ce dirat on qu'un Poëte à la douzaine.

Car on n'a plus le goust comme on l'eust autrefois,
 Apollon est gesné par des sauuages loix,
 Qui retiennent souz l'Art sa nature offusquee,
 Et de mainte figure est sa beauté masquee,
 Si pour scauoir former quatre vers empoullez
 Faire tonner des mots mal ioinctz & mal collez,
 Amy, l'on estoit Poëte, on verroit (cas estranges)
 Les poëtes plus espois que mouches en vendanges.
 Or que des ta ieunesse Apollon t'ait appris,
 Que Caliope mesme ait tracé tes escrits,
 Que le neuue d'Atlas les ait mis sur la lyre,

SATYRE III.

Qu'en l'autre Thespean on ait daigné les lire
 Qu'ils tiennent du sçauoir de l'antique leçon,
 Et qu'ils soient imprimez des mains de Patisson,
 Si quelqu'un les regarde & ne leur sert d'obstacle,
 Estime mon amy que c'est vn grand miracle.

L'on a beau faire bien & semer ses escrits
 De ciuette, bainjoin, de musc, & d'ambre gris
 Qu'ils soyent pleins, releuez, & graues à l'oreille
 Qu'ils fassent sourciller les doctes de merueille,
 Ne pense pour cela estre estimé moins fol,
 Et sans argent contant, qu'on te preste vn licol,
 Ny qu'on n'estime plus (humeur extrauagante)
 Vn gros asne, pourueu de mille escus de rente.

Ce mal-heur est venu de quelques ieunes veaux
 Qui mettent à l'encan l'honneur dans les bordeaux
 Etraualant Phœbus, les Muses, & la grace,
 Font vn bouchon à vin du laurier de Parnasse,
 A qui le mal de teste est commun & fatal,
 Et vont bisarrement en poste à l'hospital,
 Disant s'on n'est hargneux, & d'humeur difficile,
 Que l'on est mesprisé de la troupe ciuile,
 Que pour estre bon Poëte il faut tenir des fous,
 Et desirent en eux, ce qu'on mesprise en tous,
 Et puis en leur chanson sotttement importune,
 Ils accusent les grands, le Ciel & la fortune,
 Qui fustez de leurs vers en sont si rebattus,
 Qu'ils ont tiré cet art du nombre des vertus,

Tiennent à mal d'esprit leurs chansons indiscrettes
Et les mettent au rang des plus vaines sornettes.

Encore quelques grands afin de faire voir,
De Mæcene riuaux qu'ils ayment le sçauoir,
Nous voyent de bon œil, & tenant vne gaule,
Ainsi qu'à leurs chevaux nous en flattent l'espaule,
Auecque bonne mine, & d'un langage doux,
Nous disent souriant, & bien que faictes vous?

Auez vous point sur vous quelque chansõ nouvelle;
I'en vy ces iours passez de vous vne si belle,
Que c'est pour en mourir : ha ! ma foy ie voy bien,
Que vous ne m'aimez plus, vous ne me donez rien.

Mais on lit à leurs yeux & dans leur contenance,
Que la bouche ne parle ainsi que l'ame pense,
Et que c'est, mon amy, vn grimoire & des mots
Dont tous les Courtisans endorment les plus sots.

Mais ie ne m'apercoy que trêchât du preud'homme,
Mon temps en cent caquets sottement ie consomme,
Que mal instruit ie porte en broüage du sel,
Et mes coquilles vendre à ceux de saint Michel.

Doncq sans mettre en chere aux sottises du mode,
Ny gloser les humeurs de Dame Fredegonde,
Ie diray librement pour finir en deux mots:
Que la plus part des gens sont habillez en sots.

F I N.



A MONSIEVR
Bertaut, Euesque
de Sées.

SATYRE V.

Bertaut, c'est vn grand cas, quoy que l'on
puisse faire,
Il n'est moyen qu'un homme à chacun puisse
se plaie,

Et fust-il plus parfait que la perfection.

*L'homme voit par les yeux de son affection,
Chasqu'un fait à son sens dont sa raison s'escrime,
Et tel blasme en autruy ce de quoy ie l'estime,
Tout suiuant l'intellec, change d'ordre & de rang,
Les Mores aujourd'huy peignent le Diable blanc,
Le sel est doux aux vns, le succe amer aux autres,
L'on repréd tes humeurs ainsi qu'on fait les nostres,
Les Critiques du temps m'ape llent des bauché,
Que ie suis iour & nuict aux plaisirs attaché,
Que i'y perds mon esprit, mon ame & ma ieunesse,*

Les autres au rebours accusent ta sagesse,
 Et ce hautain desir qui te fait mespriser,
 Plaisirs, tresors, grandeurs pour t'immortaliser,
 Et disent, ô chetifs, que mourant sur vn liure,
 Pensez seconds Phœnix en vos cendres reuiure
 Que vous estes trompez en vostre propre erreur,
 Car & vous & vos vers viuez par Procureur.

Vn liuret tout moysi vit pour vous, & encore
 Comme la mort vous fait, la taigne vous deuore,
 Ingrate vanité dont l'homme se repaist,
 Qui baille apres vn bien qui sottement luy plaist.
 Ainsi les actions aux langues sont suiettes,
 Mais ces diuers rapports sont de foibles sagettes,
 Qui blessent seulement ceux qui sont mal armez,
 Non pas les bons esprits à vaincre accoustumez
 Qui sçauent auisiez auecq' difference,
 Separer le vray bien du fard de l'apparence.
 C'est vn mal bien estrāge au cerueau des humains
 Qui suiuant ce qu'ils sont malades ou plus sains,
 Digerent leur viande, & selon leur nature,
 Ils prennent ou mauuaise ou bonne nourriture.

Ce qui plaist à l'œil sain offence vn chassieux,
 L'eau se iaunit en bile au corps du bilioux,
 Le sang d'un Hydripique en pituite se change,
 Et l'estomach gasté pourrit tout ce qu'il mange,
 De la douce liqueur rosoyante du Ciel,
 L'une en fait le venim, & l'autre en fait le miel

S A T Y R E V.

Ainsi c'est la nature, & l'humeur des personnes,
Et non la qualité qui rend les choses bonnes.

Charnellement se ioindre avecq' sa parenté,
En France c'est inceste, en Perse charité,
Tellement qu'à tout prendre en ce monde où nous
sommes,

Et le bien, & le mal depend du gouſt des hommes.

Or ſans me tourmenter de diuers appetis,
Quels ils ſoſt aux plus grāds, & quels aux plus petis
Ie te veux diſcourir comme ie trouue eſtrange,
Le chemia d'où nous vient le blaſme & la louange,
Et comme i'ay l'eſprit de Chimeres brouillé,
Voyant qu'un More noir m'appelle barbouillé,
Que les yeux de trauers s'offencent que ie lorgne,
Et que les quinze vingts diſent que ie ſuis borgne.

C'eſt ce qui me deſplaiſt, encor que i'aye appris,
En mon philoſopher d'auoir tout a meſpris.

Penſes-tu qu'à preſent un homme a bonne grace,
Qui dans le four l'Eueſque entherine ſa grace,
Ou l'autre qui pourſuit des abolitions,
De vouloir icter l'œil deſſus mes actions,

Un traïſtre, un uſurier, qui par miſericorde,
Par argent, ou faueur s'eſt ſauué de la corde,
Moy qui dehors ſans plus ay veu le Chastelet,
Et qui iamais Sergent ne faiſit au colet,

Qui vis ſelon les loix & me contiens de ſorte
Que ie ne tremble point quād on heurte à ma porte,

Voyant vn President le cœur ne me tressault,
 Et la peur d'un Preuost ne m'esueille en sursault:
 Le bruit d'une recherche au logis ne m'arreste,
 Et nul remord fascheux ne me trouble la teste,
 Je repose la nuict sus l'un & l'autre flanc,
 Et cependant, Bertault, ie suis dessus le ranc.

Sçaurez, du temps present, hipocrites seueres,
 Vn Claude effrontement parle des adulteres
 Milon sanglant encor reprend vn assassins,
 Grache, vn seditieux, & Verres, le larcin.

Or pourmoy tout le mal que leur discours m'objete,
 C'est que mon humeur libre à l'amour est suiete,
 Que i'ayme mes plaisirs, & que les passe-temps
 Des amours m'ont rendu grison auant le temps,
 Qu'il est bien mal-aisé que iamais ie me change,
 Et qu'à d'autres façons ma ieunesse se range.

Mon oncle m'a conté que mon frant à Ronsard
 Tes vers estincellants & de lumiere & d'art,
 Il ne sceut que reprendre en ton apprentissage
 Sinon qu'il te iugeoit pour vn Poète trop sage.

Et ores au contraire on m'abieete à peché,
 Les humeurs qu'en ta Muse il eust bien recherché.
 Aussi ie m'esmerueille au feu que tu recelles,
 Qu'un esprit si rassis ait des fougues si belles,
 Car ie tien comme luy que le chaud Element,
 Qui donne ceste poincte en cet entendement,
 Dont la verue s'eschauffe & s'enflame de sorte,

SATYRE V.

Que ce feu dans le Ciel sur des aisles l'emporte,
 Soit le mesme qui rend le Poëte ardent & chaud,
 Suiet à ses plaisirs de courage si haut
 Qu'il m'esprise le peuple, & les choses communes,
 En brauant les faueurs se moeque des fortunes,
 Qui le fait desbauché, frenetique, resuant,
 Porter la teste basse, & l'esprit dans le vent
 Es gayer sa fureur parmy des precipices,
 Et plus qu'à la raison suiuet à ses caprices.

Faut il doncq' à present s'estonner si ie suis
 Enclin à des humeurs qu'éuiter ie ne puis,
 Ou mon temperament malgré moy me transporte,
 Et rend la raison foible ou la nature est forte,
 Mais que ce mal me dure, il est bien mal-aisé:
 L'homme ne se plaist pas d'estre tousiours fraisé.
 Chasque âge a ses façons, & change de Nature,
 De sept ans en sept ans nostre temperature:
 Selon que le Soleil se loge en ses maisons,
 Se tournent nos humeurs ainsi que nos saisons,
 Toute chose en viuant avec l'ame s'altere,
 Le desbauché se rid des sermons de son pere,
 Et dans vingt & cinq ans venant à se changer
 Retenu, vigilant, soigneux, & mesnager,
 De ces mesmes discours ces fils il admonnesté.
 Qui ne font que s'en rire & qu'en hoïcher la teste:
 Chasque age a ses humeurs, son goust, & ses plaisirs,
 Et comme nostre poil blanchissent nos desirs,

Nature ne peut pas l'âge en l'âge confondre:
 L'enfant qui sçait desia demander & respondre,
 Qui marque assurement la terre de ses pas,
 Auecques ses pareils se plaist en ses esbas,
 Il fuit, il vient, il parle, il pleure, il saute d'aise,
 Sās raison d'heure en heure, il s'esmeut & s'apaise.

Croissant l'âge en auant sans soin de gouuerneur,
 Releué, courageux, & cupide d'honneur,
 Il se plaist aux cheuaux, aux chiens, à la cāpagne,
 Facile au vice il hait les vieux & les desdaigne,
 Rude à qui le reprend, paresseux à son bien,
 Prodigue, despensier, il ne conserue rien,
 Hautain, audacieux, conseiller de soyme sme,
 Et d'un cœur obstiné se heurte à ce qu'il ayme.

L'âge au soin se tournant homme fait, il acquiert
 Des biens, & des amis, si le temps le requiert,
 Il masque ses discours comme sur un theatre,
 Subtil, ambitieux, l'honneur il idolatre,
 Son esprit auisé preuient le repentir,
 Et se garde d'un lieu difficile à sortir.

Maints fâcheux accidēs surprennent sa vieillesse,
 Soit qu'auccq' du soucy gaignant de la richesse,
 Il s'en defend l'usage, & craint de s'en seruir,
 Que tant plus il en a, moins s'en peut assouuir,
 Ou soit qu'avec froideur, il face toute chose,
 Imbecile, douteux, qui voudroit, & qui n'ose,
 Dilayant, qui tousiours à l'œil sur l'auenir,

SATYRE V.

De leger il n'espere & croit au souuenir
 Il parle de son temps difficile & seuer,
 Censurant la ieunesse vse des droicts de pere,
 Il corrige, il reprend, hargneux en ses façons,
 Et veut que tous ses mots soient autant de leçons.

Voyla doncq' de par Dieu comme tourne la vie,
 Ainsi diuersement aux humeurs afferuie,
 Que chasque âge depart à châque homme en viuât,
 De son temperament la qualité suiuant,
 Et moy qui ieune encor en mes plaisirs m'esgaye.
 Il faudra que ie change, & malgré que i'en aye
 Plus soigneux deuenu, plus froid, & plus rassis,
 Que mes ieunes pensers cedent aux vieux soucis,
 Que i'en paye l'escot remply iusqu'à la gorge,
 Et que i'en rende vn iour les armes à saint George.

Mais de ces discoureurs il ne s'en trouue point,
 Ou pour le moins bien peu qui connoissent ce point,
 Effrontez, ignorans, n'ayans rien de solide,
 Leur esprit prend l'essor ou leur langue le guide,
 Sans veoir le fond du sac ils prononcent l'arrest,
 Et rengent leur discours au point de l'interest,
 Pour exemple parfaite ils n'ont que l'apparence,
 Et c'est ce qui nous porte à ceste indifference
 Qu'ensemble l'on confond le vice & la vertu,
 Et qu'on l'estime moins qu'on n'estime vn festu.

Aussi qu'importe-il de mal ou de bien faire,
 Si de nos actions vn Iuge volontaire,

Selon ses appetits, les decide & les rend
 Dignes de recompence, ou d'un supplice grand:
 Si tousiours nos amis, en bon sens les expliquent,
 Et si tout au rebours nos haineux nous en piquent,
 Chacun selon son goust s'obstine en son party,
 Qui fait qu'il n'est plus rien qui ne soit peruerty,
 La vertu n'est vertu, l'enuie la desguise,
 Et de bouche sans plus le vulgaire la prise,
 Au lieu du iugement, regnent les passions,
 Et donne l'interest, le prix aux actions.

Ainsi ce vieux resueur qui n'agueres à Rome
 Gouvernoit un enfant & faisoit le preud'homme,
 Contre-carroit Caton, critique en ses discours,
 Qui tousiours rechignoit & reprenoit tousiours.
 Apres que cet enfant s'est fait plus grand par l'âge
 Reuenant à la Cour d'un si lointain voyage,
 Ce critique changeant d'humeurs & de cerneau,
 De son pedant qu'il fut deuint son maquereau.

O gentille vertu qu'aisément tu te changes,
 Non, non, ces actions meritent des louanges,
 Car le voyant tout seul qu'on le prenne à serment,
 Il dira qu'icy bas l'homme de iugement,
 Se doit accommoder au temps qui luy commande,
 Et que c'est à la Cour vne vertu bien grande.

Doncq' la mesme vertu le dressant au poulet,
 De vertueux qu'il fut le rend Dariolet,
 Doncq' à si peu de frais, la vertu se profane,

SATIRE V.

*Se desguise, se masque, & devient courtisane,
Se trāsforme aux humeurs, suit le cours du marché,
Et dispence les gens de blasme & de peché.*

*Peres des siecles vieux, exemples de la vie,
Dignes d'estre admirez d'une honorable enuie,
(Si quelque beau desir viroit encor en nous)
Nous voyant de là-haut, Pere s qu'en dites vous?
Iadis de vostre temps la vertu simple & pure,
Sans fard, sans fiction, imitoit sa nature,
Austere en ses façons, seuerie en ses propos,
Qui dans vn labour iuste esgayoit son repos,
D'hommes vous faisans Dieux vous passoit d'Am-
broisie,*

*Et donnoit place au Ciel à vostre fantasie.
La lampe de son front par tout vous esclairoit,
Et de toutes frayeurs vos esprits asseuroit,
Et sans penser aux biens ou le vulgaire pense,
Elle estoit vostre prix & vostre recompense,
Où la nostre aujourd'huy qu'on reuere icy bas,
Va la nuict dans le bal, & danse les cinq pas,
Se parfume, se frise, & des façons nouvelles
Veut auoir par le fard du nom entre les belles,
Fait creuer les courtaux en chassant aux forests:
Court le faquin, la bague, escrime des fleurets:
Monte vn cheval de bois, fait dessus des pommades,
Talonne le Genet & le dresse aux passades,
Chante des airs nouveaux, inuente des balets,*

Sçait escrire & porter les vers & les poulets,
 A l'œil tousiours au guet, pour des tours de souplesse
 Glase sur les habits & sur la gentillesse,
 Se plaist à l'entretien, commente les bons mots,
 Et met à mesme prix, les sages & les sots.

Et ce qui plus encor m'empoisonne de rage,
 Et quand un charlatan releue son langage,
 Et de coquin, faisant le Prince reuestu,
 Bastit un Paranimphe à sa belle vertu,
 Et qu'il n'est crocheteur, ny courtant de boutique,
 Qui n'estime à vertu l'art où sa main s'applique,
 Et qui paraphrasant sa gloire & son renom,
 Entre les vertueux ne venille auoir du nom.

Voyla comme à present chacun l'adulterise.
 Et forme vne vertu comme il paist à sa guise,
 Elle est comme au marché dans les impressions,
 Et s'adiugeant aux taux de nos affections,
 Fait que par le caprice & non par le merite,
 Le blasme, & la louange au hazard se debite:
 Et peut un ieune sot, suiuant ce qu'il conçoit,
 Ou ce que par ses yeux son esprit en recoit,
 Donner son iugement, en dire ce qu'il pense,
 Et mettre sans respect nostre honneur en balance:
 Mais puis que c'est le temps, mesprisant les ruseurs
 Du peuple laissons là le monde en ces humeurs,
 Et si selon son goust, un chacun en peut dire,
 Mon goust sera, Bertault, de n'en faire que rire.



A MONSIEUR
de Bethune estant Am-
bassadeur pour sa Ma-
jesté à Rome.

SATYRE VI.

*B*ethune si la charge ou ta vertu s'amuse
Te permet escouter les chansons que la
Muse, (latin,
Dessus les bords du Tibre & du mont Pa-
Me fait dire en Francois au riuage Latin,
Ou comme un grand Hercule, à la poiètrine large
Nostre Atlas de son faix sur ton dos se descharge,
Te commet de l'estat l'entier gouvernement,
Escoute ce discours tissu bigarrement,
Ou ie ne pretends point escrire ton histoire:
Ie ne veux que mes vers s'honorent en la gloire,
De tes nobles ayeulx, dont les faits releuez,
Dans les cœurs des Flamens sont encore grauez,

Qui tiennent à grandeur de ce que tes ancestres
En armes glorieux furent iadis leurs maistres.

Ny moins comme ton frere aydé de ta verth,
Par force, & par conseil, en France a combatu,
Ces auares oyseaux dont les griffes gourmandes,
Du bon Roy des François, rauissoient les viandes,
Suiect trop haut pour moy, qui doy sans m'esgarer,
Au champ de sa valeur, la veoir, & l'admirer.

Aussi selon le corps on doit tailler la robe:

Ie ne veux qu'à mes vers nostre honneur se dérobe,
Ny qu'en tissant le fil de vos faits plus qu'humains,
Dedans ce Labirinthe il m'eschape des mains,
On doit selon la force entreprendre la peine,
Et se donner le ton suiuant qu'on a d'haléine,
Non comme vn fol, chanter de tort & de trauers.

Laisant doncq' aux sçauans à vous peindre en
leurs vers,

Haut esleuez en l'air sur vne aisle doree,
Dignes imitateurs des enfans de Boree.

Tandis qu'à mon pouuoir mes forces mesurant,
Sans prendre ny Phæbus, ny la Muse à garant,
Ie suiuray le caprice en ces pais estranges
Et sans paraphraser tes faits & tes louanges,
Ou me fantasier le cerueau de soucy,
Sur ce qu'on dit de France, ou ce qu'on voit icy,
Ie me deschargeray d'un faix que ie desdaigne
Suffisant de creuer vn Gen et de Sardaigne,

SATYRE VI.

Qui pourroit defaillant en sa morne vigueur,
Succomber sous le fais que i'ay dessus le cœur.

Or ce n'est point de voir en regne la sottise,
L'avarice & le Luxe, entre les gens d'Eglise,
La iustice à l'ancan, l'innocent oppressé:
Le conseil corrompu, suiure l'interessé,
Les estats peruertis, toute chose se vendre,
Et n'auoir du credit qu'au prix qu'on peut despedre.

Ny moins que la valeur, n'ait icy plus de lieu,
Que la noblesse courre en poste à l'hostel Dieu,
Que le ieunes oysifs, aux plaisirs s'abandonnent,
Que les fêmes du tēps, soiēt à qui plus leur donnent
Que l'vsure ait trouuē (bien que ie n'ay de quoy,
Tant elle a bonne dents) que mordre dessus moy.

Tout cecy ne me peze, & l'esprit ne me trouble,
Que tout s'y peruertisse il ne m'en chaut d'un double
Du temps, ny de l'estat, il ne faut s'astiger,
Selon le vent qui fait l'homme doit nauiger.

Mais ce dont ie me deubs est bien vne autre chose
Qui fait que l'œil humain, iamais ne se repose,
Qu'il s'abandonne en proye aux soucis plus cuisans,
Ha! que ne suis-ic Roy pour cent ou six wingts ans,
Par un Edict public qui fust irreuocable,
Ie bannirois l'honneur, ce monstre abominable,
Qui nous trouble l'esprit, & nous charme si bien,
Que sans luy les humains, icy ne voient rien,
Qui trahit la nature, & qui rend imparfaite,

Toute

Toute chose qu'au goust, les delices ont faite.

Or ie ne doute point que ces esprits bossus,
Qui veulent qu'on les croye en droite ligne yssus
Des sept sages de Grece, à mes vers ne s'oposent,
Et que leurs iugements dessus le mien ne glosent.

Comme de faire entendre à chacun que ie suis
Aussi perclus d'esprit comme Pierre du Puis,
De vouloir sottement que mon discours se dore
Aux despens d'un suiect que tout le monde adors,
Et que ie suis de plus priué de iugement,
De t'offrir ce caprice ainsi si librement.

A toy qui des ieunesse appris en son escole,
A adorer l'honneur d'effect, & de parole,
Qui l'as pour un but sainct, en ton penser profond,
Et qui mourrois plustost, que luy faire un faux bod.
Ie veux bien auoir tort en ceste seule chose,
Mais ton doux naturel fait que ie me propose,
Librement te monstrier à nud mes passions,
Comme à cil qui pardonne aux imperfections:
Qu'ils n'en parlent donq' plus, & qu'e' strange on ne
trouue,

Si ie hais plus l'honneur qu'un mouton vne louue.

L'honneur qui souz faux tiltre habite aueq' nous,
Qui nous oste la vie & les plaisirs plus doux,
Qui trahit nostre espoir, & fait que l'on se peine,
Après l'esclat fardé d'une apparence vaine:
Qui sevre les desirs, & passe meschamment,

SATYRE VI.

La plume par le bec a nostre sentiment,
 Qui nous veut faire entèdre en ces vaines chimeres,
 Que pour ce qu'il nous touche, il se perd si nos meres,
 Nos femmes, & nos sœurs, font leurs maris jaloux,
 Comme si leurs desirs dependissent de nous.

Je pense quant à moy que cet homme fut yure,
 Qui changea le premier l'usage de son viure,
 Et rengeant souz des loix, les hommes escartez,
 Bastit premierement & villes & citez,
 De tours & de fossez renforça ses murailles,
 Et r'enferma dedans cent sortes de quenailles.

De cest amas confus, nasquirent à l'instant,
 L'enuie, le mespris, le discord inconstant
 La peur, la trahison, le meurtre, la vengeance,
 L'horrible desespoir, & toute ceste engeance,
 De maux qu'on voit regner en l'enfer de la court,
 Dont vn pédant de Diable en ses leçons discourt,
 Quand par art il instruit ses escoliers pour este
 (S'il se peut faire) en mal plus grands Clercs que
 leur maistre.

Ainsi la liberté du monde s'enuola,
 Et chacun se campant, qui deça, qui delà,
 De hayes, de buissons remarqua son partage,
 Et la fraude fit lors la figue au premier âge.
 Lors du mien, & du tien, nasquirent les procez,
 A qui l'argent départ, bon ou mauuais succès,
 Le fort batit le foible, & luy liura la guerre,

De là l'ambition fist enuahir la terre,
 Qui fut auant le temps que suruindrent ces maux,
 Vn hospital commun à tous les animaux,
 Quand le mary de Rhee au siecle d'innocence,
 Gouvernoit doucement le monde en son enfance:
 Que la terre de soy le froment rapportoit,
 Que le chesne de Manne & de miel degoutoit:
 Que tout viuoit en paix, qu'il n'estoit point d'vsures,
 Que rien ne se vendoit, par poix ny par mesures:
 Qu'on n'auoit point de peur qu'un Procureur fiscal,
 Formast sur vne éguille vn long procès verbal:
 Et se iettant d'aguet dessus vostre personne,
 Qu'un Barisel vous mist dedans la tour de Nonne.

Mais si tost que le fils le pere dechassa,
 Tout sans dessus dessous icy se renuersa.
 Les soucis, les ennuis, nous broüillerent la teste,
 L'on ne pria les saincts qu'au fort de la tempeste,
 L'on trompa son prochain, la mesdisance eut lieu,
 Et l'hipocrite fist barbe de paille à Dieu,
 L'homme trahit sa foy, d'où vindrent les Notaires,
 Pour attacher au ioug les humeurs volontaires.

La faim & la cherté se mirent sur le rang,
 La fiéure, les charbons, le maigre flux de sang,
 Commencerent d'esclorre, & tout ce que l'Autonne
 Par le vent de midy, nous apporte & nous donne.
 Les soldats puis apres ennemis de la paix,
 Qui de l'anoir d'antruy ne se saouent iamais,

SATYRE VI.

Troublerent la campagne, & saccageant nos villes,
 Par force en nos maisons violerent nos filles,
 D'où nasquit le bourdeau qui s'esleuant debout,
 Al instant comme vn Dieu s'estendit tout par tout,
 Et rendit Dieu mercy ces fiéures amoureuses,
 Tant de galants pelez, & de femmes galeuses,
 Que les perruques sont & les drogues encor,
 (Tant on en a besoin) aussi cheres que l'or.

Encore tous ces maux ne seroient que fleurettes,
 Sans ce maudit honneur, ce conteur de sornettes,
 Ce fier serpent qui couue vn venin souz des fleurs,
 Qui noye iour & nuict nos esprits en nos pleurs:
 Car pour ces autres maux c'estoient legeres peines,
 Que Dieu donna selon les foiblesses humaines.

Mais ce traistre cruel excedant tout pouuoir,
 Nous fait suer le sang sous vn pesant deuoir,
 De chimeres nous pipe, & nous veut faire accroire,
 Qu'au traual seulement doit consister la gloire,
 Qu'il faut perdre & sommeil, & repos, & repas,
 Pour tasher d'acquerir vn suiect qui n'est pas,
 Cu s'il est, que iamais aux yeux ne se descouure,
 Et perdu pour vn coup iamais ne se recouure,
 Qui nous gonfle le cœur de vapeur & de vent,
 Et d'excez par luy mesme il se perd bien souuent.

Puis on adorera ceste menteuse idole,
 Pour oracle on tiendra ceste croyance folle,
 Qu'il n'est rien de si beau que tomber bataillant,

Qu'aux despens de son sang il faut estre vaillant,
Mourir d'un coup de lance, ou du choc d'une picque,
Comme les Paladins de la saison antique,
Et respendant l'esprit blessé par quelque endroit,
Que nostre ame s'enuolle en Paradis tout droit.

Ha! que c'est chose belle & fort bien ordonnee,
Dormir dedans un liét la grasse matinee
En Dame de Paris, s'habiller chaudement,
A la table s'asseoir, manger humainement,
Se reposer un peu, puis monter en carrosse,
Aller à Gentilly caresser une Rosse,
Pour escroquer sa fille & venant à effect,
Luy monstre comme Iean à sa mere le faict.

Ha! Dieu pourquoy faut-il que mon esprit ne vaille
Autant que cil qui mist les souris en bataille,
Qui sceut à la Grenouille apprendre son caquet,
Ou que l'autre qui fist en vers un Sopiquet,
Je serois esloigné de tout raillerie,
Un poëme grand & beau, de la poltronnerie,
En despit de l'honneur, & des femmes qui l'ont,
D'effect sous la chemise, ou d'apparence au front,
Et m'asssure pour moy qu'en ayant leu l'histoire,
Elles ne seroient plus si sottes que d'y croire.

Mais quand ie considere où l'ingrat nous reduit,
Comme il nous ensorcelle & comme il nous seduit,
Qu'il assemble en festin, au Renard la Cigoigne,
Et que son plus beau ieu, ne gist rië qu'à sa troigne,

SATYRE VI.

Celuy le peut bien dire à qui des le berceau,
 Ce malheureux honneur a tins le bec en l'eau,
 Qui le traine à tastos, quelque part qu'il puisse estre,
 Ainsi que fait vn chien, vn auengle son maistre:
 Qui s'en va doucement apres luy pas à pas,
 Et librement se fie à ce qu'il ne voit pas,
 S'il veut que plus long temps à ce discours ie croye,
 Qu'il m'offre à tout le moins quelque chose qu'o' voye
 Et qu'on sauoure, afin qu'il se puisse sçauoir,
 Si le goust d'esment point ce que l'œil en peut voir.


Autrement quant à moy ie luy fay banqueroute,
 Estant imperceptible, il est comme la goutte:
 Et le mal qui caché nous oste l'embompoint.

Qui nous tuë à veu d'œil, & que l'on ne voit point.
 On a beau se charger de telle marchandise,
 A peine en auroit on vn Catrin à Venise,
 Encor qu'on voye apres courir certains cerueaux,
 Comme apres les raisins courent les estourneaux.
 Que font tous ces vaillâs de leur valeur guerriere,
 Qui touchent du penser l'estoile poussiniere,
 Morguent la destinee & gourmandent la mort,
 Contre qui rien ne dure & rien n'est assez fort,
 Et qui tout transparents de claire renommee,
 Dressent cent fois le iour, en discours vne armee,
 Donnent quelque bataille. & tuant vn chacun,
 Font que mourir & viure à leur dire n'est qu'un:
 Releuez, emplumez, braves comme saint George,

Et Dieu sçait cependant s'ils mentent par la gorge,
 Et bien que de l'honneur ils facent des leçons,
 En fin au fond du sac ce ne sont que chansons,
 Mais mō Dieu que ce traistre est d'une estrāge sor-
 Tandis qu'à le blasmer la raison me transporte, (re
 Que de luy ie mesdis il me flatte, & me dit,
 Que ie veux par ces vers acquerir son credit,
 Que c'est ce que ma Muse en travaillant pourchasse,
 Et mon intention qu'estre en sa bonne grace,
 Qu'en mesdisant de luy ie le veux requerir,
 Et tout ce que ie fay que c'est pour l'acquerir,
 Si ce n'est qu'on diroit qu'il me l'auroit fait faire,
 Ie l'irois appeller comme mon aduersaire,
 Aussi que le duel est icy deffendu,
 Et que d'une autre part i'ayme l'indiuidu.
 Mais tandis qu'en colere à parler ie m'arreste,
 Ie ne m'apperçoy pas que la viande est preste,
 Qu'icy non plus qu'en France on ne s'amuse pas,
 A discourir d'honneur quand on prend son repas,
 Le sommelier en haste est sorty de la caue,
 Desia Monsieur le maistre & son monde se laue,
 Trefues avecq' l'honneur, ie m'envais tout courant,
 Decider au Tinel vn autre different.

F I N.

D iij



A Monsieur le Marquis de Coeuures.

SATYRE VII.

*Ôtte, & fascheuse humeur de la pluspart
des hommes,
Qui suiuant ce qu'ils sont, iugent ce que
nous sommes,
Et sucçant d'un souris un discours ruineux,
Accusent un chacun des maux qui sont en eux,
Nostre melancolique en scauoit bien que dire,
Qui nous pique en riant, & nous flate sans rire.
Qui porte un cœur de sang, dessous un front blesmy
Et duquel il vaut mieux estre amy qu'ennemy.
Vous qui tout au contraire auez dans le courage
Les mesmes mouuements qu'on vous lit au visage,
Et qui parfait amy vos amis espargnez,
Et de mauuais discours leur vertu n'esborgnez,
Dont le cœur grand, & ferme, au changement ne
ploys,*

Et qui fort librement en l'orage s'employe ;
 Ainsi qu'un bon patron, qui soigneux, sage & fort,
 Sauve ses compagnons & les conduit à bord.

Cognoissant doncq' en vous vne vertu facile,
 Aporter les deffauts d'un esprit imbecille,
 Qui dit sans aucun fard, ce qu'il sent librement,
 Et dont iam ais le cœur, la bouche ne desinent,
 Comme à mon confesseur vous ouurant ma pensee,
 De ieu nesse, & d'amour, follement insensee,
 Je vous conte le mal ou trop enclin ie suis,
 Et que prest à laisser ie ne veux & ne puis,
 Tant il est mal-aisé d'oster auecq' l'estude,
 Ce qu'on a de nature, ou par longue habitude.

Puis la force me manque, & n'ay le iugement
 De conduire ma barque en ce rauissement,
 Au gouffre du plaisir, la courante m'emporte ?
 Tout ainsi qu'un cheual qui a la bouche forte
 Pobeis au caprice & sans discretion,
 La raison ne peut rien dessus ma passion.

Nulle loy ne retient mon ame abandonnee,
 Ou soit par volonté, ou soit par destinee,
 En vn mal euident ie clos l'œil à mon bien:
 Ny conseil, ny raison, ne me seruent de rien.
 Je choppe par dessein, ma faute est volontaire:
 Je me bande les yeux, quand le Soleil m'esclaire:
 Et content de mon mal ie me tiens trop heureux,
 D'estre comme ie suis, en tous lieux amoureux,

SATYRE VII.

De nature qui sert un chacun à sa mode.)

*Or moy qui suis tout flame & de nuict & de iour,
 Qui n'haleine que feu ne respire qu'amour,
 Je me laisse emporter à mes flames communes,
 Et cours souz diuers vents de diuerses fortunes
 Rauy de tous obiects, i'ayme si viuement,
 Que ie n'ay pour l'amour ny choix, ny iugement:
 De toute eslection, mon ame est despourueüe,
 Et nul obiect certain, ne limite ma veüe.
 Toute femme m'agree, & les perfections
 Du corps ou de l'esprit troublent mes passions.
 Y'ayme le port de l'une, & de l'autre la taille,
 L'autre d'un trait lascif, me liure la bataille,
 Et l'autre desdaignant d'un œil seuer & doux,
 Ma peine, & mon amour, me donne mille coups,
 Soit qu'une autre modeste à l'impourueu m'auise,
 De vergongne, & d'amour mon ame est toute éprise,
 Je sens d'un sage feu mon esprit enflammer,
 Et son honnesteté me contrainct de l'aymer.*

*Si quelque autre affetée en sa douce malice,
 Gouverne son œillade avecq' de l'artifice,
 Y'ayme sa gentillesse, & mon nouveau desir,
 Se la promet sçauant en l'amoureux plaisir.*

*Que l'autre par le liure, & face de merueilles,
 Amour qui prend par tout me prend par les oreilles,
 Et iuge par l'esprit parfaict en ses accords,
 Des points plus accomplis que peut auoir le corps:*

*Si l'autre est au rebours des lettres nonchalante,
Je croy qu'au fait d'amour elle sera sçauante,
Et que nature habile à couvrir son deffaut,
Luy aura mis au liçt tout l'esprit qu'il luy faut.*

*Ainsi de toute femme à mes yeux opposee,
Soit parfaite en beauté ou soit mal composee,
De meurs, ou de façons, quelque chose m'en plaist,
Et ne sçay point comment, ny pourquoy, ny que c'est.*

*Quelque objet que l'esprit, par mes yeux se figure,
Mon cœur tendre à l'amour, en reçoit la peinture:*

*Comme vn miroir en soy toute image reçoit,
Il reçoit en amour quelque obiect que ce soit,
Autant qu'une plus blanche, il ayme une brunette,
Si l'une a plus d'esclat, l'autre est plus sadinette,
Et plus viue de feu, d'amour & de desir,
Comme elle en reçoit plus, donne plus de plaisir.*

*Mais sans parler de moy que toute amour emporte,
Voyant une beauté follastrement accorte,
Dont l'abord soit facile, & l'œil plein de douceur,
Que semblable à Venus on l'estime sa sœur,
Que le Ciel sur son front ait posé sa richesse,
Qu'elle ait le cœur humain, le port d'une Deesse,
Qu'elle soit le tourment, & le plaisir des cœurs,
Que Flore souz ses pas face naistre des fleurs,
Au seul trait de ses yeux, si puissans sur les ames,
Les cœurs les plus glacez sôt tous bruslās de flames,
Et fust-il de metal, ou de bronze, ou de roc,*

SATYRE VII.

Il n'est Moine si sainct qui n'en quittaſt le froc.
 Ainſi moy ſeulement ſous l'amour ie ne plie,
 Mais de tous les mortels la nature accomplie
 Fleſchit ſous ceſt Empire, & n'eſt homme icy bas
 Qui ſoit exempt d'amour, non plus que du trespas.

Ce n'eſt donc choſe eſtrange (eſtant ſi naturelle)
 Que ceſte paſſion me trouble la ceruelle,
 M'empoiſonne l'eſprit, & me charme ſi fort,
 Que i'aymeray, ie croy, encore apres ma mort.

Marquis voyla le vent dont ma nef eſt portee,
 A la triſte mercy de la vague indomtee,
 Sans corde, ſans timon, ſans eſtoile, ny iour,
 Reſte ingrat, & piteux de l'orage d'amour,
 Qui content de mon mal, & ioyeux de ma perte,
 Se rit de voir des flots ma poictrine couuerte,
 Et comme ſans eſpoir flotte ma paſſion,
 Digne, non de riſee, ains de compaſſion.

Cependant incertain du cours de la tempeſte,
 Ie nage ſur les flots, & releuant la teſte,
 Ie ſemble deſpiter naufrage audacieux,
 L'infortune, les vents, la marine & les Cieux.
 Meſgayant en mon mal comme vn melancolique,
 Qui reputé à vertu ſon humeur frenetique,
 Diſcourt de ſon caprice, en caquette tout haut.

Auſſi comme à vertu i'eſtime ce deſaut,
 Et quand tout par mal-heur iureroit mō dommage,
 Je mourray fort content mourant en ce voyage,

FIN.



A MONSIEVR
l'Abbé de Beaulieu, nō-
mé par sa Majesté, à l'E-
uesché du Mans.

SATYRE VIII.



*Hartes, de mes pechez, i'ay bien fait pe-
nitence,*

*Or toy qui te cognois aux cas de cōsciēce,
Iuge si i'ay raison de penser estre absous,
l'oyois vn de ces iours la Messe à deux genoux, (tes
Fais àt mainte oraisōs, l'œil au ciel, les mains ioin-
Le cœur ouuert aux pleurs, & tout percé de pointes
Qu'un deuot repentir eslançoit dedans moy,
Tremblant des peurs denfer, & tout bruslant de foy.*

*Quand vn ieune frisé, releué de moustache,
De galoche, de botte, & d'un ample pennache
Me vint prendre, & me dit, pensant dire vn bon
mot,*

S A T Y R E VIII.

*Pour un Poëte du temps vous estes trop deuot,
Moy ciuil, ie me leue, & le bon iour luy donne,
(Qu'heureux est le folastre, à la teste grisonne,
Qui brusquement eust dit avecq' vne sambieu)
Ouy bien pour vous Monsieur qui ne croyez en Dieu.*

*Soite discretion ie voulus fair accroire,
Qu'un Poëte n'est bisarre, & fascheux qu'apres boi-
Ie baisse vn peu la teste, & tout modestement, (re,
Ie luy fis à la mode, vn petit compliment,
Luy comme bien apris, le mesme me sceut rendre,
Et ceste courtoisie à si haut prix me vendre,
Que j'aymerois bien mieux, chargé d'age, & d'en-
nuis,*

Me voir à Rome pauvre, entre les mains des Iuifs.

*Il me prit par la main, apres mainte grimace,
Changeant sur l'un des pieds, à toute heure de place
Et dansant tout ainsi qu'un Barbe encastelé,
Me dist en remachant vn propos auale,
Que vous estes heureux vous autres belles ames,
Fauoris d'Apollon, qui gouvernez les Dames,
Et par mille beaux vers les charmez tellement,
Qu'il n'est point de beautez, que pour vous sculemēt,
Mais vous les meritez, vos vertus non communes,
Vous font dignes Monsieur de ces bonnes fortunes.*

*Glorieux de me voir si hautement loué,
Ie deuins aussi fier qu'un chat amadoié,
Et sentant au Palais, mon discours se confondre :*

D'un

D'un ris de saint Medard il me fallut respondre,
 Je poursuis, mais amy, laissons le discoursir,
 Dire cent, & cent fois, il en faudroit mourir,
 Sa barbe pinçoter, cageoller la science,
 Relever ses cheueux, dire en ma conscience,
 Faire la belle main, mordre un bout de ses gants,
 Rire hors de propos, monstrier ses belles dents,
 Se carrer sur un pied, faire arser son espee,
 Et s'adoucir les yeux ainsi qu'une poupee:
 Cependant qu'en trois mots ie te feray scauoir,
 Ou premier à mon dam ce fascheux me peut voir.

I'estois chez une Dame, enquis si la Satyre,
 Permettoit en ces vers que ie le peusse dire,
 Reluit, environné, de la diuinité,
 Un esprit aussi grand, que grande est sa beauté.

Ce Fanfaron chez elle, eut de moy cognoissance,
 Et ne fut de parler iamais en ma puissance,
 Luy voyant ce iour là son chapeau de velours,
 Rire d'un fascheux conte, & faire un sot discours,
 Bien qu'il m'eust à l'abord doucement fait entendre,
 Qu'il estoit mon valet, à vendre & à despendre,
 Et destournant les yeux, belle à ce que i'entens,
 Commēt vous gouuernez les beaux esprits du tēps,
 Et faisant le doucet de parole, & de geste,
 Il se met sur un liēt, luy disant, ie proteste,
 Que ie me meurs d'amour, quād ie suis pres de vous
 Ie vous aime si fort que i'en suis tout jaloux,

S A T Y R E VIII.

Puis rechangeant de note, il monstre sa rotonde:
 Cest ouvrage est-il beau, que vous semble du mode?
 L'homme que vous sçavez, m'a dit qu'il n'ayme rien,
 Madame à vostre avis, ce iour d'huy (suis-ie bien,
 Suis-ie pas bien chaussé, ma iambe est elle belle?
 Voyez ce taffetas la mode en est nouvelle,
 C'est œuvre de la Chine à propos on m'a dit
 Que contre les clinquants le Roy fait vn Edict:
 Sur le coude il se met, trois boutons se delace,
 Madame baissez moy, n'ay-ie pas bonne grace,
 Que vous estes fascheuse, à la fin on verra,
 Rosete le premier qui s'en repentira.

D'assez d'autres propos il me rompit la teste,
 Voyla quant & comment ie cogneu ceste beste,
 Te iurant, mon amy, que i'ay quitté ce lieu,
 Sans demander son nom, & sans luy dire Adieu.

Je n'eus depuis ce iour de luy nouvelle aucune,
 Si ce n'est ce matin que de male fortune
 Je fus en ceste Eglise. où comme i'ay conté,
 Pour me persecuter Satan l'auoit porté.
 Apres tous ces propos qu'on se dit d'arriuee,
 D'vn fardeau si pesant ayant l'ame greuee,
 Je chauuy de l'oreille & demeurant pensif,
 L'eschine i'alongeois comme vn asne retif,
 Minutant me sauuer de ceste tyrannie,
 Il le iugé à respect, ô sans ceremonie,
 Je vous suply, dit il, viuons en compagnons,

Ayant ainsi qu'un pot les mains sur les roignons,
 Il me pousse en avant, me presente la porte,
 Et sans respect des Saints hors l'Eglise il me porte
 Aussi froid qu'un ialoux qui voit son corruial,
 Sortis il me demande estes vous à cheual,
 Auez vous point icy quelque un de vostre troupe,
 Je suis tout seul à pied, luy de m'offrir la croupe,
 Moy pour m'en depestrer, luy dire tout expres,
 Je vous baise les mains, ie m'en vais icy pres,
 Chez mon oncle disner, o Dieu le galand homme
 I'en suis, & moy pour lors comme un bœuf qu'on a s^o
 somme,

Je laisse choir la teste, & bien peu s'en falut,
 Remettant par despit en la mort mon salut.
 Que ie n'allasse lors la teste la premiere,
 Me ietter du Pont-neuf, à bas en la riuier.

Insensible il me traîne en la court du Palais,
 Où trouuant par hazard quelque un de ses valets,
 Il l'appelle & luy dit, hola hau Ladrenille,
 Qu'on ne m'atende point, ie vay disner en ville,
 Dieu sçait si ce propos me trauersa l'esprit,
 Encor n'est-ce pas tout, il tire un long escrit,
 Que voyant ie fremy, lors sans cageollerie,
 Monsieur ie ne m'entends à la chicamerie.
 Ce luy dis-je, feignant l'auoir veu de trauers,
 Aussi n'en est-ce pas, ce sont des meschans vers,
 (Je cogneu qu'il estoit veritable à son dire,)

S A T Y R E V I I I .

*Que pour tuer le temps ie m'efforce d'escrire,
Et pour vn courtisan quand vient l'occasion,
Ie monstre que i'en sçay pour ma prouision.*

*Il lit, & se tournant brusquement par la place,
Les Banquiers estonnez admiroient sa grimace,
Et monstroient en riant qu'ils ne luy eussent pas,
Presté sur son minois quatre double ducats.*

*(Que i'eusse bien donnez pour sortir de sa pate)
Ie l'escoute, & durant que l'oreille il me flate,
Le Bon Dieu sçait comment à chasque fin de vers,
Tout expres ie disois quelque mot de trauers,
Il poursuit nonobstant d'une fureur plus grande,
Et ne cessa iamais qu'il n'eut fait sa legende.*

*Me voyant froidement ses œures aduouer
Il les serre, & se met luy mesme à se louer,
Doncq' pour vn Cavalier n'est-ce pas quelque chose?
Mais, Mōsieur n'auiez vous iamais veu de ma prose,
Moy de dire que si, tant ie craignois qu'il eust
Quelque procès verbal qu'entendre il me fallust.*

*Encore dittes moy en vostre conscience,
Pour vn qui n'a du tout acquis nulle science,
Cecy n'est il pas rare, il est vray sur ma foy,
Luy dis ie souriant lors se tournant vers moy,
M'accolle à tour de bras, & tout petillant d'aise,
Doux comme vne espousee, à la ioue il me baise:
Puis me flattant l'espaule, il me fist librement,
L'honneur que d'aprouer mon petit iugement*

Apres ceste carresse: il rentre de plus belle,
 Tantost il parle à l'un, tantost l'autre l'appelle,
 Toujours nouveaux discours, & tāt fut-il humain
 Que toujours de faueur il me tint par la main.
 I'ay peur que sans cela i'ay l'ame si fragile,
 Que le laissant du guet i'eusse peu faire gile:
 Mais il me fut bien force estant bien attaché,
 Que ma discretion, expiast mon peché.

Quel heur ce m'eust esté, si sortant de l'Eglise,
 Il m'eust conduit chez luy, & m'ostant la chemise,
 Ce beau valet à qui, ce beau maistre parla,
 M'eust donné languilade, & puis meust laissé là,
 Honorable defaite, heureuse eschapatoire,
 Encores derechef me la fallut-il boire.

Il vint à reparler dessus le bruit qui court
 De la Royne, du Roy, des Princes de la Court,
 Que Paris est bien grand, que le Pont-neuf s'acheue
 Si plus en paix qu'en guerre, un Empire s'esleue,
 Il vint à desfinir, que c'estoit qu'amitié,
 Et tant d'autres vertus que s'en estoit pitié.
 Mais il ne desfinit, tant il estoit nouice.

Que l'indiscretion est un si fascheux vice,
 Qu'il vaut bien mieux mourir de rage ou de regret,
 Que de vivre à la gesne avec un indiscret.

Tandis que ces discours me donnoient la torture,
 Ie sonde tous moyens pour voir si d'auanture:
 Quelque bon accident, eust peu m'en retirer

SATYRE VIII.

Et m'empescher en fin de me desesperer.

*Voyant vn President ie luy parle d'affaire,
 S'il auoit des procès, qu'il estoit necessaire
 D'estre tousiours apres, ces Messieurs honneter,
 Qu'il ne laissast pour moy, de les solliciter,
 Quant à luy qu'il estoit homme d'intelligence,
 Qui scauoit comme on perd son bien par negligence
 Ou marche l'interest, qu'il faut ouurir les yeux.
 Ha! nō Monsieur, dit-il, i'aymerois beaucoup mieux
 Perdre tout ce que i'ay, que vostre compagnie,
 Et se mist aussi tost sur la ceremonie,
 Moy qui n'ayme a debatre en ces fa deses là,
 Vn temps sans luy parler, ma langue vacila:
 En fin ie me remets sur les cageoleries,
 Luy dis comme le Roy estoit aux Tuilleries,
 Ce qu'au Louure on disoit, qu'il feroit ce iourd'hy,
 Qu'il deuroit se tenir tousiours aupres de luy,
 Dieu scait combien alors, il me dist de sottises,
 Parlant de ses hauts faits, & de ses vaillantises,
 Qu'il auoit tant seruy, tant fait la faction,
 Et n'auoit cependant aucune pension,
 Mais qu'il se consoloit, en ce qu'aumoins l' Histoire,
 Comme on fait son travail, ne desroboit sa gloire.
 Et s'y met si auant que ie creu que mes iours,
 Deuoient plustost finir que non pas son discours.
 Mais comme Dieu voulut apres tant de demeres,*

L'orloge du Palais, vint à fraper vnze heures,
 Et luy qui pour la soupe auoit l'esprit subtil,
 A quelle heure Monsieur vostre oncle disne-t-il?
 Lors bien peus'en falut, sans plus long tēps attendre
 Que de rage au gibet ie ne m'allasse pendre,
 Encor. l'eusse- ie fait s'estant desesperé:

Mais ie croy que le Ciel contre moy coniuéré
 Voulut que s'accomplist ceste auanture mienne,
 Que me dist, ieune enfant, vne Bohemienne.

Ny la peste, la faim, la verolle, la tous,
 La fieure, les venins, les larrons, ny les lous,
 Ne tueront cestuy-cy, mais l'importun langage,
 D'un facheux, qu'il s'en garde, estant grand, s'il est
 sage,

Comme il continuoit ceste vieille chanson,
 Voicy venir quelqu'un d'assez pauvre façon,
 Il se porte au deuant, luy parle, le cageolle:
 Mais cest autre à la fin, se monta de parole,
 Mōsieur c'est trop long tēps: tout ce que vous voudrez
 Voicy l'Arrest signé, non Monsieur vous viendrez,
 Quand vous serez dedans vous ferez à partie.
 Et moy qui cependant n'estois de la partie,
 I'esquie doucement, & m'en vais à grand pas,
 La queue en loup qui fuit, & les yeux contre bas,
 Le cœur sautant de ioye, & triste d'aparence,
 Depuis aux bons Sergens i'ay porté reuerence,

SATYRE VIII.

Comme à des gens d'honneur, par qui le Ciel vouloit
Que ie receusse vn iour le bien de mon salut,
Mais craignant d'encourir vers toy le mesme vice
Que ie blasme en autruy, ie suis à ton service,
Et prie Dieu qu'il nous garde, en ce bas monde icy,
De faim, d'un importun, de froid & de soucy.

F I N.



A MONSIEVR

Rapin.

SATYRE IX.

RAPIN le fauorit d'Apollon & des
Musés,
Pendant qu'en leur mestier iaur & nuiët
tu t'amuses,

*Et que d'un vers nombreux non encore chanté,
Tu te fais vn chemin à l'immortalité,
Moy qui n'ay ny l'esprit, ny l'haleine assez forte,
Pour te suiure de pres & te seruir d'escorte,
Ie me contenteray sans me precipiter,
D'admirer ton labeur ne pouuant l'imiter.*

*Et pour me satisfaire au desir qui me reste,
De rendre cest hommage à chacun manifeste,
Parces vers i'en prens acte, afin que l'aduenir,
De moy par ta vertu, se puisse souuenir
Et que ceste memoire à iamais s'entretienne,
Que ma Muse imparfaite eut en honneur la tienne,*

SATYRE IX.

Et que si i'eus l'esprit d'ignorence abbattu,
 Je l'eus au moins si bon, que i'aymay ta vertu:
 Contraire à ces resueurs dont la Muse insolente,
 Censurant le plus vieux arrogamment se vante,
 De reformer les vers, non les tiens seulement:
 Mais veulent deterrer les Grecs du monument,
 Les Latins, les Hebreux, & toute l'Antiquaille,
 Et leur dire en leur nez, qu'ils n'ont rien fait qui
 vaille.

Ronsard en son mestier n'estoit qu'un apprentif,
 Il auoit le cerueau fantastique & retif,
 Des-Portes n'est pas net, du Bellay trop facile,
 Belleau ne parle pas comme on parle à la ville,
 Il a des mots hargneux, bouffis & releuez,
 Qui du peuple auiourd'huy ne sont pas approuuez.

Comment il nous faut doncq' pour faire vne œu-
 ure grande,
 Qui de la calomnie & du temps se deffende,
 Qui trouue quelque place entre les bons Auteurs,
 Parler comme à saint Iean parlent les crocheteurs.

Encore ie le veux, pourueu qu'ils puissent faire,
 Que ce beau sçauoir entre en l'esprit du vulgaire,
 Et quand les crocheteurs seront Poëtes fameux,
 Alors sans me fascher ie parleray comme eux.

Pensent-ils des plus vieux offensant la memoire,
 Par le mespris d'autrui s'acquerir de la gloire?
 Et pour quelque vieux mot estrange, ou de trauers,
 Prouuer qu'ils ont raison de censurer leurs vers,

(Alors qu'une œuvre brille, & d'art & de science,
La verue quelquefois s'esgaye en la licence)

Il semble en leurs discours hautain & genereux:
Que le cheual volant n'ait passé que pour eux,
Que Phæbus à leur ton, accorde sa vielle,
Que la mouche du Grec, leurs levres emmielle,
Qu'ils ont seuls icy bas trouué la pie au nit,
Et que des hants esprits le leur est le zenit:
Que seuls des grands secrets ils ont la cognoissance,
Et disent librement que leur experience,
A rafiné les vers fantastiques d'humeur,
Ainsi que les Gascons ont fait le point d'honneur,
Qu'eux tous seuls du biẽ dire ont trouué la metode,
Et que rien n'est parfaict s'il n'est fait à leur mode.

Cependant leur sçanoir ne s'estend seullement,
Qu'à regratter vn mot douteux au iugement,
Prendre garde que vn, qui heurte vne diphtongue,
Espier si des vers la rime est breue ou longue,
Ou bien si la voyelle, à l'autre s'vnissant:
Ne rend point à l'oreille vn vers trop languissant:
Et laissent sur le verd le noble de l'ouurage,
Nul esguillon diuin n'esleue leur courage,
Ils rampent bassement, foibles d'inuentions,
Et n'osent peu hardis tenter les fictions,
Froids à l'imaginer: car s'ils font quelque chose,
C'est proser de la rime, & rimer de la prose,
Que l'art lime & relime & polit de façon,

S A T Y R E IX.

Qu'elle rend à l'oreille vn agreable son,
Et voyant qu'un beau feu leur ceruelle n'embrase,
Ils attisent leurs mots eniolient leur pbrase,
Affectent leur discours tout si releué d'art,
Et peignent leur defaux de couleur & de fard,
Aussi ie les compare à ces femmes iolies,
Qui par les affiquets se rendent embellies,
Qui gentes en habits & fades en façons,
Parmy leur point coupé tendent leurs hameçons,
Dont l'œil rit molement avecque affeterie,
Et de qui le parler n'est rien que flaterie :
De rubans piolez s'agencent proprement,
Et toute leur beauté ne gist qu'en l'ornement,
Leur visage reluit de ceruse & de peautre,
Propres en leur coiffure vn poil ne passe l'autre.

Où ses diuins esprits hautins & releuez,
Qui des eaux d'Helicon ont les sens abreuez,
De verue & de fureur leur ouvrage estincelle,
De leurs vers tout diuins la grace est naturelle,
Et sont comme lon voit la parfaicte beauté,
Qui contente de soy, laisse la nouveauté,
Que l'art trouue au Palais ou dās le blās d'Espagne,
Rien que le naturel sa grace n'accompagne,
Son front laué d'eau claire esclaté d'un beau teint,
De roses & de lys la nature la peint,
Et laissant là Mercure, & toutes ses malices,
Les nonchalances sont les plus grands artifices.

Or Rapin quand à moy ie n'ay point tant d'esprit,
 Ie vay le grand chemin que mon oncle m'aprit,
 Laisant la ces Docteurs que les Muses instruisent,
 En des arts tous nouveaux, & s'ils font comme ils
 disent,

De ses fautes un liure aussi gros que le sien,
 Telles ie les croiray quand ils auront du bien,
 Et que leur belle Muse à mordre si cuisante,
 Leur don'ra comme luy dix mil escus de rente,
 De l'honneur, de l'estime, & quand par l'Vniuers
 Sur le lut de David on chantera leurs vers,
 Qu'ils auront ioint l'utile avecq' le delectable,
 Et qu'ils scauront rimer vne aussi bonne table.

On fait en Italie un conte assez plaisant,
 Qui vient à mon propos, qu'une fois un paisant,
 Homme fort entendu & suffisant de teste,
 Comme on peut aisement, iuger par sa requeste:
 S'en vint trouuer le Pape & le voulut prier,
 Que les Prestres du temps se peussent marier,
 Afin ce disoit-il que nous puissons nous autres,
 Leurs femmes caresser ainsi qu'ils font les nostres.

Ainsi suis-ie d'avis, comme ce bon lourdaud,
 S'ils ont l'esprit si bon, & l'intellect si haut,
 Le iugement si clair, qu'ils facent un ouvrage,
 Riche d'inuentions, de sens & de langage,
 Que nous puissons draper comme ils font nos escrits,
 Et voir comme l'on dit, s'ils sont si bien appris,

Qu'ils monstrent de leur eau, qu'ils entrent en car-
 Leur âge defaudra plustost que la matiere, (riere,
 Nous sommes en un siecle où le Prince est si grand,
 Que tout le monde entier, à peine le comprend,
 Qu'ils facent par leurs vers, rougir chacun de hôte,
 Et comme de valeur nostre Prince surmonte,
 Hercule, Ælee, Achil, qu'ils ostēt les lauriers, (riers:
 Aux vieux, comme le Roy, l'a fait aux vieux guer-
 Qu'ils composent vne œuvre, on verra si leur liure,
 Apres mille & mille ans, sera digne de viure,
 Surmontant par vertu, l'enuie & le destin,
 Comme celui d'Homere, & du chantre Latin.

Mais Rapin mon amy, c'est la vieille querelle,
 L'homme le plus parfaict, a manqué de cervelle,
 Et de ce grand deffaut vient l'imbecilité,
 Qui rend l'homme hautin, insolent, effronté,
 Et selon le suiect qu'à l'œil il se propose,
 Suiuant son appetit il iuge toute chose.

Aussi selon nos yeux, le Soleil est luisant,
 Moymesme en ce discours qui fais le suffisant,
 Ie me cognois frappé sans le pouuoir comprendre,
 Et de mon ver coquin ie ne me puis deffendre.

Sans iuger, nous iugeons, estant nostre raison,
 Là haut dedans la teste, ou selon la saison
 Qui regne en nostre humeur les broüillars nous
 embroüillent,
 Et de liures cornus le ceruean nous barbouillent.

Philosophes résueurs discourez hautement,
 Sans bouger de la terre allez au Firmament:
 Faites que tout le Ciel branle à vostre cadence,
 Et pesez vos discours, mesme dans sa balance,
 Cognoissez les humeurs, qu'il verse dessus nous,
 Ce qui se fait dessus, ce qui se fait dessous,
 Porter vne lanterne aux cachots de nature,
 Sçachez qui donne aux fleurs ceste aimable pein-
 Quelle main sur la terre, en broye la couleur, (ture,
 Leurs secrettes vertus, leurs degrez de chaleur,
 Voyez germer à l'œil, les semences du monde,
 Allez mettre couuer les poissons dedans l'onde,
 Deschiffrez les secrets de Nature & des Cieux,
 Vostre raison vous trompe, aussi bien que vos yeux.

Or ignorant de tout, de tout ie me veux rire,
 Faire de mon humeur, moy mesme vne Satyre,
 N'estimer rien de vray qu'au goust il ne soit tel,
 Viure, & comme Chrestien adorer l'Immortel,
 Où gist le seul repos qui chasse l'ignorance,
 Ce qu'on void hors de luy, n'est que sottte apparence,
 Piperie, artifice, encore, ô cruauté!
 Des hommes & du temps, nostre meschanceté,
 S'en sert aux passions, & dessous vne aumusse,
 L'ambition, l'amour, l'auarice se mussé:
 L'on se couure d'un froc pour tromper les ialoux,
 Les Temples au iourd' huy seruent aux rendez-vous:
 Derriere les pilliers, on oyt mainte sornette,

SATYRE IX.

*Et comme dans un bal, tout le monde y caquette,
 On doit rendre, suivant & le temps & le lieu,
 Ce qu'on doit à Cesar, & ce qu'on doit à Dieu,
 Et quand aux appetis de la sotise humaine,
 Comme un hōme sans goust, ie les ayme sans peine,
 Aussi bien rien n'est bon que par affection,
 Nous iugeons, nous voyons selon la passion.*

*Le Soldat aujour d'huy ne resue que la guerre,
 En paix le Laboureur veut cultiuier sa terre:
 L'auare n'a plaisir qu'en ses doubles ducas,
 L'amant iuge sa Dame un chef d'œuure icy bas,
 Encore qu'elle n'ait sur soy rien qui soit d'elle,
 Que le rouge & le blanc, par art la face belle,
 Qu'elle ante en son palais ses dents tous les matins,
 Qu'elle doine sa taille au bois de ses patins,
 Que son poil des le soir, frise dans la boutique,
 Comme un casque au matin, sur sa teste s'applique,
 Qu'elle ait comme un piquier le corselet au dos,
 Qu'à grand peine sa peau puisse couvrir ses os,
 Et tout ce qui de iour, la fait voir si doucette,
 La nuit comme en depost soit dessous la toilette,
 Son esprit ulceré iuge en sa passion,
 Que son teint fuit la nique à la perfection.*

*Le Soldat tout ainsi pour la guerre souspire,
 Iour & nuit il y pense & tousiours la desire,
 Il ne resue la nuit, que carnage & que sang,
 La pique dans le poing, & l'estoc sur le flang,*

Il pense

Il pense mettre à chef quelque belle entreprise,
 Que forçant un chasteau tout est de bonne prise,
 Il se plaist aux tresors qu'il cuide ravager,
 Et que l'honneur luy rie au milieu du danger.

L'auare d'autre part n'aime que la richesse,
 C'est son Roy, sa faueur, la Cour est sa maistresse,
 Nul obiect ne luy plaist, sinon l'or & l'argent,
 Et tant plus il en a plus il est indigent.

Le paisant d'autre soin se sent l'ame embrasée,
 Ainsi l'humanité sottement abusée,
 Court à ses appetis qui l'aveuglent si bien,
 Qu'encor qu'elle ait des yeux si ne voit-elle rien,
 Nul choix hors de son goust ne regle son enuie:
 Mais s'abeurte ou sans plus quelque apas la conuie,
 Selon son appetit le monde se repaist,
 Qui fait qu'on trouue bon seulement ce qui plaist.

O debille raison! où est ores ta bride,
 Où ce flâmbeau qui sert aux personnes de guide,
 Contre les passions trop foible est ton secours,
 Et souuent courtesane apres elle tu cours,
 Et sauourant l'appas qui ton ame ensorcelle,
 Tu ne vis qu'à son goust, & ne vois que par elle.

Dela vient qu'un chacun mesmes en son deffaut,
 Pense auoir de l'esprit autant qu'il luy en faut,
 Aussi rien n'est party si bien par la nature,
 Que le sens: car chacun en a sa fourniture.

Mais pour nous moins hardis à croire à nos raisons

SATYRE IX.


*Qui reglons nos esprits par les comparaisons,
 D'une chose avecq' l'autre, espluchons de la vie,
 L'action qui doit estre, ou blasmee, ou suivie,
 Qui criblons le discours, au chois se variant,
 D'avecq' la fauceté, la verité triant,
 Tant que l'hôme le peut qui formons nos ouvrages,
 Aux moules si parfaits de ces grands personnages:
 Qui depuis deux mille ans, ont acquis le credit,
 Qu'en vers rië n'est parfait, que ce qu'ils en ont dit.*

*De nos nous aujourd'huy, pour vne erreur nouvelle,
 Que ces clerics déuoyez, forment en leur ceruelle,
 Laisser legerement la vieille opinion,
 Et suivant leur aduis croire à leur passion?*

*Pour moy les Huguenots pourroïent faire miracles,
 Ressusciter les morts, rendre de vrais oracles,
 Que ie ne pourrois pas croire à leur verité,
 En toute opinion ie fuis la nouveauté,
 Aussi doit-on plustost imiter nos vieux peres,
 Que suivre des nouveaux, les nouvelles chimeres,
 De mesme en l'art diuin de la Muse doit-on,
 Moins croire à leur esprit, qu'à l'esprit de Platon.*

*Mais Rapin, à leur goust si les vieux sont profanes:
 Si Virgille, le Tasse, & Ronsard sont des asnes,
 Sans perdre en ces discours le tēps que nous perdons,
 Allons comme eux aux champs & mangeons des
 chardons.*

F I N.



SATYRE X.



E mouuement de temps pen cogneu des
 humains,
 Qui trompe nostre espoir, nostre esprit, &
 nos mains,

*C*heuelu sur le front & chauue par derriere,
 N'est pas de ses oyseaux qu'on prend à la pentiere,
 Non plus que ce milieu des vieux tant debatü,
 Où l'on mist par despit à l'abry la vertu,
 N'est vn siege vaquant au premier qui l'occupe,
 Souuent le plus mattois ne passe que pour dupe:
 Ou par le ingement il faut perdre son temps,
 A choisir dans les mœurs ce milieu que i'entens.

*O*r i'excuse en cecy nostre foiblesse humaine,
 Qui ne veut, ou ne peut, se donner tant de peine,
 Que s'exercer l'esprit en tout ce qu'il faudroit,
 Pour rendre par estude vn lourdaüt plus adroict.

*M*ais ie n'excuse pas les censeurs de Socrate,
 De qui l'esprit rongneux de soy-mesme se gratte,
 S'idolatre, s'admire, & d'un parler de miel,
 Se va preconisant cousin de Larcancier.

S A T Y R E X.

*Qui baillët pour raisons des chansös & des bourdes,
 Et tous sages qu'ils sont font les fautes plus lourdes:
 Et pour sçauoir gloser sur le Magnificat,
 Treuchent en leurs discours de l'esprit delicat,
 Controllent vn chacun, & par apostasie,
 Veulent paraphraser dessus la fantasie,
 Aussi leur bien ne sert qu'à monstrier le deffaut,
 Et semblent se baigner quand on chante tout haut,
 Qu'ils ont si bon cerueau, qu'il n'est point de sottise,
 Dont par raison d'estat leur esprit ne s'aduisë.*

*Or il ne me chaudroit insensez ou prudens,
 Qu'ils fissent à leurs frais, messieurs les Intendans,
 A chaque bout de champ si sous ombre de chere,
 Il ne m'en falloit point payer la folle enchere.*

*Vn de ces iours derniers par des lieux destournez,
 Je m'en allois resuant le manteau sur le nez,
 L'ame bizarrerment de vapeurs occupee,
 Comme vn Poëte qui prend les vers à la pipee:
 En ces songes profonds où flottoit mon esprit,
 Vn homme par la main hazardement me prit,
 Ainsi qu'on pourroit prendre vn dormeur par l'o-
 reille,*

*Quand on veut qu'à minuiët en sursaut il s'cueille,
 Je passe outre daguet sans en faire semblant,
 Et m'en vois à grands pas tout froid & tout trem-
 blant:*

Craignant de faire encor' avec ma patience,

Des sottises d'autruy nouvelle penitence.

*Tout courtois il me suit, & d'un parler remis,
 Quoy monsieur! est-ce ainsi qu'on traite ses amis?
 Je m'arreste contraint d'une façon confuse,
 Grondant entre mes dents ie barbotte vne excuse:
 De vous dire son nom il ne guarit de rien,
 Et vous iure au surplus qu'il est homme de bien,
 Que son cœur conuoiteux d'ambition ne creue,
 Et pour ses factions qu'il n'ira point en Greue:
 Car il aime la France, & ne souffriroit point,
 Le bon seigneur qu'il est, qu'on la mist en pourpoint,
 Au compas du deuoir il regle son courage,
 Et ne laisse en depost pourtant son aduantage,
 Selon le temps il met ses partis en auant,
 Alors que le Roy passe, il gagne le deuant,
 Et dans la gallerie, encor' que tu luy parles,
 Il te laisse au Roy Iean, & s'en court au Roy Charles,
 Mesme aux plus auancez demande le pourquoy,
 Il se met sur vn pied, & sur le quant à moy,
 Et seroit bien fasché, le Prince assis à table,
 Q'un autre en fust plus pres, ou fist plus l'agreable,
 Qui plus suffisamment entrant sur le deuis,
 Fist mieux le Philosophe ou dist mieux son auis.
 Qui de chiens ou d'oyseaux eust plus d'experience,
 Ou qui deuidast mieux vn cas de conscience,
 Puis dites comme vn sot qu'il est sans passion,
 Sans gloser plus auant sur sa perfection.*

SATYRE X.

*Avec maints hauts discours, de chiens, d'oyseaux, de
bottes,*

*Que les valets de pied sont fort suiets aux crottes,
Pour bien faire du pain il faut bien en fourner,
Si Dom-Pedre est venu qu'il s'en peut retourner,
Le Ciel nous fist ce bien qu'encor' d'assez bonne
heure,*

*Nous vinsmes au logis où ce monsieur demeure,
Ousans historier le tout par le menu,
Il me dit vous soyez, monsieur, le bien venu.*

*Après quelques propos, sans propos & sans suite
Avecq' un froid Adieu ie minutte ma fuitte,
Plus de peur d'accident que de discretion,
Il commence un sermon de son affection:*

*Me rit, me prend, m'embrasse, avec ceremonie,
Quoy, vous ennuyez vous en nostre compagnie?*

*Non non, ma foy dit-il, il n'ira pas ainsi,
Et puis que ie vous tiens, vous souperez icy,
Ie m'excuse, il me force, ô Dieux quelle iniustice,
Alors: mais las trop tard ie cognus mon supplice:*

*Mais pour l'auoir cognu, ie ne peus l'esuiter,
Tant le destin se plaist à me persecuter,*

*A peine à ces propos eut-il fermé la bouche,
Qu'il entre à l'estourdy vn sot fait à la fourche,
Qui pour nous saluer laissant choir son chapeau,
Fist comme vn entre chat avec vn escabeau,
Trebuchant par le cul, s'en va deuant-derriere,*

Et grondant se fascha qu'on estoit sans lumiere:
 Pour nous faire sans rire auallier ce beau saut,
 Le Monsieur sur la venüe excuse ce deffaut,
 Que les gens de sçauoir ont la visiere tendre,
 L'autre se relevant deuers nous se vient rendre,
 Moins honteux d'estre cheut que de s'estre dressé,
 Et luy demanda-st-il s'il s'estoit point blessé.

Après mille discours dignes d'un grand volume,
 On appelle un valet, la chandelle s'allume:
 On apporte la nappe, & met-on le couuert,
 Et suis parmy ces gens comme un homme sans vert,
 Qui fait en rechignant aussi maigre visage,
 Qu'un renard que Martin porte au Louure en sa
 cage.

Vn long-temps sans parler ie regorgeois d'ennuy:
 Mais n'estant point garand des sottises d'autruy,
 Ie creu qu'il me falloit d'une mauuaise affaire,
 En prendre seulement ce qui m'en pouuoit plaire.
 Ainsi considerant ces hommes & leurs soins,
 Si ie n'en disois mot ie n'en pensois pas moins,
 Et iugé ce lourdaut à son nez autentique,
 Que c'estoit un Pedant, animal domestique,
 De qui la mine rogue & le parler confus,
 Les cheueux gras & longs, & les sourcils touffus,
 Faisoient par leur sçauoir, comme il faisoit enten-
 dre,

La figue sur le nez au Pedant d'Alexandre.

S A T Y R E X.

Lors ie fus assure de ce que i' auois creu,
 Qu'il n'est plus Courtisan de la Court si recreu,
 Pour faire l'entēdu qu'il n'ait pour quoy qu'il vaille,
 Vn Poète, vn Astrologue, ou quelque Pedentaille,
 Qui durant ses amours avec son bel esprit,
 Couche de ses faueurs l'histoire par escrit,
 Maintenant que l'on voit & que ie vous veux dire,
 Tout ce qui se fist la digne d'une Satyre.

Ie croirois faire tort à ce Docteur nouveau:
 Si ie ne luy donnois quelque traitt de pinceau:
 Mais estant mauuais peintre ainsi que mauuais
 Poète,

Et que i' ay la cervelle & la main mal adroitte.

O Muse ie t'inuoque! emmielle moy le bec,
 Et bandes de tes mains les nerfs de ton rebec,
 Laisse moy là Phæbus chercher son auanture,
 Laisse moy son B. mol. prend la clef de Nature,
 Et vien simple sans fard, nuë & sans ornement,
 Pour accorder ma flute avec ton instrument.

Dy moy comme sa race autrefois ancienne,
 Dedans Rome accoucha d'une Patricienne,
 D'où nasquit dix Catons & quatre vingts Preteurs,
 Sans les Historiens & tous les Orateurs:
 Mais non, venons à luy, dont la mauffade mine,
 Resemble vn de ces Dieux des coutaux de la Chine,
 Et dont les beaux discours plaisamment estourdis,
 Feroit creuer de rire vn saint de Paradis.

Son teint iaune enfumé de couleur de malade,
 Feroit donner au Diable, & ceruze, & pommade,
 Et n'est blanc en Espagne à qui ce Cormoran
 Ne fasse renier la loy de l'Alcoran,
 Ses yeux bordez de rouge esgarez sembloient estre,
 L'un à Mont marthe, & l'autre au chasteau de Bi-
 cestre

Toutesfois redressant leur entre-pas tortu:
 Ils guidoient la ieunesse au chemin de vertu,
 Son nez haut releué sembloit faire la nique
 A l'Ouide Nason au Scipion Nasique,
 Ou maints rubiz balez tous rougissans de vin
 Monstroient vn H A C Î T V R à la pomme de pin.
 Et preschât la vendange asseuroient en leur trongne
 Qu'un ieune Medecin vit moins qu'un vieil
 yurongne.

Sa bouche est grosse & torte, & semble en son porfil,
 Celle là d'Alizon qui retordant du fil
 Fait la moue aux passans, & feconde en grimace,
 Baue comme au prin-temps vne vieille limace.

Vn rateau mal rangé par ses dents paroissoit,
 Ou le chancre & la rouille en manceaux s'amassoit,
 Dont pour lors ie congneus grondant quelques pa-
 Qu'expert il en scauoit creuer ses euerolles, (rolles
 Qui me fit bien iuger qu'aux veilles des bons iours
 Il en souloit roigner ses ongles de velours,
 Sa barbe sur sa ioue esparse à l'aduanture,

S A T Y R E VIII.

*Où l'art est en colere avecque la nature,
En Bosquets s'esleuoit, où certains animaux
Qui des pieds, non des mains, luy faisoient mille
maux.*

*Quant au reste du coprs il est de telle sorte
Qu'il semble que ses reins & son espaule torte
Facent guerre à sa teste, & par rebellion,
Qu'ils eussent entasse Osse sur Pellion
Tellement qu'il n'a rien en tout son attelage,
Qui ne suive au galop la trace du visage,
Pour sa robbe elle fut autre qu'elle n'estoit
Alors qu' Albert le Grand aux festes la portoit:
Mais tousiours reconfant piece à piece nouvelle,
Depuis trente ans c'est elle, & si ce n'est pas elle:
Ainsi que ce vaisseau des Grecs tant renommé
Qui suruescut au temps qu'il auoit consommé,
Vne taigne affamee estoit sur ses espaules,
Qui traçoit en Arabe vne Carte des Gaules:
Les pieces & les trous semez de tous costez,
Representoient les bourgs, les monts & les citez:
Les filets separez qui se tenoient à peine,
Imitoient les ruisseaux coulans dans vne plaine.
Les Alpes en iurant luy grimpyent au collet,
Et Saouy qui plus bas ne pend qu'à vn filet.*

*Les puces & les poux & telle autre quenaille,
Aux plaines d'alentour se mettoient en bataille,*

Qui les places d'autruy par armes vsurpant
Le titre disputoient au premier occupant.

Or deffous ceste robbe, illustre & venerable,
Il auoit vn iupon, non celuy de Constable:
Mais vn qui pour vn temps suiuit l'arriere ban,
Quand en premiere nopce il seruit de caban
Au croniqueur Turpin, lors que par la campagne
Il portoit l'arbalestre au bon Roy Charlemagne,
Pour assurez si c'est, ou laine, ou soye, ou lin,
Il faut en deuinaille estre maistre Gonin.

Sa ceinture honorable ainsi que ses iartieres,
Furent d'un drap du seau, mais i'entends de li-
zieres

Qui sur maint Cousturier iouerent maint rollet,
Mais pour l'heure presente ils sangloient le mulet,
Vn mouchoir & des gands avecq' ignominie
Ainsi que des larrons pendus en compagnie,
Luy pendoient au costé, qui sembloient en lambeaux
Crier en se mocquant vieux linges, & vieux dra-
peaux,

De l'autre brimballoit vne clef fort honneste,
Qui tire à sa cordelle vne noix d'arbaleste.

Ainsi ce personnage en magnifique arroy,
Marchant pedetentim s'en vint iusques à moy:
Qui sentis à son nez, à ses leures decloses,
Qu'il fleuroit bien plus fort: mais non pas mieux que
roses.

SATYRE VI.

Il me parle Latin, il allegue, il discours,
 Il reforme à son pied les humeurs de la Court:
 Qu'il a pour enseigner vne belle maniere
 Qu'en son globe il a veu la matiere premiere,
 Qu'epicure est yurongne, Hypocrate vn bourreau,
 Que Bartolle & Iason ignorent le barreau:
 Que Virgille est passable, encor qu'ẽ quelques pages
 Il meritast au Louvre estre chiflé des Pages,
 Que Pline est inegal, Terence vn peu ioly,
 Mais sur tout il estime vn langage poly, (dre,
 Ainsi sur chasque Autheur il trouue de quoy mor-
 L'vn na point de raison, & l'autre n'a point d'ordre.
 L'autre auorte auant temps des œuures qu'il conçoit
 Or il vous prend Macrobe & luy donne le foit,
 Ciceron il s'en tait d'autant que l'on le crie
 Le pain quotidien de la pedanterie,
 Quand à son iugement il est plus que parfait
 Et l'immortalité n'a yme que ce qu'il fait,
 Par hazard disputant si quelqu'vn luy replique,
 Et qu'il soit à quia, vous estes heretique:
 Ou pour le moins fauteur ou vous ne sçauiez point
 Ce qu'en mon manuscrit i'ay noté sur ce point.

Comme il n'est rien de simple aussi rien n'est du-
 rable

Depauvre on deuient riche, & d'heureux miserable
 Tout se change, qui fit qu'on changea de discours,
 Apres maint entretien, maints tours, & maints
 retours,

Un valet se leuant le chapeau de la teste
 Nous vint dire tout haut que la soupe estoit preste
 Le cogneu qu'il est vray ce qu' Homere en escrit:
 Qu'il n'est rien qui si fort nous resueille l'esprit,
 Car i'ens au son des plats l'ame plus alteree
 Que ne l'auroit vn chien au son de la curee:
 Mais comme vn iour d'Esté ou le Soleil reluit,
 Ma ioye en moins d'un rien comme vn éclair s'en-
 fuit,

Et le Ciel qui des dents me rid à la pareille,
 Me bailla gentiment le lieure par l'oreille:
 Et comme en vne montre ou les passe-volans
 Pour se monstrier soldats sont les plus insolens:
 Ainsi parmy ces gens vn gros vallet d'estable,
 Glorieux de porter les plats dessus la table,
 D'un nez de Maiordome, & qui morgue la faim,
 Entra seruiette au bras & fricassée en main,
 Et sans respect du lieu, du Docteur ny des sausses.
 Heurtant table & treteaux, versa tout sur mes
 chausses:

On le tance, il s'excuse & moy tout resolu,
 Puis qu'à mon dam le Ciel l'auoit ainsi voulu,
 Je tourne en raillerie vn si fascheux mistere
 De sorte que Monsieur m'obligea de s'en taire,
 Sur ce point on se laue, & chacun en son rang
 Se met dans vne chaire, ou s'assied sur vn banc,
 Suiuans ou son merite, ou sa charge ou sa race,

SATYRE X

Des niais, sans prierie me mets en la place,
 Ou i'estois resolu, faisant autant que trois
 De boire & de manger, comme aux veilles des Rois:
 Mais à si beau dessein defaillant la matiere,
 Ie fus en fin contraint de ronger ma litiere:
 Comme vn asne affamé qui n'a chardons ny foin,
 N'ayant pour lors dequoy me saouler au besoin:

Or entre tous ceux-là qui se mirent à table,
 Il n'en estoit pas vn qui ne fust remarquable,
 Et qui sans esplucher n'auallast l'Eperlan,
 L'vn en titre d'office exerçoit vn berlan:
 L'autre estoit des suiuaunts de Madame Lipee,
 Et l'autre chevalier de la petite espee,
 Et le plus saintet d'entr'eux (sauf le droict du cor-
 deau)

Viuoit au cabaret pour mourir au bordeau.

En forme d'Eschiquier les plats rangez sur table,
 N'auoient ny le maintien, ny la grace accostable,
 Et bien que nos disneurs mangeassent en Sergens,
 La viande pourtant ne prioit point les gens:
 Mon Docteur de Menestre en sa mine alteree,
 Auoit deux fois autant de mains que Briarée,
 Et n'estoit quel qu'il fust morceau dedans le plat,
 Qui des yeux & des mains n'eust vn eschec & mat.
 D'où i'aprins en la cuitte, aussi bien qu'en la crue,
 Que l'ame se laissoit piper comme vne grüe:
 Et qu'aux plats comme au liēt avec lubricité

Le peché de la chair tentoit l'humanité.

Deuant moy iustement on plante vn grand pota-
ge,

D'où les mouches à ieun se sauoient à la nage:
Le broüet estoit maigre, & n'est Nostradamus,
Qui l' Astrolabe en main ne demeurast carnus,
Si par galanterie ou par sottise expresse,
Il y pensoit trouuer vne estoille de gresse:
Pour moy si i'eusse esté sur la mer de Leuant,
Où le vieux Louchaly fendit si bien le vent,
Quand S. Marc s'habilla des enseignes de Trace,
Je l'accompaererois au golphe de Patrasse,
Pource qu'on y voyoit en mille & mille parts,
Les mouches qui flottoient en guise de soldats,
Qui morts sembloient encor' dans les ondes salees,
Embrasser les charbons des galeres bruslees.

I'oy ce semble quelqu'un de ces nouveaux Do-
cteurs,

Qui d'estoc & de taille estrillent les auteurs,
Dire que ceste exemple est fort mal assortie,
Homere, & non pas moy en doit la garentie,
Qui dedans ses escrits, en des certains effects,
Les compare peut-estre aussi mal que ie faiçts.

Mais retournons à table où l'esclanche en ceruelle,
Des dents & du chalan separoit la querelle,
Et sur la nappe allant de quartier en quartier,
Plus dru qu'une nauette au trauers d'un mestier,

SATYRE X.

Glissoit de main en main ou sans perdre aduantage
 Ebrechant le cousteau tesmoignoit son courage:
 Et durant que Brebis elle fut parmy nous
 Elle sceut brauement se deffendre des loups,
 Et de se conseruer elle mist si bon ordre,
 Que morte de vieillesse elle ne sç auroit mordre:
 A quoy glouton oyseau du ventre renaissant
 Du fils du bon Iapet te vas-tu repaissant,
 Assez, & trop long temps, son poulmon tu gour-
 mandes.

La faim se renouuelle au change des viandes:
 Laisant là ce larron, vien icy desormais
 Ou la tripaille est fritte en cent sortes de mets.
 Or durant ce festin Damoysele famine
 Auec son nez etique, & sa mourante mine
 Ainsi que la cherté par Edict l'ordonna
 Faisoit vn beau discours dessus la lez ina.
 Et nous torchant le bec allegoit Symonide
 Qui dict pour estre sain qu'il faut mascher à vuide,
 Au reste a manger peu, Monsieur beuuoit d'autant,
 Du vin qu'à la tauerne on ne paioit contant,
 Et se faschoit qu'un Iean, blessé de la Logique,
 Luy barbouilloit l'esprit d'un ergo Sophistique,
 Esmiant quand à moy du pain entre mes doigts,
 A tout ce qu'on disoit doucet ie m'accordoï
 Leur voyant de piot la ceruelle eschauffee,
 De peur, comme l'on dict de courroucer la Fée.

Mais

Mais à tant d'accidents l'un sur l'autre amassez,

Sçachant qu'il en falloit payer les pots cassez :
 De rage sans parler ie m'en mordoïis la levre,
 Et n'est Iob de despit qui n'en eust pris la cheure :
 Car un limier boiteux de galles damassé,
 Qu'on avoit d'huile chaude & de souffre graissé :
 Ainsi comme un verrat enueloppé de fange,
 Quand sous le corcelet la crasse luy demange,
 Se boucheonne par tout, de mesme en pareil cas
 Ce rogneux las d'aller se frottoit à mes bas,
 Et fust pour estriller ses galles & ses crottes,
 De sa grace il graissa mes chausses pour mes bottes,
 En si digne façon que le frippier Martin,
 Avec sa male-tache y perdrait son Latin.

Ainsi qu'en ce despit le sang m'eschauffoit l'ame,
 Le Monsieur, son pedant à son aide reclame,
 Pour soudre l'argument, quand d'un sçauant parler,

Il est, qui fait la mouë aux chimeres en l'air,
 Le pedant tout fumeux de vin & de doctrine,
 Respond, Dieu sçait comment le bon Jean se mutine,

Et sembloit que la gloire en ce gentil assaut,
 Fust à qui parleroit, non pas mieux, mais plus haut.
 Ne croyez en parlant que l'un ou l'autre dorme,

SATYRE X.

Comment vostre argument, dist l'un, n'est pas en
forme,

L'autre tout hors du sens: mais c'est vous, malau-
tru,

Qui faites le sçavant & n'estes pas congru:

L'autre, Monsieur le sot, ie vous feray bien taire:

Quoy, comment est-ce ainsi qu'on frape Despaute-
re?

Quelle incongruité, vous mentez par les dents,

Mais vous: ainsi ces gens à se picquer ardents,

S'en vindrent du parler à tic tac, torche, lorgne,

Qui casse le museau, qui son riuai éborgne,

Qui iette un pain, un plat, une assiette, un couteau,

Qui pour une rondache empoigne un escabeau,

L'un fait plus qu'il ne peut, & l'autre plus qu'il
n'ose,

Et pense en les voyant voir la Metamorphose,

Ou les Centaures souz au bourg Athracien,

Voulurent chauds de reins faire nopces de chien,

Et cornus du bon pere encorner le Lapite,

Qui leur fit à la fin enfler la guerite,

Quand auecque des plats, des treteaux, des tisons,

Par force les chassans my-morts de ses maisons,

Il les fist gentiment apres la tragedie,

De cheuaux deuenir gros asnes d'Arcadie:

Nos gens en ce combat n'estoient moins inhumains:

Car chacun s'escrimoit & des pieds & des mains,

Et comme eux tous sanglans en ces doctes alarmes,
 La fureur aueuglee en main leur mit des armes:
 Le bon Jean crie au meurtre, & ce Docteur, harant,
 Le Monsieur dit tout beau, l'on appelle Giraut,
 A ce nom voyant l'homme & sa gentille trongne,
 En memoire aussi tost me tomba la Gasconne,
 Je cours à mon manteau, je descends l'escalier,
 Et laisse avec ces gens Monsieur le chevalier,
 Qui vouloit mettre barre entre ceste canaille,
 Ainsi sans coup ferir ie sors de la bataille,
 Sans parler de flambeau, ny sans faire autre
 bruit,

Croyez qu'il n'estoit pas, ô nuict ialouse nuict:
 Car il sembloit qu'on eust aueuglé la nature,
 Et faisoit un noir brun d'aussi bonne teinture,
 Que iamais on en vit sortir des Gobelins,
 Argus pouuoit passer par un des Quinze vingts,
 Qui pis est il plouuoit d'une telle maniere,
 Que les reins par despit me seruoient de goutiere:
 Et du haut des maisons tomboit un tel degout,
 Que les chiens alterez pouuoient boire debout.

Alors me remettant sur ma Philosophie,
 Je trouue qu'en ce monde il est sot qui se fie,
 Et se laisse conduire, & quant aux Courtisans,
 Qui doucets & gentils font tant les suffisans,
 Je trouue les mettant en mesme patenostre,
 Que le plus sot d'entr'eux est aussi sot qu'un autre,

SATYRE X.

Mais pource qu'estant là ie n'estois dans le grain,
 Aussi que mon manteau la nuit craint le serain,
 Voyant que mon logis estoit loïn, & peut-estre,
 Qu'il pourroit en chemin changer d'air & de mai-
 stre,

Pour eüiter la pluye à l'abry de l'auuent,
 J'allois doublant le pas, comme vn qui fend le vent,
 Quand bronchant lourdement en vn mauuais pas-
 sage,

Le Ciel me fist iouier vn autre personnage:
 Car heurtant vne porte en pensant m'accoter,
 Ainsi qu'elle obeyt ie vins à culbuter,
 Et s'ouurant à mon heurt ie tombay sur le ventre;
 On demande que c'est, ie me releue, i'entre,
 Et voyant que le chien n'aboyoit point la nuit,
 Que les verroux graissez ne faisoient aucun bruit,
 Qu'on me rioit au nez, & qu'une chambriere,
 Vouloit monstrer ensemble & cacher la lumiere.
 Je suis, ie le voy bien, ie parle, l'on respond,
 Où sans fleurs de bien-dire, ou d'autre art plus pro-
 fond,

Nous tombasmes d'accord, le monde ie contemple,
 Et me trouue en vn lieu de fort mauuais exemple:
 Toutesfois il falloit en ce plaisant malheur,
 Mettre pour me sauuer en danger mon honneur.

Puis donc que ie suis là, & qu'il est pres d'une
 heure,


SATYRE X.

51

N'esperant pour ce iour de fortune meilleure,
Je vous laisse en repos, iusques à quelques iours,
Que sans parler, Phæbus, ie feray le distours,
De mon giste, où pensant reposer à mon aise,
Je tombé par malheur de la poisle en la braise.

F I N.

G ij



SATYRE XI.

SVITTE.

Voyez que c'est du monde, & des choses
humaines,
Toujours à nouveaux maux naissent
nouvelles peines,
Et ne m'ont les destins à mon dan trop constans,
Jamais apres la pluye enuoyé le beau temps,
Estant né pour souffrir ce qui me reconforte,
C'est que sans murmurer la douleur ie suporte,
Et tire ce bon-heur du malheur où ie suis,
Que ie fais en riant bon visage aux ennuis,
Que le Ciel affrontant ie nazarde la Lune,
Et voy sans me troubler l'une & l'autre fortune.
Pour lors bien m'en vallut: car contre ces assauts,
Qui font lors que i'y pense encor que ie tressauts:
Petrarque & son remede y perdant sa rondache,
En eust de marisson ploré comme vne vache.
Outre que de l'obiet la puissance s'esmeit,
Moy qui n'ay pas le nez d'estre Iean qui ne peut,
Il n'est mal dont le sens la nature resueille,
Qui Ribaut ne me prist ailleurs que par l'oreille.

Entré doncq' que ie fus en ce logis d'honneur,
 Pour faire que d'abord on me traite en Seigneur,
 Et me rendre en amour d'autant plus agreable,
 La bourse desliant ie mis piece sur table,
 Et guarissant leur mal du premier appareil,
 Ie fis dans vn escu reluire le Soleil,
 De nuict dessus leur front la ioye estincelante,
 Monstroit en son midy que l'ame estoit contente,
 Deslors pour me servir chacun se tenoit prest,
 Et murmuroient tout bas, l'honneste hōme que c'est,
 Toutes à qui mieux mieux s'efforçoiet de me plaire,
 L'on allume du feu dont i'auois bien affaire,
 Ie m'aproche, me siedo, & m'aidant au besoin,
 Ia tout appriuoisé ie mangeois sur le poin,
 Quand au flamber du feu trois vieilles rechignees,
 Vinrent à pas contez comme des airignees,
 Chacune sur le cul au foyer s'accropit,
 Et sembloient se plaignant marmoter par despit,
 L'une comme vn fantosme affreusement hardie,
 Sembloit faire l'entree en quelque tragedie,
 L'autre vne Egyptienne en qui les rides font,
 Contre-escarpes, rampards, & fosses sur le front,
 L'autre qui de soy mesme estoit diminutiue,
 Ressembloit transparente vne lanterne viue,
 Dont quelque Paticier amuse les enfans,
 Ou des oysons bridez, guenuches, elefans,
 Chiens, chats, lieures, renards, & maint estrange
 beste,

SATYRE XI.

Courent l'une apres l'autre, ainsi dedans sa teste,
 Voyoit-on clairement au trauers de ses os,
 Ce dont sa fantasie animoit ses propos.
 Le regret du passé, du present la misere,
 La peur de l'aduenir, & tout ce qu'elle espere,
 Des biens que l'Hypocondre en ses vapeurs permet,
 Quand l'humeur ou le vin luy barbouillent l'ar-
 met,

L'une se plaint des reins, & l'autre d'un côtaire,
 L'autre du mal des dents, & comme en grand my-
 stere,

Auec trois brins de sauge, vne figue d'antan,
 Vn va-t'en, si tu peux, vn si tu peux, va-t'en,
 Escrit en peau d'oignon, entouroit sa maschoire,
 Et toutes pour garir se reforçoient de boire.

Or i'ignore en quel champ d'honneur & de vertu,
 Ou deffous quels drapeaux elles ont combatu,
 Si c'estoit mal de sainct ou de fièvre-quartaine:
 Mais ie sçay bien qu'il n'est soldat ny Capitaine,
 Soit de gens de cheual, ou soit de gens de pié,
 Qui dans la charité soit plus estropié.

Bien que maistre Denis sçauant en la sculpture,
 Fist-il auec son arc quinaude la nature,
 Ou comme Michel l'ange, eust-il le Diable au corps,
 Si ne pourroit-il faire auec tous ses efforts,
 De ces trois corps tronquez vne figure entiere,
 Manquant à cet effect, non l'art, mais la matiere.

En tout elles n'auoient seulement que deux yeux
 Encores bien fletris, rouges & chassieux,
 Que la moytié d'un nez, que quatre dets en bouche,
 Qui durant qu'il fait vent branlent sans qu'on les
 touche,

Pour le reste il estoit, comme il plaisoit à Dieu,
 En elles la santé n'auoit ny feu ny lieu:
 Et chacune à par-soy representoit l'idole,
 De fieures, de la peste, & de l'orde verolle.

A ce piteux spectacle, il faut dire le vray,
 J'eus vne telle horreur, que tant que ie viuray,
 Je croiray qu'il n'est rien au monde qui garisse
 Vn homme vicieux, comme son propre vice.

Toute chose depuis me fut à contrecœur
 Bien que d'un cabinet sortist un petit cœur,
 Avec son chapperon: sa mine de poupee,
 Disant i'ay si grand peur de ces hommes d'espee,
 Que si ie n'eusse veu qu'estiez vn Financier,
 Je me feusse plustost laissé crucifier,
 Que de mettre le nez où ie n'ay rien affaire,
 Iean mon mary, Monsieur, il est Apotiquaire,
 Sur tout, viue l'Amour, & bran pour les Sergens,
 Ardez, voire, c'est-mon, ie me congnois en gens,
 Vous estes, ie voy bien grand abbateur de quilles,
 Mais au reste honneste homme, & payez bien les
 filles,
 Cognaissez vous, mais, non, ie n'ose le nommer,

SATYRE XI.

Ma foy c'est un braue homme & bien digne d'ay-
mer,

Il sent tousiours si bon, mais quoy vous l'iriez dire:

Cependant de despit il semble qu'on me tire

Par la queue vn matou, qui m'escriit sur les reins,

De griffes & de dents mille alibis forains:

Comme vn singe fasché i'en dy ma patenostre,

De rage ie maugree & le mien & le vostre,

Et le noble vilain qui m'auoit attrapé:

Mais Mōsieur, me dist-elle, aurez-vous point soupé.

Je vous prie notez l'heure: & bien que vous en sem-
ble,

Estes vous pas d'auis que nous couchions ensemble:

Moy crotté iusqu'au cul, & mouillé iusqu'à los,

Qui n'auois dans le liēt besoin que de repos:

Je faillis à me pendre oyant que ceste lice,

Effrontément ainsi me presentoit la lice.

On parle de dormir i'y consens à regret,

La Dame du logis me mene au lieu secret,

Allant on m'entretient de Ieanne & de Macette,

Par le vray Dieu que Ieāne estoit & claire & nette,

Clair comme vn bassin, nette comme vn denier,

Au reste, fors Monsieur, que i'estois le premier:

Pour elle qu'elle estoit niepce de Dame Auoye,

Qu'elle feroit pour moy de la fauce monnoye,

Qu'elle eust fermé sa porte à tout autre qu'à moy,

Et qu'elle m'aimoit plus mille fois que le Roy,

Estourdy de caquet ie feignois de la croire,
 Nous montons, & montans d'un c'est-mon & d'un
 voire,

Doucement en riant i'apointois nos procez,
 La montee estoit torte & de fascheux accez,
 Tout branloit deffous nous insqu'au dernier estage,
 D'eschelle en eschelon comme un linot en cage,
 Il falloit sauteller & des pieds s'approcher
 Ainsi comme vne chéure en grim pant un rocher.
 Apres cent soubre-sauts nous vinsmes en la chābre,
 Qui n'auoit pas le goust, de musc, ciuette, ou d'ābre,
 La porte en estoit basse, & sembloit un guichet,
 Qui n'auoit pour serrure autre engin qu'un crochet
 Six douues de poinçon seruoient d'aiz & de barre,
 Qui baillant grimāsoient d'une façon bizarre,
 Et pour se reproauer de mauvais entretien,
 Chacune par grandeur se tenoit sur le sien.
 Et loin l'une de l'autre en leur mine alteree
 Monstroient leur sainte vie estroite & retiree.

Or comme il pleust au Ciel en trois doubles plié,
 Entrant ie me heurté la caboche & le pié,
 Dont ie tombe en arriere estourdi de ma cheute,
 Et du haut insqu'au bas ie fis la cullebutte:
 De la teste & du cul contant chaque degré,
 Puis que Dieu le voulust ie prins le tout à gré,
 Aussi qu'au mesme temps voyāt cheoir ceste Dame,
 Par ie ne sçay quel trou ie luy vis insqu'à l'ame,

SATYRE X.

*Qui fit en ce beau sault, m'esclatant comme un fou,
 Que ie prins grand plaisir à me rompre le cou.
 Au bruit Macette vint, la chandelle on apporte,
 Car la nostre en tombant de frayeur estoit morte:
 Dieu sçait comme on la veid & derriere & deuant,
 Le nez sur les carreaux & le fessier au vent,
 De quelle charité l'on soulagea sa peine,
 Cependant de son long sans poulx & sans haleine,
 Le museau vermolu, le nez escarbonillé,
 Le visage de poudre & de sang tout souillé,
 Sa teste descouuerte où l'on ne sçait que tondre,
 Et lors qu'on luy parloit qui ne pouuoit respondre,
 Sans collet, sans beguin, & sans autre affiquet,
 Ses mules d'un costé de l'autre son toquet.
 En ce plaisant mal-heur ie ne sçaurois vous dire,
 S'il en falloit pleurer ou s'il en falloit rire.
 Apres cest accident trop long pour dire tout,
 A deux bras on la prend, & la met-on debout,
 Elle reprend courage, elle parle, elle crie,
 Et changeant en vn rien sa douleur en furie,
 Dict à Ieanne en metant la main sur le roignon,
 C'est mal-heureuse, toy, qui me porte guignon:
 A d'autres beaux discours la collere la porte
 Tant que Macette peut elle la reconforte:
 Cependant ie la laisse & la chandelle en main,
 Regrimpant l'escalier ie suy mon vieux dessein,*

S A T Y R E X I.

I'entre dans ce beau lieu, plus digne de remarque
 Que le riche Palais d'un superbe Monarque.
 Estant là ie furete aux recoins plus cachez,
 Ou le bon Dieu voulut que pour mes vieux pechez,
 Ie sceusse le despit dont l'ame est forcenee,
 Lors que trop curieuse ou trop endemenee,
 Raudant de tons costez, & tournant haut & bas,
 Elle nous fait trouuer ce qu'on ne cherche pas.
 Or en premier item, sous mes pieds ie rencontre
 Vn chaudron ebresché, la bourse d'une montre:
 Quatre boëtés d'unguents, vne d'alun bruslé,
 Deux gands despariez, vn manchon tout pelé,
 Trois fiolles d'eau bleüe, autrement d'eau seconde,
 La petite seringue, vne esponge, vne sonde,
 Du blanc, vn peu de rouge, vn chiffon de rabat,
 Vn balet pour brusler en allant au sabat,
 Vne vieille lanterne, vn tabouret de paille,
 Qui s'estoit sur trois pieds sauué de la bataille:
 Vn baril defoncé, deux bouteilles sur-cu,
 Qui disoient sans goulet nous auons trop vescu:
 Vn petit sac tout plein de poudre de Mercure,
 Vn vieux chapperon gras de mauuais teinture,
 Et dedans vn coffret qui s'ouure anecq' enhan,
 Ie trouue des tizons du feu de la saint Iean,
 Du sel, du pain benit, de la feugere, vn cierge,
 Trois dents de mort pliez en du parchemin vierge,
 Vne chauue-souris, la carcasse d'un Gay,

SATYRE XI.

De la graisse de loup, & du beurre de May,
 Sur ce point Ieanne arrive & faisant la doucette,
 Qui vit ceans, ma foy n'a pas besongne faite:
 Toujours à nouveau mal nous vient nouveau soucy,
 Je ne sçay quant à moy quel logis c'est icy.
 Il n'est par le vray Dieu iour ouurier ny feste,
 Que ces carongnes là ne me rompent la teste,
 Bien bien, ie m'en iray si tost qu'il sera iour,
 On trouue dans Paris d'autres maisons d'amour,
 Je suis là cependant comme vn que l'on nazarde,
 Je demande que c'est ? hé! n'y prenez pas garde,
 Ce me respondit elle, on n'auroit iamais fait,
 Mais bran, bran, i'ay laissé, la-bas mon attifet,
 Toujours apres soupper ceste vilaine crie,
 Monsieur, n'est-il pas temps, couchons nous ie vous
 prie,

Cependant elle met sur la table les dras,
 Qu'en bouchons tortillez elle auoit sous les bras:
 Elle approche du liët fait d'une estrange sorte,
 Sur deux treteaux boiteux se couchoit vne porte,
 Où le liët repositoit, aussi noir qu'un souillon,
 Vn garderobe gras seruoit de pavillon,
 De conuerte vn rideau, qui fuyant (vert & iaune)
 Les deux extremittez, estoit trop court d'une aune.
 Ayant consideré le tout de point en point:
 Je fis vœu ceste nuict de ne me coucher point,
 Et de dormir sur pieds comme vn coq sur la perche:

Mais Ieanne tout en rut, s'aprouche & me recherche,
 D'amour ou d'amitié, duquel qu'il vous plaira,
 Et moy, maudit soit-il, m'amour qui le fera,
 Polyenne pour lors me vint en la pensee,
 Qui sçeut que vaut la femme en amour offencee,
 Lors que par impuissance, ou par mespris la nuit,
 On fausse compagnie ou qu'on manque au desdruit,
 C'est pourquoy j'eus grand peur qu'on me troussast
 en malle,
 Qu'on me fouietast pour voir si j'auois point la galle,
 Qu'on me crachast au nez, qu'è perche on me le mist,
 Et que l'on me berçast si fort qu'on m'endormist,
 Ou me baillant du Iean Ieanne vous remercie,
 Qu'on me tabourinast le cul d'une vessie,
 Cela fut bien à craindre & si ie l'euité,
 Ce fut plus par bon-heur que par dexterité,
 Ieanne non moins que Circe entre ses dents mur-
 mure,
 Sinon tant de vengeance, aumoins autant d'iniure,
 Or pour flater en fin son malheur & le mien,
 Je dis quand ie fais mal, c'est quand ie paye bien,
 Et faisant reuerence à ma bonne fortune,
 En la remerciant ie le conté pour vne.
 Ieanne rongéant son frein de mine s'apaisa,
 Et prenant mon argent en riant me baisa,
 Non pource que j'en dis, ie n'en parle pas, voire,
 Mon maistre pensez vous, j'entens bien le grimoire,

SATYRE XI,

*Vous estes honneste homme & sçavez l'entre-gent,
Mais Monsieur croyez vous que ce soit pour l'argent
I'en fais autant d'estat comme de cheneuottes:*

*Non ma foy i'ay encor un demy ceint, deux cottes,
Vne robe de serge, un chapperon, deux bas,
Trois chemises de lin, six mouchoirs, deux rabats,
Et ma chambre garnie aupres de saint Eustache,
Pourtant ie ne veux pas que mon mary le sçache:*

*Disant cecy tousiours son liēt elle brassoit,
Et les linceuls trop cours par les pieds tirassoit,
Et fit à la fin tant par sa façon adroite,*

*Qu'elle les fist venir à moitié de la coite,
Dieu sçait quels lacs d'amour, quels chiffres, quel-
les fleurs,*

*De quels compartimens & combien de couleurs,
Releuoient leur maintien, & leur blancheur naïfue,
Blanchie en un siué, non dans vne lesciue.*

*Comme son liēt est fait, que ne vous couchez: vous?
Monsieur, n'est-il pas temps, & moy de filer dous:*

*Sur ce point elle vient, me prend & me detache
Et le pourpoint du dos par force elle m'arrache,
Comme si nostre ieu, fust au Roy despouillé,
I'y resiste pourtant, & d'esprit embrouillé.*

*Comme par compliment ie trenchois de l'honneste,
N'y pouuant rien gagner ie me gratte la teste:*

*À la fin ie pris cœur resolu d'endurer,
Ce qui pouuoit venir sans me desesperer,*

Qui fait une follie il la doit faire entiere,
 Je détache vn soulier, ie m'oste une iartiere,
 Froidement toutes fois, & semble en ce coucher,
 Vn enfant qu'un Pedant contraint se détacher,
 Que la peur tout ensemble esperonne & retarde,
 A chacune esguillette il se fasche, & regarde,
 Les yeux couuers de pleurs, le visage d'ennuy,
 Si la grace du Ciel ne descend point sur luy,
 L'on heurte sur ce point, Catherine on appelle,
 Je anne pour ne respondre esteignit la chandelle,
 Personne ne dit mot, l'on refrappe plus fort,
 Et faisoit-on du bruit pour réveiller un mort,
 A chaque coup de pied toute la maison tremble,
 Et semble que le feste à la caue s'assemble:
 Bagasse ouuiras-tu? c'est cestuy-cy, c'est-mon,
 Ie anne ce temps-pendant me faisoit un sermon,
 Que Diable aussi pourquoy? que voulez vous qu'on
 face,

Que ne vous couchiez vous. Ces gens de la menace
 Venant à la priere essayoient tout moyen,
 Or ils parlent soldat, & ores Citoyen,
 Ils contre-font le guet, & de voix magistrale,
 Ouurez de par le Roy, au Diable un qui deuale,
 Vn chacun sans parler se tient clos & couuert,
 Or comme à coups de pieds l'huis s'estoit presque
 ouuert,

Tout de bon, le guet vint, la quenaille fait Gille;

SATYRE XI.

Et moy qui iusques la demourois immobile,
 Attendant estonné le succez de l'assaut,
 Cepensé- ie il est temps que ie gaigne le haut,
 Et troussant mon paquet de sauuer ma personne:
 Je me veu x r'habiller, ie cherche, ie tastonne,
 Plus estourdy de peur que n'est vn hanneton:
 Mais quoy. plus on se haste & moins auance t'on.
 Tout comme par despit se trouuoit sous ma pate,
 Au lieu de mon chapeau ie prens vne sauate,
 Pour mon pourponit ses bas, pour mes bas son collet,
 Pour mes gands ses souliers, pour les miens vn bal-
 let,
 Il sembloit que le Diable eust fait ce tripotage:
 Or Ieanne me disoit pour me donner courage,
 Si mon compere Pierre est de garde auiourd'huy,
 Non, ne vous faschez point, vous n'aurez point
 d'ennuy,
 Cependant sans delay Messieurs frapent en maistre,
 On crie patience, on ouure la fenestre,
 Or sans plus m'amuser apres le contenu,
 Je descens doucement pied chaussé l'autre nu,
 Et me tapis daguet derriere vne muraille,
 On ouure & brusquement entra ceste quenaille,
 En humeur de nous faire vn assez mauuais tour,
 Et moy qui ne leur dy ny bon soir ny bon iour,
 Les voyant tous passéz ie me sentis alaigre,
 Lors dispos du talon ie vais comme vn chat maigre,

I'enfile la venelle, & tout leger d'effroy,
 Je cours un fort long temps sans voir derriere moy,
 Jusqu'à tant que trouuant du mortier, de la terre,
 Du bois, des estançons, maints platras, mainte
 pierre,

Je me sentis plustost au mortier embourbé,
 Que ie ne m'aperceus que ie fusse tombé.

On ne peut éuiter ce que le Ciel ordonne,
 Mon ame cependant de colere frissonne,
 Et prenant s'elle eust peu le destin à party,
 De despit à son nez elle l'eust dementy,
 Et m'assure qu'il eust réparé mon dommage,
 Comme ie fus sus pieds enduit comme un image,
 J'entendis qu'on parloit, & marchant à grands pas,
 Qu'on disoit hastons nous ie l'ay laissé fort bas,
 Je m'aproche, ie voy, desireux de cognoistre,
 Au lieu d'un Medecin il luy faudroit un Prestre,
 Dist l'autre, puis qu'il est si proche de sa fin,
 Comment diétle valet, estes vous Medecin,
 Monsieur pardonnez moy, le Curé ie demande,
 Il s'en court, & disant à Dieu me recommande,
 Il laisse la Monsieur fasché d'estre deceu.

Or comme allant tousiours de pres ie l'aperceus,
 Je cognu que c'estoit nostre amy, ie l'aproche,
 Il me regarde au nez, & riant me reproche:
 Sans flambeau l'heure induë, & de pres me voyant,
 Fangeux comme un pourceau, le visage effroyant,

SATYRE XI.

Le manteau sous le bras, la façon assoupie,
 Estes vous travaillé de la licantropie,
 Dist-il en me prenant pour me taster le pous,
 Et vous, di-je Monsieur, quelle fiéure avez vous?
 Vous qui tenez du sage ainsi parmy la ruë,
 Faites vous sus un pied toute la nuit la gruë,
 Il voulut me conter comme on l'auoit pipé,
 Qu'un valet du sommeil ou de vin occupé,
 Sous couleur d'aller voir vne femme malade,
 L'auoit galentement payé d'une cassade:
 Il nous faisoit bon voir tous deux bien estonnez,
 Auant iour par la ruë avecq' un pied de nez,
 Luy pour s'estre leué esperant deux pistoles,
 Et moy tout las d'auoir receu tant de bricolles,
 Il se met en discours, ie le laisse en riant,
 Aussi que ie voyois aux riuës d'Oriant,
 Que l'aurore s'ornant de saffran & de roses,
 Se faisant voir à tous faisoit voir toutes choses,
 Ne voulant pour mourir qu'une telle beauté,
 Me vit en se leuant si sale & si croté,
 Elle qui ne m'a veu qu'en mes habits de feste,
 Je cours à mon logis, ie heurte, ie tempeste,
 Et croyez à fraper que ie n'estois perclus,
 On m'ouure, & mon valet ne me reconnoist plus,
 Monsieur n'est pas icy, que Diable, à si bonne heure,
 Vous frappez comme un sourd, quelque temps ie
 demeure,

SATYRE XI.

Je le vois, il me voit, & demande estonné,
 Si le moine bourru m'auoit point promené,
 Dieu, comme estes vous fait, il va, moy de le suivre,
 Et me parle en riant comme si ie fusse yure,
 Il m'allume du feu, dans mon liét ie me mets,
 Auec vœu si ie puis de n'y tomber iamais,
 Ayant à mes despens appris ceste sentence,
 Qui gay fait vn erreur, la boit à repentance,
 Et que quand on se frotte auecq' les Courtisans:
 Les branles de sortie en sont fort desplaisans,
 Plus on penetre en eux plus on sent le remugle,
 Et qui troublé d'ardeur entre au bordel aueugle,
 Quand il en sort il a, plus d'yeux & plus aigus,
 Que Lyncé, l'Argonaute, ou le ialoux Argus.

F I N.

H. iii



A MONSIEVR

Freminet.

SATYRE XII.



N diët que le grand Peintre ayant fait
un ouvrage,
Des iugemens d'autruy, tiroit cest avan-
tage,

*Que selon qu'il iugeoit qu'ils estoient vrais, ou faux
Docile à son profit, reformoit ses defaux,
Or c'estoit du bon temps que la hayne & l'enuie,
Par crimes supposez, n'attentoient à la vie
Que le vray du propos estoit cousin germain,
Et qu'un chacun parloit le cœur dedans la main.*

*Mais que seruiroit-il maintenant de pretendre
S'amander par ceux la qui nous viennent re-
prendre,*

Si selon l'interest tout le monde discourt:

Et si la verité n'est plus femme de Court:

S'il n'est bon Courtisan, tant frisé peut il estre,

*S'il a bon appetit, qu'il ne iure à son maistre
 Dés la pointe du iour, qu'il est midy sonné,
 Et qu'au logis du Roy tout le monde a disné,
 Estrange effronterie de si peu d'importance,
 Mais de ce costé-là, ie leur donnois quittance,
 S'ils vouloient s'obliger d'espargner leurs amis
 Ou par raison d'estat il leur est bien permis.*

*Cecy pourroit suffire à refroidir vne ame,
 Qui n'ose rien tenter pour la crainte du blasme,
 A qui la peur de perdre enterre le talent,
 Non pas moy qui ne ry d'un esprit nonchalent,
 Qui pour ne faillir point retarde de bien faire:
 C'est pourquoy maintenant ie m'expose au vulgaire
 Et me donne pour butte aux iugements diuers.*

*Qu'un chacun taille, rongne, & glose sur mes vers,
 Qu'un resueur insolent, d'ignorance m'acuse
 Que ie ne suis pas net, que trop simple est ma Muse,
 Que i'ay l'humeur bizarre, inescalle cerueau,
 Et s'il luy plaist encor' qu'il me relie en veau.*

*Auant qu'à aller si viste, au moins ie le supplie,
 Sçauoir que le bon vin ne peut estre sans lie,
 Qu'il n'est rien de parfait en ce monde auiour d'huy
 Qu'homme ie suis suiect à faillir comme luy:
 Et qu'au surplus, pour moy, qu'il se face paroistre
 Aussi vray que pour luy ie m'efforce de l'estre.
 Mais sçais tu Freminet, ceux qui me blasmeront,
 Ceux qui dedans mes vers leurs vices trouueront:*

SATYRE XII.

A qui l'ambition la nuit tire l'oreille,
 De qui l'esprit auare en repos ne sommeille,
 Toujours s'alambiquant apres nouveaux partis,
 Qui pour Dieu, ny pour loy, n'ont que leurs appetis:
 Qui rodent toute nuit, troublez de ialousie,
 A qui l'amour lascif regle la fantasie,
 Qui preferent vilains le profit à l'honneur,
 Qui par fraude ont rauy les terres d'un mineur.

Telles sortes de gens vont apres les Poëtes,
 Comme apres les hiboux vont criant les chuettes:
 Leurs femmes vous diront fuyez ce mesdisant,
 Facheuse est son humeur, son parler est cuisant,
 Quoy Monsieur, n'est-ce pas cest homme à la Satyre?
 Qui perdrait son amy plustost qu'un mot pour rire,
 Il emporte la piece, & c'est la de par Dieu,
 (Ayant peur que ce soit celle-là du milieu)
 Ou le soulier les blesse, autrement ie n'estime,
 Qu'aucune eust volonté de m'accuser de crime.

Car pour elles depuis qu'elles viennent au point,
 Elles ne voudroient pas que l'on ne le sceust point,
 Vn grand contentement mal-aisement se celle:
 Puis c'est des amoureux la regle vniuerselle,
 De deferer si fort à leur affection,
 Qu'ils estiment l'honneur leur folle passion.

Et quant est de l'honneur de leurs maris, ie
 pense,
 Qu'aucune à bon escient n'en prendroit la deffence,

Sçachant bien qu'on n'est pas tenu par charité,
 De leur donner vn bien qu'elles leur ont osté,
 Voyla le grand mercy que i'auray de mes peines,
 C'est le cours du marché des affaires humaines,
 Qu'encores qu'un chacun vaille icy bas son prix
 Le plus cher toutes fois est souuent à mespris.

Or amy ce n'est point vne humeur de mesdire
 Qui m'ait fait rechercher ceste façon d'escrire:
 Mais mon pere m'apprit que des enseignemens,
 Les humains apprentifs formoient leurs iugemens,
 Que l'exemple d'autruy doit rendre l'homme sage,
 Et guettant à propos les fautes au passage,
 Me disoit, considere où cest homme est reduict,
 Par son ambition, cest autre, toute nuit
 Boit avec des putains, engage son domaine,
 L'autre sans traouiller tout le iour se promeine,
 Pierre le bon enfant aux dez a tout perdu,
 Ces iours le bien de Iean par decret fut vendu:
 Claude ayme sa voisine, & tout son bien luy donne:
 Ainsi me mettant l'œil sur chacune personne
 Qui valloit quelque chose, ou qui ne valloit rien,
 M'apprenoit doucement & le mal & le bien,
 Afin que fuyant l'un l'autre ie recherchasse
 Et qu'aux despens d'autruy sage ie m'enseignasse.

Sçais-tu si ces propos me sçeuient esmouuoir,
 Et contenir mon ame en vn iuste deuoir,
 S'ils me firent penser à ce que l'on doit suiure

SATYRE XII.

Pour bien & iustement en ce bas monde viure.

Ainsi que d'un voisin le trespas suruenu,
 Fait resoudre vn malade en son liçt detenu
 A prendre malgré luy tout ce qu'on luy ordonne,
 Qui pour ne mourir point de crainte se pardonne,
 De mesme les esprits, debonnaires & doux
 Se façonnent prudens, par l'exemple des foux,
 Et le blasme d'autruy, leur fait ces bons offices,
 Qu'il leur aprend que c'est, de vertus & de vices.

Or quoy que i'aye fait, si m'en sont-ils restez,
 Qui me pourroient par l'âge à la fin estre osterz,
 Ou bien de mes amis, avec la remonstrance,
 Ou de mon bon Demon suiuant l'intelligence:
 Car quoy qu'on puisse faire, estant homme, on ne
 peut,

Ny viure comme on doit, ny viure comme on veut.
 En la terre icy bas, il n'habite point d'Angez:
 Or les moins vicieux, meritent des louanges,
 Qui sans prendre l'autruy viuent en bon Chrestien
 Et sont ceux qu'on peut dire & sainçts & gens de
 bien.

Quand ie suis à par moy souuent ie m'estudie,
 (Tant que faire se peut apres la maladie)
 Dont chacun est blessé: ie pense à mon deuoir,
 I'ouure les yeux de l'âme, & m'efforce de voir,
 Au trauers d'un chacun, de l'esprit ie m'escrime,
 Puis dessus le papier mes caprices ie rime,

*Dedans vne Satyre où d'un œil doux amer,
Tout le monde s'y voit, & ne s'y sent nommer.*

*Voilà l'un des pechez, ou mon âme est encline,
On dit que pardonner est vne œuvre diuine,
Cela m'obligera qui voudra m'excuser:*

A son goust toutes fois chacun en peut vser:

*Quant à ceux du mestier ils ont de quoy s'ébatre,
Sans aller sur le pré nous nous pouuons combattre,
Nous monstrant seulement de la plume ennemis,
En ce cas là du Roy les duels sont permis:*

*Et faudra que bien forte ils facent la partie,
Si les plus fins d'entr'eux s'en vont sans repartie,*

*Mais c'est un Satyrique, il le faut laisser là:
Pour moy i'en suis d'avis, & cognois à celà
Qu'ils ont un bon esprit, corsaires à corsaires,
L'un l'autre s'attaquant, ne font pas leurs affaires.*

F I N.

Faint, illegible text, possibly bleed-through from the reverse side of the page. The text is arranged in approximately 15 horizontal lines across the upper half of the page.

Faint, illegible text, possibly bleed-through from the reverse side of the page. The text is arranged in approximately 15 horizontal lines across the lower half of the page.



MACETTE.

SATYRE XIII.

*A fameuse Macette à la Cour si connue,
Qui s'est aux lieux d'honneur en credit
maintenue,
Et qui depuis dix ans, iusqu'en ses derniers iours,*

*A soustenu le prix en l'escrime d'amours,
Lasse en fin de servir au peuple de quintaine,
N'estant passé-volant soldat, ny capitaine,
Depuis les plus chetifs iusques aux plus fendans,
Qu'elle n'ait desconfit & mis dessus les dents,
Lasse, di-ie & non soule, en fin s'est retiree
Et n'a plus autre obiect que la voute Etheree,
Elle qui n'eust avant que plorer son delict
Autre ciel pour obiet que le ciel de son liect:
A changé de courage, & confitte en detresse
Imite avec ses pleurs la saincte pechereße,*

SATYRE XIII.

Donnant des saintes loix à son affection,
 Elle a mis son amour à la deuotion,
 Sans art elle s'habille & simple en contenance
 Son teint mortifié presche la continence
 Clergesse elle fait ja la leçon aux prescheurs
 Elle lit saint Bernard, la guide des Pêcheurs,
 Les Meditations de la mere Thèrese
 Sçait que c'est qu'ypostase auecque synderesse,
 Iour & nuict elle va de conuent en conuent
 Visite les saints lieux se confesse souuent
 A des cas reseruez grandes intelligences,
 Sçait du nom de Iesus toutes les Indulgences,
 Que valent chapelets, grains benits enfilez,
 Et l'ordre du cordon des peres recollez,
 Loin du monde elle fait sa demeure & son giste
 Son œil tout penitent ne pleure qu'eau beniste
 En fin c'est un exemple en ce siecle tortu
 D'amour, de charité, d'honneur & de vertu,
 Pour Beate par tout le peuple la renomme,
 Et la Gazette mesme a des-ja dit à Rome
 La voyant aymer Dieu & la chair maistriser
 Qu'on n'attend que sa mort pour la canoniser
 Moy mesme qui necroy de leger aux merueilles,
 Qui reproche souuent mes yeux & mes oreilles,
 La voyant si changee en un temps si subit
 Je creu qu'elle l'estoit d'ame comme d'habit,
 Que Dieu la retiroit d'une faute si grande,

Et disois à par moy, mal vit qui ne s'amande,
 Ia des-ja tout deuot contrit & penitent,
 L'estois à son exemple esmeu d'en faire autant,
 Quand par arrest du Ciel qui hait l'hypocrisie,
 Au logis d'une fille ou i'ay ma fantasie,
 Ceste vieille Chouette a pas lents & posez,
 La parolle modeste & les yeux composez
 Entra par reuerence, & reserrant la bouche
 Timide en son respect sembloit Saincte Nitouché,
 D'un Aue Maria luy donnant le bon-jour,
 Et de propos communs bien esloignez d'amour
 Entretenoit la belle en qui i'ay la pensee
 D'un doux imaginer si doucement blessée
 Qu'aymans & bien aymez en nos doux passe-temps
 Nous rendons en amour ialoux les plus contans
 Enfin comme en caquet ce vieux sexe fourmille
 De propos en propos & de fil en esguille,
 Se laissant emporter au flus de ses discours
 Je pense qu'il falloit que le mal eust son cours
 Feignant de m'en aller daguez ie me recule
 Pour voir à qu'elle fin tendoit son preambule
 Moy qui voyant son port si plein de sainteté
 Pour mourir d'aucun mal ne me feusse doubté:
 En fin me tapissant au recoin d'une porte,
 L'entendy son propos, qui fut de ceste sorte.
 Ma fille Dieu vous garde & vous veille benir
 Si ie vous veux du mal qu'il me puisse aduenir,

SATYRE XIII.

*Qu'eussiez vous tout le biẽ d'õt le Ciel vous est chiche
 L'ayant ie n'en seroy plus pauvre ny plus riche,
 Car n'estant plus du monde au bien ie ne pretens,
 Ou bien si i'en desire, en l'autre ie l'attens,
 D'autre chose icy bas, le bon Dieu ie ne prie.
 A propos, sçauiez vous? on dit qu'on vous marie,
 Ie sçay bien vostre cas, vn homme grand, adroit,
 Riche & Dieu sçait s'il a tout ce qu'il vous faudroit,
 Il vous ayme si fort, aussi pourquoy ma fille
 Ne vous aymeroit il, vous estes si gentile,
 Si mignonne & si belle, & d'un regard si doux,
 Que la beauté plus grande est laide aupres de vous:
 Mais tout ne respond pas au traict de ce visage,
 Plus vermeil qu'une rose & plus beau qu'un riuage,
 Vous deuriez estant belle auoir de beaux habits,
 Esclater de satin, de perles, de rubis:
 Le grand regret que i'ay, non pas à Dieu ne plaise,
 Que i'en ay de vous voir belle & bien à vostre aise:
 Mais pour moy ie voudroy que vous eussiez au moins
 Ce qui peut en amour satisfaire à vos soins,
 Que cecy fust de soye & non pas d'estamine,
 Ma foy les beaux habits seruent bien à la mine,
 On a beau s'ageancer & faire les doux yeux,
 Quand on est bien parẽ on en est tousiours mienx:
 Mais sans auoir du bien, que sert la renommee?
 C'est vne vanité confusement semee
 Dans l'esprit des humains, vn mal d'opinion,*

Un faux germe auorté dans nostre affection
 Ces vieux contes d'honneur dont on repaist les Da-
 mes,
 Ne sont que des appas pour les debiles ames,
 Qui sans choix de raison ont le cerueau perclus
 L'honneur est un vieux saint que l'on ne chomme
 plus,
 Il ne sert plus de rien, sinon qu'un peu d'excuse,
 Et de sot entretien pour ceux la qu'on amuse
 Ou d'honneste refus, quand on ne veut aymer,
 Il est bon en discours pour se faire estimer:
 Mais au fonds c'est abus sans excepter personne,
 La sage le sçait vendre, ou la sotte le donne,
 Ma fille, c'est par là qu'il vous en faut auoir,
 Nos biens comme nos maux sont en nostre pouuoir,
 Elle a plus de respect, non moins de passion,
 Et cache ses amours sous sa discretion:
 Moy mesme, croiriez vous pour estre plus âgée,
 Que ma part comme on dit en fust de sa mangée?
 Non ma foy ie me sents & dedans & dehors,
 Et mon bas peut encor user deux ou trois corps:
 Mais chasque age a son temps, selon le drap la robe,
 Ce qu'un temps on a trop en l'autre on le desrobe,
 Estant ieune i'ay sceu bien user des plaisirs,
 Ores i'ay d'autres soins en semblables desirs:
 Ie veux passer mon temps & couvrir le mystere,
 On trouue bien la Cour dedans un monastere,
 Et apres maint essay en fin i'ay reconnu,

SATYRE XIII.

Qu'un homme comme un autre est un moine tout
nu,

Puis outre le saint vœu qui sert de couverture,

Ils sont trop obligez au secret de nature,

Et sçauent plus discrets apporter en aymant,

Auecque moins d'esclat plus de contentement.

C'est pourquoy desguisant les bouillons de mon
ame,

D'un long habit de cendre enuelopant ma fla-
me,

Je cache mon dessein aux plaisirs adonné,

Le peché que l'on cache est demi pardonné,

La faute seulement ne gist en la deffence,

Le scandale, l'opprobre, est cause de l'offence,

Pourueu qu'on ne le sçache, il n'importe com-
ment,

Qui peut dire que non, ne peche nullement,

Puis la bonté au Ciel nos offences surpasse,

Pourueu qu'on se confesse on a tousiours sa grace,

Il donne quelque chose à nostre passion,

Et qui ieune n'a pas grande deuotion,

Il faut que pour le monde a la feindre il s'exer-
ce,

„ C'est entre les deuots un estrange commerce,

„ Vn trafic par lequel au ioly temps qui court

„ Tout affaire fascheuse est facile à la Cour:

Je sçay bien que vostre âge encore ieune & tendre

Ne peut ainsi que moy ces misteres comprendre :
Mais vous deuriez, ma fille, en l'âge ou ie vous voy,

Estre riche, contente, avoir fort bien de quoy,
Et pompeuse en habits, fine accorte & rusée,
Reluire de ioyaux ainsi qu'une espousee :

Il faut faire vertu de la necessité,

Qui sçait viure icy bas n'a iamais pauureté,

Puis qu'elle vous deffend des dorures l'usage,

Il faut que les brillants soient en nostre visage,

Que vostre bonne grace en acquiere pour vous,

„ Se voir du bien, ma fille, il n'est rien de si doux,

„ S'enrichir de bonne heure est une grand' sagesse,

„ Tout chemin d'acquérir se ferme à la vieillesse,

„ A qui ne reste rien avec la pauureté,

„ Qu'un regret espineux d'auoir iadis esté,

Ou lors qu'on a du bien, il n'est si decrepite,

Qui ne trouue (en donnant) couuercle à sa marmite.

Non, non, faites l'amour, & vendez aux amans
Vos accueils, vos baisers, & vos embrassemens,

S A T Y R E X I I I .

C'est gloire & non pas honte en ceste douce peine,
 Des acquests de son liēt accoistre son domaine,
 Vendez ces doux regards, ces attraiets, ces apas,
 Vous mesme vendez vous, mais ne vous liurez pas,
 Conseruez vous l'esprit, gardez vostre franchise,
 Prenez tout, s'il se peut, ne soyez iamais prise,
 Celle qui par amour s'engage en ces mal-heurs,
 Pour vn petit plaisir, a cent mille douleurs,
 Puis vn homme au desdruit ne vous peut satisfaire,
 Et quand plus vigoureux il le pourroit bien faire,
 Il faut tondre sur tout & changer à l'instant,
 L'enuie en est bien moindre, & le gain plus contant,
 Sur tout soyez de vous la maistresse & la dame,
 Faites s'il est possible vn miroir de vostre ame,
 Qui recoit tous obieets & tout contant les pert,
 Fuyez ce qui vous nuist, ayez ce qui vous sert,
 Faites profit de tout, & mesmes de vos pertes,
 A prendre sagement ayez les mains ouuertes,
 Ne faites, s'il se peut, iamais present ny don
 Si ce n'est d'un chabot, pour auoir vn gardon,
 Par fois on peut donner pour les galands attirer,
 A ces petits presens ie ne suis pas contraire,
 Pourueu que ce ne soit que pour les amorcer,
 Les fines en donnant se doiuent efforcer
 A faire que l'esprit & que la gentillesse
 Face estimer les dons. & non pas la richesse:
 Pour vous, estimez plus qui plus vous donnera,

*Vous gouvernant ainsi Dieu vous assistera,
Au reste, n'espargnez ny Gaultier ny Garguille,
Qui se trouuera pris ie vous pri' qu'on l'estrille,
Il n'est que d'en auoir, le bien est tousiours bien,
Et ne vous doit chaloir ny de qui, ny combien,
Prenez à toutes mains, ma fille & vous souuienne,
Que le gain à bon goust de quelque endroit qu'il
vienne,*

*Estimez vos amans selon le reuenu,
Qui donnera le plus qu'il soit le mieux venu,
Laissez la mine à part, prenez garde à la somme,
Riche vilain vaut mieux que pauvre Gentil-homme,
Ie ne iuge pour moy les gens sur ce qu'ils sont:
Mais selon le profit & le bien qu'ils me font,
Quand l'argent est meslé l'on ne peut reconnoistre
Celuy du seruiteur d'avec celuy du maistre,
L'argent d'un cordon bleu n'est pas d'autre façon
Que celui d'un fripier ou d'un aide à maçon,
Que le plus & le moins y mette difference,
Et tienne seulement la partie en souffrance,
Que vous restablirez du iour au lendemain,
Et tousiours retenez le bon bout à la main,
De crainte que le temps ne destruisse l'affaire,
Il faut suiure de pres le bien que l'on differe,
Et ne le differer qu'entant que l'on le peut,
Ou se puisse aisement restablir quand on veut
Tous ces beaux suffisans, dont la cour est semee,*

SATYRE XIII.

*Ne sont que triacleurs & vendeurs de fumee,
Ils sont beaux, bien peignez, belle barbe au men-
ton?*

*Mais quand il faut payer, au diantre le teston,
Et faisant des mouuants & de l'ame saisie,
Ils croyent qu'on leur doit pour rien la courtoisie,
Mais c'est pour leur beau nez, le puits n'est pas com-
mun,*

*Si i'en auois vn cent, ils n'en auroient pas vn.
Et ce Poëte crocé avec sa mine austere,
Vous diriez à le voir que c'est vn Secretaire,
Il va melancolique & les yeux a baissez,
Comme vn Sire qui plaint ses parens trespassez:
Mais Dieu sçait, c'est vn homme aussi bien que les
autres,*

*Iamais on ne luy voit aux mains des patenostres,
Il hante en mauuais lieux, gardez vous de cela,
Non, si i'estoy de vous, ie le planteroy la
Et bien il parle liure, il a le mot pour rire:
Mais au reste apres tout c'est vn homme à Satyre,
Vous croiriez à le voir qu'il vous deust adorer,
Gardez, il ne faut rien pour vous des-honorer,
Ces hommes mesdisans ont le feu sous la leure,
Ils sont matelineurs prompts à prendre la cheure,
Et tournent leurs humeurs en bizarres façons,
Fuis il. ne donnent rien si ce n'est des chansons:
Mais non, ma fille non, qui veut viure à son aise,*

Il ne faut simplement un amy qui vous plaise,
 Mais qui puisse au plaisir joindre l'utilité
 En amour autrement c'est imbecilité
 Qui le fait à credit n'a pas grande ressource,
 On y fait des amis, mais peu d'argent en bourse,
 Prenez moy ces Abbez, ces fils de Financiers,
 Dont depuis cinquante ans, les peres usuriers,
 Volans à toutes mains, ont mis en leur famille,
 Plus d'argent que le Roy n'en a dans la Bastille,
 C'est là que vostre main peut faire de beaux coups
 Je sçay de ses gens là qui languissent pour vous :
 Car estant ainsi ieune en vos beautez parfaites,
 Vous ne pouuez sçauoir tous les coups que vous fai-
 tes,

Et les traictz de vos yeux haut & bas esclancez,
 Belle, ne voyent pas tous ceux que vous blessez,
 Tel s'en vient plaindre à moy qui n'ose le vous dire,
 Et tel vous rit de iour qui toute nuict soupire,
 Et se plaint de son mal d'autant plus vehement,
 Que vos yeux sans dessein le font innocemment,
 En amour l'innocence est un sçauant mystere,
 Pourueu que ce ne soit vne innocence austere,
 Mais qui sçache par art, donnant vie & trespas
 Feindre avecques douceur qu'elle ne le fait pas,
 Il faut aider ainsi la beauté naturelle,
 L'innocence autrement est vertu criminelle,
 Avec elle il nous faut & blesser & garir

SATYRE XIII.


Et parmi les plaisirs faire viure & mourir,
 Formez vous des desseins dignes de vos merites,
 Toutes basses amours sont pour vous trop petites,
 Ayez dessein aux dieux, pour de moindres beautez,
 Ils ont laissé iadis les cieux des-habitez.

Durant tous ces discours Dieu sçait l'impatience,
 Mais comme elle a tousiours l'œil à la deffiance,
 Tourrant decà delà vers la porte où i'estois,
 Elle vist en sursaut comme ie l'escouois,
 Elle troussé bagage, & faisant la gentille,
 Je vous verray demain, adieu, bon soir, ma fille.

Ha vieille, dy ie-lors, qu'en mon cœur ie maudis,
 Est-ce là le chemin pour gaigner Paradis?
 Dieu te doint pour guerdon de tes œures si saintes
 Que soient auant ta mort tes prunelles esteintes,
 Ta maison descouuerte & sans feu tout l'Hyuer,
 Auecque tes voisins iour & nuict estriuier,
 Et trainer sans confort, triste & desesperce,
 Vne pauvre vicillesse, & tousiours alieree,

F I N

S A T Y R E X I I I .


 Ay pris cent & cent fois la lanterne en
 la main
 Cherchant en plain midy parmy le genre
 humain,

Vn homme qui fust homme & de faict & de mine
 Et qui peust des vertus passer par l'estamine:
 Il n'est coing & recoing que ie n'aye tanté
 Depuis que la nature icy bas ma planté,
 Mais tant plus ie me lime & plus ie me rabote,
 Je croy qu'à mon aduis tout le monde radote,
 Qu'il à la teste vuide & sans dessus dessous
 Ou qu'il faut qu'au reboursie sois l'un des plus fous
 C'est de nostre folie vn plaisant stratagesme,
 Se flattant de iuger les autres par soy-mesme.

Ceux qui pour voyager s'embarquent dessus l'eau
 Voyent aller la terre & non pas leur vaisseau,
 Peut estre ainsi trompé que fausement ie iuge,
 Toutes fois si les fous ont leur sens pour refuge,
 Je ne suis pas tenu de croire aux yeux d'autruy,
 Puis, i'en sçay pour le moins autant ou plus que luy.

Voyla fort bien parlé si l'on me vouloit croire,
 Sotte presumption vous m'enyurez sans boire:

Mais apres en cherchant auoir autant couru
 Qu'aux Auans de Noel fait le Moyne Bourru,

SATYRE XIII.

*Pour retrouver un homme enuers qui la Satyre
 Sans flater, ne trouuast que mordre & que redire,
 Qui sceust d'un chois prudent toute chose éplucher,
 Ma foy si ce n'est vous ie n'en veux plus chercher.
 Or ce n'est point pour estre esleué de fortune,
 Aux sages cãme aux fous c'est chose assez commune,
 Elle auance un chacun sans raison & sans chois,
 Les foux sont aux echets les plus proches des Roys.*

*Aussi mon iugement sur cela ne se fonde,
 Au compas des grandeurs ie ne iuge le monde,
 L'esclat de ces clinquans ne mesblouit les yeux,
 Pour estre dans le Ciel ie n'estime les Dieux,
 Mais pour s'y maintenir & gouverner de sorte
 Que ce tout en deuoir reglement se comporte,
 Et que leur prouidence egallement conduit,
 Tout ce que le Soleil en la terre produit,
 Des hommes tout ainsi ie ne puis recognoistre
 Les grans. Mais bien ceux la qui meritent de l'estre,
 Et de qui le merite indomtable en vertu,
 Force les accidens & n'est point abatu,
 Non plus que de farceurs ie n'en puis faire conte
 Ainsi quel'un descend on voit que l'autre monte,
 Selon ou plus ou moins que dure le roollet,
 Et l'habit faiçt sans plus le Maistre ou le vallet,
 De mesme est de ces gens dont la grandeur se ioie
 Aniourd'huy gros, enflez sur le haut de la roie
 Ilz font un personnage, & demain renuersez,*

Chacun les met au rang des pechez effacez,
 La faueur est bizarre a traiter indocille,
 Sans arrest, inconstante & d'humeur difficile,
 Auecq' discretion il la faut carasser
 L'un la perd bien souuent pour la trop embrasser,
 Ou pour s'y fier trop, l'autre par insolence,
 Ou pour auoir trop peu ou trop de violence,
 Ou pour se la promettre ou se la desnier,
 En fin c'est vn caprice estrange à manier,
 Son Amour est fragile & se rompt comme verre,
 Et faiçt aux plus Matois donner du nez en terre.

Pour moy ie n'ay point veu parmy tant d'auancez,
 Soit de ces temps icy, soit des siecles passez,
 Homme que la fortune ayt tasché d'introduire,
 Qui durant le bon vent ait sçeü se bien conduire,
 Or d'estre cinquante ans aux honneurs esleué,
 Des grands & des petits dignement approuué,
 Et de sa vertu propre aux malheurs faire obstacle,
 Ie n'ay point veu de sots auoir faiçt ce miracle,
 Aussi pour discerner & le bien & le mal,
 Voir tout, congnoistre tout, d'un œil tousiours égal
 Manier dextremement les desseins de nos Princes,
 Respondre à tant de gens de diuerses Prouinces,
 Estre des estrangers pour Oracle tenu,
 Preuoir tout accident auant qu'estre aduenu,
 Destourner par prudence vne mauuaise affaire,
 Ce n'est par chose aysée ou trop facile à faire,

SATYRE XIII.

Voilà comme on conserue avecq' le iugement
 Ce qu'un autre dissipe & perd imprudemment,
 Quand on se brusle au feu que soy. mesme on attise
 Ce n'est point accident, mais c'est vne sottise.
 Nous sommes du bon-heur de nous mesme artisans
 Et fabriquons nos iours ou fascheux ou plaisans,
 La fortune est à nous & n'est mauuaise ou bonne
 Que selon qu'on la forme ou bien qu'on se la donne.

A ce point le mal-heur amy comme ennemy,
 Trouuant au bord d'un puis vn enfant endormy.
 En risque d'y tomber à son ayde s'auance
 Et luy parlant ainsi, le resueille & le tance:
 Sus badin leuez vous: si vous tombiez dedans,
 De douleur vos parens comme vous imprudens,
 Croyant en leur esprit que de tout ie dispose,
 Diroient en me blasmant que i'en serois la cause.

Ainsi nous seduisant d'une fauce couleur,
 Souuent nous imputons nos fautes au mal-heur
 Qui n'en peut mais, mais quoy! l'on le prèd à partie,
 Et chacun de son tort cherche la garantie.

Et nous pensons bien fins, soit veritable ou faux,
 Quand nous pouuõs courrir d'excuses nos defaux:
 Mais ainsi qu'aux petis aux plus grãds personages
 Sondez tout iusqu'au fond, les fous ne sont pasages.

Or c'est vn grand chemin iadis assez frayé,
 Qui des rimeurs François ne fut oncq' essayé,
 Suiuant les pas d'Horace entrant en la carriere,

Je trouue des humeurs de diuerse maniere,
 Qui me pourroient donner subiect de me mocquer,
 Mais qu'est-il de besoin de les aller chocquer?
 Chacun ainsi que moy sa raison fortifie,
 Et se forme à son goust vne Philosophie,
 Ils ont droit de leur cause & de la contester,
 Je ne suis chicanneur & n'aime à disputer.

Gallet a sa raison, & qui croira son dire
 Le hazard pour le moins luy promet vn Empire,
 Toutesfois au contraire, estant leger & net,
 N'ayant que l'esperance & trois dez au cornet
 Comme sur vn bon fond de rente ou de receptes
 Dessus sept ou quatorze il assigne ses debtes,
 Et trouue sur cela qui luy fournit de quoy,
 Ils ont vne raison qui n'est raison pour moy,
 Que ie ne puis comprendre, & qui bien l'examine:
 Est-ce vice ou vertu qui leur fureur domine?

L'vn alleché d'esperoir de gagner vingt pour cent
 Ferme l'œil à sa perte, & librement consent
 Que l'autre le despoille & ses meubles engage,
 Mesmes s'il est besoin baille son heritage.

Or le plus sot d'entre eux, ie m'en rapporte à luy,
 Pour l'un il perd son bien l'autre celuy d'autruy,
 Pourtant c'est vn traficq qui suit tousiours sa route,
 Ou bien moins qu'à la place on a fait banqueroute,
 Et qui dans le brelan se maintient brauement,
 N'en desplaise aux arrests de nostre Parlement,

SATYRE XIII

*Pensez vous sans auoir ces raisons toutes prestes,
 Que le Sier de Prouins persiste en ses requestes,
 Et qu'il ait sans espoir d'estre mieux à la Court,
 A son long balandran changé son manteau court,
 Bien que depuis vingt ans sa grimace importune
 Ayt à sa desfaueur obstiné la fortune.*

*Il n'est pas le cousin qui n'ait quelque raison,
 De peur de reparer, il laisse sa maison,
 Que son liét ne defonce, il dort dessus la dure,
 Et n'a, crainte du chaud, que l'air pour couuerture,
 Ne se pouuant munir encontre tant de maux
 Dont l'air intemperé faiçt guerre aux animaux
 Comme le chaud, le froid, les frimas, & la pluye,
 Et mil autres accidens, bourreaux de nostre vie,
 Luy selon sa raison souz eux il s'est soumis,
 Et forçant la Nature il les a pour amis
 Il n'est point enreumé pour dormir sur la terre,
 Son poulmon enflammé ne touffe le caterre,
 Il ne craint ny les dents ny les defluçtions
 Et son corps a tout sain libres ses fonçtions,
 En tout indifferent tout est à son usage,
 On dira qu'il est foux ie croy qu'il n'est pas sage,
 Que Diogene aussi fust vn foux de tout point,
 Cest ce que le Cousin comme moy ne croit point,
 Ainsi ceste raison est vne estrange beste,
 On l'a bonne selon qu'on a bonne la teste,
 Qu'on imagine bien du sens comme de l'œil,*

*Pour grain ne prenant paille, ou Paris pour Cor-
beil,*

*Or suiuant ma raison & mon intelligence,
Mettant tout en auant & soin & diligence,
Et criblant mes raisons pour en faire vn bon choi,
Vous estes à mon gré l'homme que ie cherchois:
Afin doncq' qu'en discours le temps ie ne consume,
Ou vous estes le mien, ou ie ne veux point d'homme.
Qu'vn chacun en ait vn ainsi qu'il luy plaira,
Rozete nous verrons qui s'en repentira.*

*Vn chacun en son sens selon son choi abonde,
Or m'ayant mis en goust des hommes & du monde,
Reduisant brusquement le tout en son entier
Encor faut il finir par vn tour du mestier.*

*On dit que Iupiter Roy des Dieux & des hommes
Se promenant vn iour en la terre où nous sommes,
Reçeut en amitié deux hommes apparens,
Tous deux d'age pareils, mais de mœurs differens,
L'vn auoit nom Minos, l'autre auoit nom Tantale:
Il les esleue au Ciel, & d'abord leur estale
Parmy les bons propos, les graces & les ris,
Tout ce que la faueur depart aux fauoris,
Ils mangeoient à sa table, aualoient l'ambrosie,
Et des plaisirs du Ciel souloient leur fantasie;
Ils estoient comme chefs de son Conseil priué:
Et rien n'estoit bien fait qu'ils n'eussent aprouué.
Minos eut bon esprit, prudent, accord, & sage,*

SATYRE XIII.

*Et sçeut insqu'à la fin iouer son personnage,
L'autre fut vn langard, reuelant les secrets,
Du Ciel & de son Maistre aux hommes indiscrets,
L'un avecq' prudence au Ciel s'impatronise,
Et l'autre eu fut chassé comme un pectux d'Eglise.*

F I N.

S A T Y R E X V.

*V*Y i'escry rarement & me plais de le
 faire,
 Non pas que la paresse en moy soit ordi-
 naire,

Mais si tost que ie prens la plume à ce dessein,
 Ie croy prendre en galere vne rame en la main:
 Ie sen au second vers que la Muse me dicte,
 Et contre sa fureur ma raison se despite.

Or si par fois i'escry suivant mon Ascendant,
 Ie vous iure encor est-ce à mon corps deffendant,
 L'astre qui de naissance à la Muse me lie,
 Me fait rompre la teste apres ceste folie,
 Que ie reconnois bien: mais pourtant, malgré moy
 Il faut que mon humeur fasse ioug à sa loy,
 Que ie demande en moy ce que ie me desnie,
 De mon ame & du Ciel, estrange tyrannie;
 Et qui pis est, ce mal qui m'afflige au mourir,
 S'obstine aux recipez & ne se veut guarir,
 Plus on drogue ce mal & tant plus il s'empire,
 Il n'est point d'Elebore assez en Anticire
 Reuesche à mes raisons il se rend plus mutin.
 Et ma philosophie y perd tout son Latin,
 Or pour estre incurable il n'est pas necessaire,

S A T Y R E XV.

*Patient en mon mal que ie m'y doiue plaire,
 Au contraire il m'en fasche & m'en desplais si fort
 Que durant mon accèz ie voudrois estre mort.
 Car lors qu'on me regarde, & qu'o me iuge vn poète,
 Et qui par consequent à la teste mal faite,
 Confus en mon esprit ie suis plus desolé,
 Que si i'estois maraut, ou ladre, ou verollé,
 Encor' si le transport dont mon ame est saisie,
 Auoit quelque respect durant ma frenaisie,
 Qu'il se reglast selon les lieux moins importants,
 Ou qu'il fist choix des iours, des hōmes ou du temps,
 Et que lors que l'hyuer me renferme en la chambre,
 Aux iours les plus glacez de l'engourdy Nouembre,
 Apollon m'obsedaſt, i'aurois en mon malheur,
 Quelque contentement à flater ma douleur,
 Mais aux iours les plus beaux de la saison nouvelle
 Que Zephire en ses rets surprend Flore la belle,
 Que dans l'air les oyseaux, les poissons en la mer,
 Se pleignent doucement du mal qui vient d'aymer,
 Ou bien lors que Ceres de fourment se couronne,
 Ou que Bacchus souspire amoureux de Pomone,
 Ou lors que le saffran, la derniere des fleurs,
 Dore le Scorpion de ses belles couleurs
 C'est alors que la verue insolemment m'outrage,
 Que la raison forcee obeyt à la rage,
 Et que sans nul respect des hommes ou du lieu,
 Qu'il faut que i'obeisse aux fureurs de ce Dieu,*

Cōme en ces derniers iours les plus beaux de l'ānee,
 Que Cibelle est par tout de fruiets enuironnee,
 Que le paysant recueille emplissant à milliers,
 Greniers, granges, chartis, & caues, & celiers,
 Et que Iunon riant d'une douce influance,
 Rend son œil fauorable aux champs qu'on ensemece
 Que ie me resoudois loing du bruit de Paris
 Et du soing de la Cour ou de ses fauoris,
 M'esgayer au repos que la campagne donne,
 Et sans parler Curé, Doyen, Chantre, ou Sorbonne,
 D'un bon mot faire rire en si belle saison,
 Vous, vos chiens & vos chats, & toute la maison,
 Et là dedans ces champs que la riuere d'Oyse,
 Sur des arenes d'or en ses bors se degoyse,
 (Seiour iadis si doux à ce Roy qui deux fois
 Donna Sydon en proye à ses peuples François)
 Faire meint soubre-saut, libre de corps & d'ame,
 Et froid aux appetis d'une amoureuse flame,
 Estre vuide d'amour comme d'ambition,
 Des gallands de ce temps horrible passion.

Mais à d'autres reuers ma fortune est tournee,
 Dés le iour que Phæbus nous monstre la iournee,
 Comme vn hiboux qui fuit la lumiere & le iour,
 Ie me leue & m'en vay dans le plus creux seiour
 Que Royaumont recelle en ses forests secrettes,
 Des renards & des loups les ombreuses retraittes,
 Et là malgré mes dents rongeanr & grauassant,

SATYRE XV.

Polissant les nouveaux les vieux rapetassant,
 Je fay des vers, qu'encore qu'Apollon les adouë,
 Dedans la Cour, peut estre, on leur fera la mouë,
 Ou s'ils sont à leur gré bien faitts & bien polis,
 J'auray pour recompence, ils sont vrayment idolis:
 Mais moy qui ne me reigle aux iugemēs des hōmes,
 Qui dedans & dehors cognoy ce que nous sommes,
 Comme le plus souuent ceux qui scauent le moings,
 Sont temerairement & iuges & tesmoings,
 Pour blasme ou pour louange ou pour froide parole,
 Je ne fay de leger banqueroute à l'escolle
 Du bon homme Empedocle, où son discours m'appred
 Qu'en ce monde il n'est rien d'admirable & de grad
 Que l'esprit desdaignant vne chose bien grande,
 Et qui Roy de soy-mesme à soy-mesme commande.

Pour ceux qui n'ont l'esprit si fort ny si trempé,
 Afin de n'estre point de soy-mesme trompé,
 Chacun se doibt cognoistre, & par un exercice
 Cultinant sa vertu de racincer son vice,
 Et censeur de soy-mesme avec soing corriger
 Le mal qui croist en nous, & non le negliger,
 Esueiller son esprit troublé de resuerie;
 Comme doncq' ie me plains de ma forcenerie,
 Que par art ie m'efforce à regler ses accès,
 Et contre mes deffaux que j'intente un procès,
 Comme on voit par exemple en ces vers où j'accuse
 Librement le caprice où me porte la Muse,

Qui me repaist de baye en ses foux passe-temps,
 Et malgré moy me faiët aux vers perdre le temps,
 Ils deuoient à propos tascher d'ouuir la bouche,
 Mettant leur iugement sur la pierre de touche,
 S'estudier de n'estre en leurs discours trenchans,
 Par eux mesmes iugez ignares ou meschans,
 Et ne mettre sans choix en égalle balance
 Le vice, la vertu, le crime, l'insolence.

Qui me blasme aujourd'huy, demain il me louera,
 Et peut estre aussi tost il se desaduouera,
 La louange est à prix, le hazard la debite,
 Ou le vice souuent vaut mieux que le merite:
 Pour moy ie ne faycas ny ne me puis vanter
 Ny d'un mal ny d'un bien que l'on me peut oster.

Auecq' proportion se depart la louange,
 Autrement c'est pour moy du baragouyn estrange,
 Le vray me faiët dans moy recognoistre le faux,
 Au poix de la vertu ie iuge les deffaux,
 I'asine l'enuieux cent ans apres la vie,
 Ou l'on dit qu'en Amour se conuertit l'Enuie,
 Le Iuge sans reproche est la Posterité,
 Le temps qui tout descouure en fait la verité,
 Puis la monstre à nos yeux, ainsi dehors la terre
 Il tire les tresors, & puis les y reserre.

Doncq' moy qui ne m'amuse à ce qu'on dit icy,
 Ie n'ay de leurs discours ny plaisir ny soucy,
 Et ne m'esmeus nō plus quād leur discours fouruoye,

SATYRE XV.

Que d'un conte d'Vrgandee & de ma mere l'Oye.

Mais puis que tout le monde est aueugle en son fait
 Et que deffous la Lune il est rien de parfait,
 Sans plus se contrroller quand à moy ie conseille,
 Qu'un chacun doucement s'excuse à la pareille,
 Laissons ce qu'en resuant ces vieux foux ont escrit,
 Tant de philosophie embarasse l'esprit,
 Qui se contraint au monde il ne vit qu'en torture,
 Nous ne pouuons faillir suiuant nostre nature,
 Ie t'excuse Pierrot, de mesme excuse moy,
 Ton vice est de n'auoir, ny Dieu, ny foy, ny loy,
 Tu couures tes plaisirs avec l'hypocrisie,
 Chupin se faisant veut courrir sa ialousie,
 Rison accroist son bien d'vsure & d'interests,
 Selon ou plus ou moins Ian donne ses arrests,
 Et comme au plus offrant debite la Iustice,
 Ainsi sans rien laisser vn chacun à son vice
 Le mien est d'estre libre & ne rien admirer,
 Tirer le bien du mal lors qu'il s'en peut tirer,
 Sinon adoucir tout par vne indifference,
 Et vaincre le mal-heur avecq'la patience,
 Estimer peu de gens, suyure mon vercoquin,
 Et mettre à mesme taux le noble & le coquin,
 D'autrepart ie ne puis voir vn mal sãs m'ẽ plaindre,
 Quelque part que ce soit, ie ne puis me contraindre,
 Voyant vn chicaneur riche d'auoir vendu
 Son deuoir à celuy qui d'eust estre pendu,

Vn Aduocat instruire en l'une & l'autre cause,
 Vn Lopet qui partis dessus partis propose,
 Vn Medecin remplir les limbes d'auortons,
 Vn Banquier qui fait Rome icy pour six testons,
 Vn Prelat enrichy d'interest & d'usure,
 Plaindre son bois saisy pour n'estre de mesure,
 Vn Ian abandonnant femme, filles, & sœurs,
 Payer mesmes en chair iusques aux Rotisseurs,
 Rouffet faire le Prince, & tant d'autre mystere,
 Mon vice est, mon amy, de ne m'en pouuoir taire,
 Or des vices où sont les hommes attachez,
 Comme des petits maux font les petits pechez,
 Ainsy les moins mauuais sont ceux dont tu retires,
 Du bien, comme il aduient le plus souuent des pires,
 Au moins estimez tels: c'est pourquoy sans errer,
 Au sage bien souuent on les peut desirer,
 Comme aux Prescheurs l'audace à reprendre le vice,
 La folie aux enfans, aux Iuges l'iniustice.
 Vien doncq' & regardans ceux qui faillēt le moins,
 Sans aller rechercher ny preuues ny tesmoins,
 Informans de nos faits sans haine & sans enuie,
 Et iusqu'au fond du sac espluchons nostre vie,
 De tous ces vices la, dont ton cœur entaché,
 N'est veu par mes escrits si librement touché,
 Tu n'en peux retirer que honte & que dommage,
 En vendant la Iustice, au Ciel tu fais outrage,
 Le pauvre tu destruis, la veufue & l'orphelin,

SATYRE XV.

Et ruines chacun avecq' ton patelin,
Ainsi consequemment de tout dont ie t'offence,
Et dont ie ne m'attens d'en faire penitence :
Car parlant librement ie pretens t'obliger,
A purger tes deffaux, tes vices corriger,
Si tu le fais en fin, en ce cas ie merite,
Puis qu'en quelque façon mon vice te profite.

F I N.



A MONSIEVR de Forqueuaus.

SATYRE XVI.

*Vis que le iugemēt nous croist par le dō-
mage*
P *Il est temps Forqueuaus, que ie deuienne
sage,*

*Et que par mes trauaux i'apprenne à l'auenir
Comme en faisant l'amour on se doit maintenir:
Après auoir passé tant & tant de trauerses,
Auoir porté le ioug de cent beutez diuerses,
Auoir en bon soldat combatu nuit & iour,
Ie dois estre routier en la guerre d'Amour,
Et cōme vn vieux guerrier blanchi deffous les armes
Sçauoir me retirer des plus chaudes alarmes,
Destourner la fortune, & plus fin que vaillant,
Faire perdre le coup au premier assaillant,
Et sçauant deuenu par vn long exercice,
Conduire mon bon heur avec de l'artifice,
Sans courir comm' vn fou saizy d'auenglement,*

SATYRE XVI.

Que le caprice emporte, & non le iugement:
 Car l'esprit en amour sert plus que la vaillance,
 Et tant plus on s'efforce, & tant moins on-avance
 Il n'est que d'estre fin & de soir, ou de nuit,
 Surprendre si l'on peut l'ennemy dans le lit.
 Du temps que ma ieunesse à l'amour trop ardente
 Rendoit d'affection mon ame violente,
 Et que de tous costés sans choïs ou sans raison
 I'allois comme vn limier apres la venaison,
 Souuent de trop de cœur i'ay perdu le courage,
 Et piqué des douceurs d'un amoureux visage
 I'ay si bien combatu, serré flanc contre flanc,
 Qu'il ne m'en est resté vne goutte de sang:
 Or sage à mes despens i'esquie la bataille,
 Sans entrer dās le chāp i'attens que l'on m'assaille,
 Et pour ne perdre point le renom que i'ay eu
 D'un bon mot du vieux tēps ie couure tout mon ieu,
 Et sans estre vaillant ie veux que l'on m'estime,
 Ou si par fois encor i'entre en vieille escrimē,
 Ie goustē le plaisir sans en estre emporté,
 Et prens de l'exercice au pris de ma santé:
 Ie resigne aux plus forts ces grāds coups de maitrise
 Accablé sous le fais ie fuy toute entreprise,
 Et sans plus m'amuser aux places de renom
 Qu'on ne peut emporter qu'a force de Canon,
 I'ayme vne amour facile & de peu de defense,
 Si ie voi qu'on me rit, c'est là que ie m'auance,

Et ne me veux chaloir du lieu, grand ou petit,
La viande ne plaist que selon l'appetit,
Toute amour a bon goust pourueu qu'elle recrée
Et s'elle est moins louable, elle est plus assuree:
Car quand le ieu déplaist sans soupçon, ou danger
De coups, ou de poison, il est permis changer.
Aymer en trop haut lieu vne Dame hautaine
C'est aimer en soucy, le traual, & la peine,
C'est nourrir son amour de respect, & de soin,
Ie suis saoul de seruir le chapeau dans le poing,
Et fuy plus que la mort l'amour d'une grand Dame,
Toufiours comme vn forçat il faut estre à la rame,
Nauiger iour, & nuit, & sans profit aucun
Porter tout seul le fais de ce plaisir commun:
Ce n'est pas, Forqueuaus, cela que ie demande,
Car si ie donne vn coup, ie veux qu'on me le rende,
Et que les combatans à l'egal collerez,
Se donnent l'un à l'autre autant de coups fourez:
C'est pourquoy ie recherche vne ieune fillette
Experte des long temps à courir l'eguillette,
Qui soit viue & ardent e au combat amoureux,
Et pour vn coup receu qui vous en rende deux.
La grandeur en amour est vice insupportable,
Et qui sert hautement est toufiours miserable,
Il n'est que d'estre libre & en deniers contans,
Dans le marché d'amour acheter du bon temps,
Et pour le prix commun choisir sa marchandise,

SATYRE XVI.

Ou si l'on n'en veut prendre au moins on en deuise,
 L'on tâte, l'on manie & sans dire combien,
 On se peut retirer l'obiet n'en couste rien:
 Au sauoureux trafic de ceste mercerie,
 J'ay consummé les iours les plus beaux de ma vie,
 Marchant des plus rusez & qui le plus souuent,
 Payoit ses creanciers de promesse & de vent,
 Et encore n'estoit le hazard, & la perte,
 J'en voudrois pour iamais tenir boutique ouuerte,
 Mais la risque m'en fasche & si fort m'en desplaist
 Qu'au malheur que ie crains ie postpose l'acquest,
 Si bien que redoutant, la verolle, & la goutte,
 Je banny ces plaisirs & leur fais banqueroutte,
 Et resigne aux mignons, auenglez en ce ieu,
 Auecques les plaisirs tous les maux que i'ay eu,
 Les boutons du printems, & les autres fleurettes
 Que l'on cueille au iardin des douces amourettes,
 Le Mercure, & l'eau fort me sont à contre-cœur,
 Je hay l'eau de Gajac, & l'estoufante ardeur
 Des fourneaux enfumez où l'on perd sa substance
 Et où lon va tirant vn homme en quintessence,
 C'est pourquoy tout à coup ie me suis retiré,
 Voulant d'oresnauant demeurer assuré,
 Et comme vn marinier eschappé de l'orage,
 Du havre seurement contempler le naufrage,
 Ou si par fois encor ie me remets en mer,
 Et qu'un œil enchanteur me contraigne d'aymer,

Combattant mes esprits par vne douce guerre
 Je veux en seureté nauiger terre à terre:
 Ayant premierement visité le vaisseau,
 S'il est bien calfeutré, ou s'il ne prend point l'eau,
 Ce n'est pas peu de cas de faire vn long voyage,
 Je tiens vn homme fous qui quitte le riuage,
 Qui s'abandonne aux vents, & pour trop presumer
 Se commet aux hazards de l'amoureuse mer:
 Expert en ses trauaux pour moy ie la deteste,
 Et la fuy tout ainsi comme ie fuy la peste.

Mais aussi, Forqueuans, comme il est mal-aisé
 Que nostre esprit ne soit quelquefois abusé
 Des appas enchanteurs de cest enfant volage,
 Il faut vn peu baisser le col sous le seruage,
 Et donner quelque place aux plaisirs sauoureux:
 Car c'est honte de viure & de n'estre amoureux:
 Mais il faut en aymant s'aider de la finesse,
 Et sçauoir rechercher vne simple maistresse,
 Qui sans vous asseruir vous laisse en liberté,
 Et ioigne le plaisir avecq la seureté,
 Qui ne sache que c'est que d'estre courtiſſee,
 Qui n'ait de maint amour, la poitrine embrassee,
 Qui soit douce & nicette, & qui ne sache pas,
 Apprentiue au mestier, que valent les appas,
 Que son œil, & son cœur, parlent de mesme sorte,
 Qu'aucune affection hors de soy ne l'emporte,
 Bref qui soit conte à nous, tant que la passion

SATYRE XVI.

*Entretiendra nos sens en ceste affection:
 Si parfois son esprit ou le nostre se lasse
 Pour moy ie suis d'avis que l'on change de place,
 Qu'on se range autre part, & sans regret aucun:
 D'absence ou de mespris que l'on ayme un chacun:
 Car il ne faut iurer aux beautez d'une Dame,
 Ains changer par le temps & d'amour & de flame,
 C'est le change qui rend l'homme plus vigoureux,
 Et qui insqu'au tombeau le fait estre amoureux:
 Nature se maintient pour estre variable,
 Et pour changer souvent son estat est durable:
 Aussi l'affection dure eternellement,
 Pourueu sans se laisser qu'on change à tout moment,
 De la fin d'une amour l'autre naist plus parfaite,
 Comme on voit un grand feu naistre d'une bluette.*

F I N.

S A T Y R E X V I I .

En On non i'ay trop de cœur pour laschemēt
me rendre,

NL'amour n'est qu'un enfant dont l'on se
peut deffendre,

Et l'homme qui flechit sous sa ieune vallery,
Rend par ses laschetes coupable son malheur,
Il se defait soy-mesme & soy-mesme s'outrage,
Et doibt son infortune a son peu de courage :
Or moy pour tout l'effort qu'il fasse à me domter,
Rebelle à sa grandeur ie le veux effronter,
Et bien qu'avec les Dieux on ne doive debattre,
Comme un nouveau Toitan si le veux-je combattre,
Auecq' le desespoir ie me veux assurer,
C'est salut aux vaincuz de ne rien esperer,
Mais helas! s'en est fait quand les places sont prises
Il n'est plus temps d'auoir recours aux entreprises,
Et les nouveaux desseins d'un salut pretendu,
Ne seruent plus de rien lors que tout est perdu,
Ma raison est captiue en triomphe menee,
Mon ame déconfite au pillage est donnée,
Tous mes sens m'ont laissé seul & mal aduertiy,
Et chacun s'est rangé du contraire party,
Et ne me reste plus de la fureur des armes,
Que des cris, des sanglots, des souspirs & des larmes
Dont ie suis si troublé qu'encor ne sçay-je pas,

SATYRE XVII.

Ou pour trouuer secours ie toarneray mes pas,
 Aussi pour mon salut que doi-ie plus attendre,
 Et quel sage conseilen mon mal puis-ie prendre,
 S'il n'est rien icy bas de doux & de clement,
 Qui ne tourne visage à mon contentement?
 S'il n'est astre esclairant en la nuiët solitaire,
 Enemy de mon bien qui ne me soit contraire,
 Qui ne ferme l'oreille à mes cris furieux:
 Il n'est pour moy la haut ny clemence, ny Dieux
 Au Ciel comme en la terre il ne faut que i'attende,
 Ny pitié ny faueur au mal qui me commande,
 Car encor' que la dame en qui seule ie vy,
 M'ait avecque douceur sous ses loix asseruy,
 Que ie ne puisse croire en voyant son visage,
 Que le Ciel l'ait formé si beau pour mon dommage,
 Ny moins qu'il soit possible en si grande beauté
 Qu'avecque la douceur loge la cruauté,
 Pourtant toute esperance en mon ame chancelle,
 Il suffit pour mon mal que ie la trouue belle,
 Amour qui pour obiect n'a que mes desplaisirs,
 Rend tout ce que i'adore ingrat à mes desirs,
 Toute chose en ayment est pour moy difficile,
 Et comme mes souspirs ma peine est infertile,
 D'autre part sçachant bien qu'on n'y doit aspirer,
 Aux cris i'ouure la bouche & n'ose souspirer,
 Et ma peine estouffce avecques le silence,
 Estant plus retenue a plus de violence,

Trop heureux si j'avois en ce cruel tourment,
 Moins de discretion & moins de sentiment,
 Ou sans me relascher à l'effort du martyre,
 Que mes yeux, ou ma mort, m'ou amour peussent dire
 Mais ce cruel enfant insolent deuenu,
 Ne peut estre à mon mal plus long temps retenu,
 Il me contrainct aux pleurs, & par force m'arrache,
 Les cris qu'au fond du cœur la reuerence cache,
 Puis d'ocq' que m'ou respect peut moins que sa douleur
 Je lasche ton discours à l'effort du mal-heur,
 Et poussé des ennuis dont mon ame est atteinte,
 Par force ie vous fais ceste piteuse plainte,
 Qu'encore ne rendrois je en ces derniers efforts,
 Si mon dernier soupir ne la iette dehors,
 Ce n'est pas toutesfois que pour m'escouter plaindre,
 Je tasche par ces vers à pitié vous contraindre,
 Ou rēdre par mes pleurs vostre œil moins rigoureux
 La plainte est inutile à l'homme mal-heureux:
 Mais puis qu'il plaist au Ciel par vos yeux que ie
 meure,
 Vous direz que mourant ie meurs à la bonne heure,
 Et que d'aucun regret mon trespas n'est suiuy,
 Sinon de n'estre mort le iour que ie vous vy,
 Si diuine & si belle, & d'attraits si pourueüe,
 Ouy ie deuois mourir des traits de vostre veüe,
 Avec mes tristes iours mes miseres finir,
 Et par feu comme Hercule immortel deuenir,

SATYRE XVII.

I'eusse brustant la haut en des flammes si claires,
 Rendu de vos regards tous les Dieux tributaires,
 Qui servant comme moy de trophée à vos yeux,
 Pour vous aymer en terre eussent quitté les Cieux,
 Eternisant par tout ceste haute victoire,
 I'eusse engravé la haut leur honte & vostre gloire,
 Et comme en vous servant aux pieds de vos Autels,
 Ils voudroient pour mourir n'estre point immortels
 Heureusement ainsi i'eusse peu rendre l'ame,
 Apres si bel effect d'une si belle flamme,
 Aussi bien tout le temps que i'ay vescu depuis,
 Mon cœur gesné d'amour n'a vescu qu'aux ennuis,
 Depuis de iour en iour s'est mon ame enflammée,
 Qui n'est plus que d'ardeur & de peine animée,
 Sur mes yeux esgarez ma tristesse se lit,
 Mon age avant le temps par mes maux s'enuieillit
 Au gré des passions mes amours sont contraintes,
 Mes vers brustans d'amour ne resonnet que plaintes
 De mon cœur tout fleury l'alegresse s'enfuit,
 Et mes tristes pensers comme oyseaux de la nuict,
 Volant dans mon esprit à mes yeux se presentent,
 Et comme ils font du vray du faux ils m'espouuâtent
 Et tout ce qui repasse en mon entendement,
 M'apporte de la crainte & de l'estonnement,
 Car soit que ie vous pense ingrâte ou secourable,
 La playe de vos yeux est toujours incurable,
 Toujours faut il perdant la lumiere & le iour,


Mourir dans les douleurs ou les plaisirs d'amour.

*Mais tandis que ma mort est encore incertaine
Attendant qui des deux mettra fin à ma peine,
Ou les douceurs d'amour, ou bien vostre rigueur,
Je veux sans fin tirer les soupirs de mon cœur,
Et deuant que mourir ou d'une ou d'autre sorte,
Rendre en ma passion si diuine & si forte,
Vn viuant tesmoignage à la posterité,
De mon amour extresme, & de vostre beauté,
Et par mille beaux vers que vos beaux yeux m'ins-
pirent,
Pour vostre gloire atteindre où les sçauãs aspirent,
Et rendre memorable aux siecles à venir,
De vos rares vertus le noble souuenir,*

FIN.

Lij

Elegie Zelotipique.

 Ien que ie sçache au vray tes façons & tes
ruses,
I'ay tant & si long temps excusé tes ex-
cuses,

Moy-mesme ie me suis mille fois démenty,
Estimant que ton cœur par douceur diuerty,
Tiendroit ses laschetes à quelque conscience:
Mais en fin ton humeur force ma patience.
I'accuse ma foiblesse. & sage à mes despens,
Si ie t'aymay iadis ores ie m'en repens,
Et brisant tous ces nœuds, dõt i'ay tant fait de cõte,
Ce qui me fut honneur m'est ores vne honte,
Pensant m'oster l'esprit, l'esprit tu m'as rendu,
I'ay regaigné sur moy ce que i'auois perdu,
Ie tire vn double gain d'vn si petit dommage,
Si ce n'est que trop tard ie suis deuenu sage,
Toutes-fois le bon-heur nous doibt rendre contans,
Et pourueu qu'il nous viēne il vient tousiours à tēps
Mais i'ay doncq' supporté de si lourdes iniures,
I'ay doncq' creu de ses yeux les lumieres pariures.
Qui me navrant le cœur me promettoient la paix,
Et donné de la foy à qui n'en eut iamais!
I'ay doncq' leu d'autre main ses lettres contre-faites
I'ay doncq' sçeu ses façons, recogneu ses deffaites,
Et comment elle endort de douceur sa maison,

Et trouue à s'excuser quelque fauce raison,
 Vn procès, vn accord, quelque achapt, quelques vêtes
 Visites de cousins, de freres, & de tantes,
 Pendât qu'en autre lieu sans femmes & sans bruiçt
 Sous pretexte d'affaire elle passe la nuict,
 Et cependant au eugle en ma peine enflammee,
 Ayant sçeu tout cecy ie l'ay tousiours aymee,
 Pauvre sot que ie suis, ne deuoy-ie à l'instant
 Laisser là cest e ingrate & son cœur inconstant?

Encor' seroit ce peu si d'amour emportee,
 Ie n'auois à son teint, à sa mine affetee,
 Leu de sa passion les signes euidans,
 Que l'amour imprimoit en ses yeux trop ardans,
 Mais qu'est il de besoin d'en dire d'auantage,
 Iray-ie rafraichir sa honte & mon dommage?
 A quoy de ses discours diray-ie le deffaut,
 Comme pour me piper elle parle vn peu haut,
 Et comme bassement à secretes volees,
 Elle ouïre de son cœur les flames recelees,
 Puis sa voix rehaussant en quelques mots ioyeux,
 Elle cuide charmer les ialoux curieux,
 Faiçt vn conte du Roy, de la Reyn^e, & du Louure,
 Quand malgré que i'en aye amour me le découure,
 Me déchifre aussi-tost son discours indiscret?
 (Helas! rien aux ialoux ne peut estre secret)
 Me fait veoir de ses traits l'amoureux artifice,
 Et qu'aux soupçõs d'amour trop simple est sa malice,

E L E G I E

*Ces heurtemens de pieds en feignant de s'asseoir,
Faire sentir ses gands, ses cheveux, son mouchoir,
Ces rencontres de mains, & mille autres caresses,
Qu'usent à leurs amans les plus douces maistresses,
Que ie tais par honneur craignant qu'avecq' le sien
En un discours plus grand i'engageasse le mien.*

*Cherche doncq' quelque sot au tourment insensible
Qui souffre ce qui n'est de souffrir impossible,
Car pour moy i' en suis las (ingrate) & ie ne puis
Durer plus longuement en la peine où ie suis,
Ma bouche incessamment aux plaintes est ouuerte,
Tout ce que i' apperçoy semble iurer ma perte,
Mes yeux toujours pleurans de tourment éveillez,
Depuis d'un bon sommeil ne se sont veuz sillez,
Mon esprit agité fait guerre à mes pensees,
Sans avoir reposé vingt nuicts se sont passees,
Je vais comme un Lutin de ça delà courant,
Et ainsi que mon corps mon esprit est errant,
Mais tandis qu'en parlant au feu qui me surmonte,
Je despeins en mes vers ma douleur & ta honte,
Amour dedans le cœur m'assant si viuement,
Qu'avecque tout desdain ie perds tout iugement,
Vous autres que i' employe à l'espier sans cesse,
Au logis, en visite, au sermon, à la Messe,
Cognoissant que ie suis amoureux & ialoux,
Pour flatter ma douleur que ne me mentez vous?
Ha pourquoy m'estes vous, à mon dam, si fidelles,*

Le porteur est fascheux de fascheuses nouvelles,
Defferez à l'ardeur de mon mal furieux,
Feignez de n'en rien voir, & vous fermez les yeux
Si dans quelque maison sans femme elle s'arreste,
S'on luy fait au Palais quelque signe de teste,
S'elle rit à quelqu'un, s'elle appelle un valet,
S'elle baille en cachete ou recoyue un poulet,
Si dans quelque recoin quelque vieille incogneue,
Marmotant un Pater luy parle ou la saluë,
Déguisez en le fait, parlez m'en autrement,
Trompant ma ialousie & vostre iugement,
Dites moy qu'elle est chaste, & qu'elle en a la gloire,
Car bien qu'il ne soit vray si ne le puis-ie croire,
De contraires efforts mon esprit agité,
Douteux s'en court de l'une à l'autre extremité,
La rage de la hayne & l'amour me transporte,
Mais i'ay grand peur enfin que l'amour soit plus forte
Surmoutons par mespris ce desir indiscret,
Au moins s'il ne se peut l'aymeray-ie à regret,
Le bœuf n'ayme le ioug que toutes fois il traine,
Et meslant sagement mon amour à la hayne,
Donnons luy ce que peut ou que doit recevoir,
Son merite égallé iustement au deuoir,
En Conseiller d'Estat de discours ie m'abuse,
Vn Amour violent aux raisons ne s'amuse,
Ne sçay ie que son œil ingrat à mon tourment,
Me donnant ce desir m'ostale iugement?

E L E G I E

*Que mon esprit blessé nul bien ne se propose,
 Qu'aveugle & sans raison ie confonds toute chose,
 Comme vn homme insensé qui s'emporte au parler,
 Et designe avec l'œil mille chasteaux en l'air.*

*S'en est fait pour iamais la chance en est ietee,
 D'un feu si violent mon ame est agitée,
 Qu'il faut bon-gré, mal-gré laisser faire au destin,
 Heureux si par la mort i'en puis estre à la fin,
 Et si ie puis mourant en ceste frenesie,
 Voir mourir mon amour avecq' ma ialousie,
 Mais Dieu que me sert il en pleurs me consommer,
 Si la rigueur du Ciel me contrainct de l'aymer?
 Ou le Ciel nous incline à quoy sert la menace?
 Sa beauté me rappelle ou son deffaut me chasse,
 Aymant & desdaignant par contraires efforts,
 Les façons de l'esprit & les beautez du corps:
 Ainsi ie ne puis viure avec elle, & sans elle,
 Ha Dieu que fusses-tu ou plus chaste ou moins belle,
 Ou peusses-tu congnoistre, & voir par mon trespas,
 Qu'avecque ta beauté ton humeur ne sied pas:
 Mais si ta passion est si forte & si viue,
 Que des plaisirs des sens ta raison soit captiue,
 Que ton esprit blessé ne soit maistre de soy,
 Ie m'entends en cela te prescrire vne loy,
 Te pardonnant par moy ceste fureur extremesme,
 Ainsi comme par toy ie l'excuse en moymesme:
 Car nous sommes tous deux en nostre passion,*

Plus dignes de pitié que de punition,
 Encor en ce mal-heur ou tu te precipites,
 Doibs-tu par quelque soin t'obliger tes merites,
 Cognoistre ta beauté, & qu'il te faut auoir,
 Auecques ton Amour esgard à ton deuoir,
 Mais sans discretion tu vas à guerre ouuerte,
 Et par sa vanité triumpnant de ta perte,
 Il monstre tes faueurs, tout haut il en discourt,
 Et ta honte & sa gloire entretiennent la Court,
 Cependant me iurant tu m'en dis des iniures,
 O Dieux ! qui sans pitié punissez les pariures,
 Pardonnez à Madame, ou changeant vos effects,
 Vengez plustost sur moy les pechez qu'elle a faitts.
 S'il est vray sans faueur que tu l'escoutes plaindre,
 D'où vient pour son respect que l'on te voit cōtraindre,

Que tu permets aux siens lire en tes passions,
 De veiller iour & nuict dessus tes actions,
 Que tousiours d'un vallet ta carrosse est suiuiie,
 Qui rend comme espion compte exact de ta vie,
 Que tu laisse vn chacun pour plaire à ses soupçons,
 Et que parlant de Dieu tu nous faits des leçons,
 Nouvelle Magdelaine au desert conuertie,
 Et iurant que ta flamme est du tout amortie,
 Tu pretendes finement par ceste mauuaitié,
 Luy donner plus d'Amour, à moy plus d'amitié,
 Et me cuidant tromper tu voudrois faire accroire,

ELEGIE

*Auecque faux sermens que la neige fust noire,
 Mais comme tes propos, ton art est descouuert,
 Et chacun en riant en parle à cœur ouuert,
 Dont ie creue de rage, & voyant qu'on te blasme,
 Trop sensible en ton mal de regret ie me pafme,
 Ie me ronge le cœur, ie n'ay point de repos,
 Et voudrois estre sourd pour l'estre à ces propos,
 Ie me hay de te voir ainsi mesestimee,
 T'aymant si dignement i'ayme ta renommee,
 Et si ie suis ialoux ie le suis seulement,
 De ton honneur, & non de ton contentement.*

*Fay tout ce que tu fais, & plus s'il se peut faire,
 Mais choisi pour le moins ceux qui se peuuent taire,
 Quel besoin peut-il estre, insensee en Amour,
 Ce que tu fais la nuict qu'on le chante le iour?
 Ce que fait vn tout seul, tout vn chacun le sçache?
 Et moustres en Amour ce que le monde cache?*

*Mais puis que le Destin à toy m'a sçeu lier,
 Et qu'oubliant ton mal ie ne puis t'oublier,
 Par ces plaisirs d'Amour tous confits en delices,
 Par tes apas iadis à mes vœuz si propices,
 Par ces pleurs que mes yeux & les tiens ont versez,
 Par mes soupirs, au vent sans profit dispersez,
 Par les Dieux qu'en pleurât tes sermens appellerēt,
 Par tes yeux qui l'esprit par les miens me volerent,
 Et par leurs feux si clairs & si beaux à mon cœur,
 Excuse par pitié ma ialouse rancœur,*

*Pardonne par mes pleurs au feu qui me commande
Si mon peché fut grand ma repentance est grande,
Et voy dans le regret dont ie suis consommé
Que i'eusse moins failly, si i'eusse moins aymé.*

A V T R E .

*Ayant comme i'aymois que ne denois ie craindre?
Pouvois ie estre assuré qu'elle se deust contraindre?
Et que changeant d'humeur au vent qui l'emportoit
Elle eust pour moy cessé d'estre ce qu'elle estoit?
Que laissant d'estre femme inconstante & legere,
Son cœur traistre à l'Amour, & sa foy mensongere,
Se rendant en un lieu l'esprit plus arresté,
Peust au lieu du mensonge aymer la verité.*

*Non ie croyois tout d'elle, il faut que ie le die,
Et tout m'estoit suspect horsmis la perfidie,
Je craignois tous ses traits que i'ay sçeu du depuis,
Ses iours de mal de teste, & ses secrettes nuicts,
Quand se disant malade & de fièvre enflammee,
Pour moy tant seulement sa porte estoit fermée,
Je craignois ses attrais, ses ris, & ses couroux,
Et tout ce dont Amour allarme les ialoux.*

*Mais la voyant iurer avecq' tant d'assurance,
Ie l'aduoie, il est vray, i'estois sans desffiance:
Aussi qui pouvoit croire apres tant de serments,
De larmes, de sospirs, de propos vehemens*

ELEGIE ZELOTIPIQVI.

Dont elle me iuroit que iamais de sa vie,
 Elle ne permettroit d'un autre estre seruié,
 Qu'elle aymoit trop ma peine, & qu'en ayât pitié,
 Le m'en deuois promettre vne ferme amitié;
 Seulement pour tromper le ialoux populaire,
 Que ie deuois, constant, en mes douleurs me taire,
 Me feindre tousiours libre, ou bien me captiuier,
 Et quelqu'autre perdant, seule la conseruer,
 Cependant deuant Dieu dont elle a tant de crainte,
 Au moins comme elle dict; sa parolle estoit feinte,
 Et le Ciel luy seruit en ceste trahison,
 D'infidele moyen pour tromper ma raison,
 Et puis il est des Dieux tesmoins de nos parolles,
 Non, non, il n'en est point, ce sont contes friuolles,
 Dont se repaist le peuple, & dont l'antiquité,
 Se seruit pour tromper nostre imbecilité,
 S'il y auoit des Dieux ils se vengeroient d'elle,
 Et ne la ueroit on si fiere ny si belle,
 Ses yeux s'obscuriroient qu'elle a tant pariurez,
 Sõ teint seroit moins clair, ses cheueux moins dorez
 Et le Ciel pour l'induire à quelque penitence,
 Marqueroit sur son front son crime & leur vengeance
 Ou s'il y a des Dieux ils ont vn cœur de chair,
 Ainsi que nous d'amour ils se laissent toucher,
 Et de ce sexe ingrat excusant la malice,
 Pour vne belle femme ils n'ont point de Iustice,

F I N.



IMPVISSANCE

IMITATION D'OVIDE.

*Voy: ne l'auois- ie assez en mes vœuz de-
siree,
N'estoit elle assez belle, ou assez bien pa-
ree?*

Estoit elle à mes yeux sans grace & sans appas?

Son sang estoit il point issu d'un lieu trop bas?

Sa race, sa maison n'estoit elle estimee,

Ne valoit elle point la peine d'estre aymee?

Inhabile au plaisir n'auoit elle de quoy?

Estoit elle trop laide, ou trop belle pour moy?

Ha! cruel souuenir, cependant ie l'ay eüe,

Impuissant que ie suis en mes bras toute nuë,

Et n'ay peu le voulans tous deux esgallement,

Contenter nos desirs en ce contentement:

Au surplus à ma honte, Amour, que te diray- ie?

Elle mit en mon col ses bras plus blancs que neige,

Et sa langue mon cœur parma bouche embrasée,

Me suggerant la manne en sa levre amassée,

I M P U I S S A N C E .

Sa cuisse se tenoit en la mienne enlassée,
 Les yeux luy petilloient d'un desir langoureux,
 Et son ame exiloit maint soupir amoureux,
 Sa langue en begayant d'une façon mignarde,
 Me disoit: mais mon cœur qu'est ce qui vous retarde?
 N'auroy-ie point en moy quelque chose qui peust,
 Offencer vos desirs, ou bien qui vous depeust,
 Ma grace, ma façon, ha! Dieu ne vous plaît elle?
 Quoy? n'ay-ie assez d'amour, ou ne suis-ie assez belle
 Cependant de la main animant ses discours,
 Je trompois impuissant sa flamme & mes amours,
 Et comme un tronc de bois, charge lourde & pesante,
 Je n'auois rien en moy de personne viuante,
 Mes membres languissans perclus & refroidis,
 Par ses atouchemens n'estoient moins engourdis,
 Mais quoy? que deuièdray ie en l'extreſme vieillesse,
 Et si las! ie ne puis & ieune & vigoureux,
 Sauouurer la douceur du plaisir amoureux,
 Ha! i'en rougis de honte & de pite mon âge,
 Age de peu de force & de peu de courage,
 Qui ne me permet pas en cest accouplement,
 Donner ce qu'en amour peut donner un amant,
 Car, Dieu! ceste beauté par mon deffaut trompee,
 Se leua le matin de ses larmes trempee,
 Que l'amour de despit escouloit par ses yeux,
 Ressemblant à l'Aurore alors qu'ouurant les Cieux,
 Elle sort de son liét hargneuse & depitee,

D'auoir sans un baiser consommé la nuictée,
Quand baignant tendrement la terre de ses pleurs,
De chagrain & d'amour elle en iette ses fleurs,
Pour flater mon deffaut: Mais que me sert la gloire,
De mon amour passée, inutile memoire,
Quand ayment ardemment, & ardemment aimé,
Tant plus ie combatois, plus i'estois animé,
Guerrier infatigable, en ce doux exercice,
Par dix ou douze fois ie r'entrois en la lice,
Où vaillant & adroit apres auoir brisé,
Des Cheualiers d'amour, i'estois le plus prisé,
Mais de cest accident ie fais un mauuais conte,
Si mon honneur passé m'est orés vne honté,
Et si le souuenir trop prompt de m'outrager,
Par le plaisir receu ne me peut soulager,
O Ciel! il falloit bien qu'enforcelé ie fusse,
Ou trop ardent d'Amour que ie ne m'apperceusse,
Que l'œil d'un ennuyeux nos desseins empeschoit,
Et sur son corps perclus son venim espandoit:
Mais qui pourroit atteindre au point de son merite,
Veü que toute grandeur pour elle est trop petite,
Si par l'egal ce charme a force contre nous,
Autre que Iupiter n'en peut estre ialoux,
Luy seul comme ennuyeux d'une chose si belle,
Par l'emulation seroit seul digne d'elle,
He! quoy? la haut au Ciel mets tu les armes bas,
Amoureux Iupiter, que ne vies tu ça bas,

I M P Ŵ I S S A N C E .

Jouir d'une beauté sur les autres aymable,
 Assez de tes Amans n'a caqueté la fable:
 C'est ores que tu dois en amour vif & prompt,
 Te mettre encore un coup les armes sur le front,
 Cacher ta deité dessous un blanc plumage,
 Prendre le feint semblant d'un Satyre sauvage,
 D'un serpent, d'un cocu, & te répendre encor,
 Alambiqué d'amour, en grosses gouttes d'or,
 Et puis que sa faueur à moy seul octroyee,
 Indigne que ie suis fust si mal employee,
 Faueur qui de mortel m'eust fait égal aux Dieux,
 Si le Ciel n'eust esté sur mon bien enuieux,
 Mais encor tout bouillant en mes flames premieres,
 De quels vœuz redoublez & de quelles prieres,
 Iray-ie derechef les Dieux sollicitant,
 Si d'un bien fait nouveau i'en attendois autant?
 Si mes deffauts passez leurs beautez mesconten-
 tent,
 Et si de leurs bien-faiçts ie croy qu'ils s'en repen-
 tent,
 Or quand ie pense! ô Dieu quel bien m'est aduenu,
 Avoir veu dans un liçt ses beaux membres à nu,
 La tenir languissante entre mes bras couchée,
 De mesme affection la voir estre touchée,
 Me baiser haletant d'amour & de desir,
 Par ses chatouillemens resueiller le plaisir,
 Ha! Dieu, ce sont des traicçts si sensibles aux ames,
Qu'ils

*Qu'ils pourroient l'amour mesme eschauffer de leur
flames,*

Si plus froid que la mort ils ne m'eussent trouuè,

Des mysteres d'amour, amant trop repprouuè,

Je l'auois cependant viue d'amour extremes,

Mais si ie l'eus ainsi elle ne m'eust de mesme,

O malheur! & de moy elle n'eust seulement,

Que des baisers d'un frere, & non pas d'un amant,

En vain cent & cent fois, ie m'efforce à luy plaire,

Non plus qu'à mon desir ie n'y puis satisfaire,

Et la honte pour lors qui me saisit le cœur,

Pour m'acheuer de peindre esteignist ma vigueur.

Comme elle recognust, femme mal satisfaite,

Qu'elle perdoit son temps, du lièt elle se iette,

Prend sa iupe, se lace, & puis en se mocquant,

D'un ris, & de ces motz, elle m'alla picquant,

Non! si i'estois lasciuè, ou d'Amour occupèe,

Je me pourrois fascher d'auoir esté trompèe,

Mais puis que mon desir n'est si vif, ne si chaud,

Mon tiede naturel m'oblige à ton defaut,

Mon Amour satis-faiète ayme ton impuissance,

Et tire de ta faute assez de recompence,

Qui tousiours dilayant m'a faièt par le desir,

Esbatre plus long temps à l'ombre du plaisir:

Mais estant la douceur par l'effort diuertie,

La faueur à la fin rompit sa modestie,

Et dit en esclatant, pourquoy me trompes-tu?

I M P V I S S A N C E .

A quoy ton impudence a venté ta vertu ?
 Si en d'autres Amours ta vigueur s'est vsee ?
 Quel honneur reçois tu de m'auoir abusée ?
 Assez d'autres propos le despit luy dictoit,
 Le feu de son desdain par sa bouche sortoit.
 En fin voulant cacher ma honte & sa colere,
 Elle courrit son front d'une meilleure chere,
 Se conseille au miroir, ses femmes appella,
 Et se lauuant les mains le faiët dissimula.
 Belle, dont la beauté si digne d'estre aymée
 Eust rendu des plus mortz la froideur enasmée ;
 Je confesse ma honte, & de regret touché,
 Par les pleurs que i' espands i' accuse mon peché,
 Peché d'autât plus gräd que gräd est ma ieunesse,
 Si homme i' ay failly, pardonnez moy, Deesse,
 I' auouë estre fort grand le crime que i' ay fait,
 Fourtant iusqu'à la mort, si n' auoy-ie forfait,
 Si ce n'est qu'à present qu'à vos pieds ie me iette,
 Que ma confession vous rende satisfaiëte,
 Ie suis digne des maux que vous me prescriuez,
 I' ay meurtry, i' ay vollé, i' ay des vœuz parinrez,
 Trahyles Dieux: venins, inuentez à ces vices,
 Comme estranges forfaitz, des estranges supplices.
 O beauté faiëtes en, tout ainsi qu'il vous plaist,
 Si vous me condamnez à mourir ie suis prest,
 La mort me sera douce, & d'autant plus encore,
 Si ie meurs de la main de celle que i' adore,

*Auant qu'en venir là, au moins souuenez vous,
Que mes armes, non moy causent vostre courroux,
Que Champion d'Amour entré dedans la lice,
Ie n'eus assez d'haleine à si grand exercice,
Que ie ne suis chasseur iadis tant approuué,
Ne pouuant redresser vn deffaut retrouvé,
Mais d'où viendroit cecy, seroit-ce point maistresse,
Que mon esprit du corps precedast la paresse,
Ou que par le desir trop prompt & vehement,
Y allasse avec le temps le plaisir consommant,
Pour moy, ie n'en sçay rien en ce fait tout m'abuse,
Mais en fin, ô beauté, recenez pour excuse.
S'il vous plaist, de rechef que ie r'entre en l'assant,
I'espere avec vsure amender mon deffaut.*

F I N.

Mij



SUR LE TRESPAS DE
Monsieur Passerat.

*Passerat le sejour & l'honneur des Cha-
rites,
Les delices de Pinde, & son cher orne-
ment,*

*Qui loing du monde ingrat, que bien heureux tu
quittes,*

*Comme un autre Apollon, reluis au firmament,
Afin que mon deuoir s'honore en tes merites,
Et mon nom par le tien viue eternellement,
Que dans l'eternité ces paroles escrites,
Seruent à nos neueux comme d'un testament.*

*Passerat fut un Dieu sous humaine semblance,
Qui vid naistre & mourir les Muses en la France,
Qui de ses doux accords leurs chansons anima,
Dans le champ de ses vers fut leur gloire semee,
Et comme un mesme sort leur fortune enferma,
Ils ont à vie égale, égale renommee.*


F I N.

STANSES.

L E tout puissant Iupiter
 Se sert de l'Aigle à porter
 Son foudre parmy la nuë;
 Et Iunon du haut des Cieux,
 Sur ces Paons audacieux,
 Est souuent icy venuë.

Saturne à pris le Corbeau
 Noir messager du tombeau,
 Mars l'Esperuier se reserue,
 Phæbus les Cygnes a pris,
 Les Pigeons sont à Cipris,
 Et la Chouette à Minerue.

Ainsi les Dieux ont esleu
 Tels oyseaux qui leur ont pleu;
 Priappe qui ne voit goutte,
 Haussant son rouge museau,
 A tastons, pour son oyseau,
 Print un asnon qui void goutte.



L A C. Pisse

INfame bastard de Cythere,
Fils ingrat d'une ingrante mere,
Auorton, traistre & déguisé,
Si ie t'ay suiuy des l'enfance
De quelle ingrante recompence
As tu mon seruice abusé?

Mon cas fier de mainte conqueste
En Espagnol portoit la teste
Triomphant; superbe & vainqueur,
Que nul effort n'cust sceu rabastre,
Maintenant lasche & sans combatre
Faiët la cane, & n'a plus de cœur.

De tes Autels vne Prestresse
La reduiët en telle detresse
Le voyant au choc obstiné,
Qu'entouré d'onguent & de linge,
Il m'est auis de voir vn singe
Comme vn enfant embeguiné.

De façon robuste & raillarde
Pend l'aureille & n'est plus gaillarde,

Son teint vermeil n'a point d'esclat,
 De pleurs il se noye la face,
 Et faitt aussi laide grimace
 Qu'un boudin creué dans un plat.

Aussy penaud qu'un chat qu'õ chastre,
 Il demeure dans son emplastre,
 Comme en sa coque un limaçon,
 En vain d'arrasser il essaye,
 Encordé comme une lamproye
 Il obeyt au caueçon.

D'une salive mordicante
 De sa narine distillante
 L'ulcere si fort par dedans,
 Que crachant d'humeur qui le pique
 Il baue comme un pulmonique
 Qui tient la mort entre ses dents.

Apollon dès mon aâge tendre
 Poussé d'un courage d'apprendre
 Aupres du ruisseau Parnassin;
 Si ie t'inuocque pour Poète,
 Ores en ma douleur secreete
 Je t'inuocque pour medecin.

Seuere Roy des destineés,
 Mesureur des vistes années,

STANSES.

Cœur du monde, œil du firmament,
Toy qui presides à la vie,
Garis mon cas ie te supplie
Et le conduis à sauuement.

Pour recompense dans ton Temple,
Seruant de memorable exemple
Aux ioüeurs qui viendront apres,
I'appendray la mesme figure
De mon cas malade en peinture
Ombragé d'ache & de cyprès.

F I N.

SVR LE PORTRAICT D'VN
Poëte couronné.

Graueur vous deuiez auoir soin
De mettre dessus ceste teste,
Voyant qu'elle estoit d'une beste,
Le lien d'un botteau de foin.

RESPONSE,

*Ceux qui m'ont de foin couronné,
M'ont fait plus d'honneur que d'iniure,
Sur du foin Iesus-Crist fust né,
Mais ils ignorent l'escripture.*

REPLIQUE.

*Tu as vne mauuaise grace,
Le foin dont tu fais si grand cas,
Pour Dieu n'estoit en ceste place.
Car Iesus-Christ n'en mangeoit pas:
Mais bien pour seruir de repas
Au premier asne de ta race.*

CONTRE VN AMOVREUX
T R A N S Y.

Pourquoy perdez vous la parole,
Aussi tost que vous rencontrez
Celle que vous idolatrez
Deuenant vous mesme vne idole,
Vous estes la sans dire mot,
Et ne faiçtes rien que le sot.

Par la voix Amour vous suffoque,
Si vos sospirs vont au deuant,
Autant en emporte le vent:
Et vostre Deesse sans mocque
Vous ingeant de mesme imparfaict
De la parole & de l'effect.

Pensez vous la rendre abatuë
Sans vostre faict luy deceler,
Faire les doux yeux sans parler,
C'est faire l'Amour en tortuë,
La belle faict bien de garder
Ce qui vaut bien le demander.

Voulez vous en la violence
De vostre longue affection
Monstrer un discretion,

*Si on la voit par le silence ;
Vn tableau d'Amoureux transi
Le peut bien faire tout ainsi.*

*Souffrir mille & mille trauerses ,
N'en dire mot pretendre moins ,
Donner ses tourmens pour tesmoins ,
De toutes ses peines diuerses :
Des coups n'estre point abbatu ,
C'est d'un asne auoir la vertu.*

F I N.

QVATRAINS.

SI des maux qui vous font la guerre
Vous voulez guerir de form ais
Il faut aller en Angleterre
Où les loups ne viennent iamais.

Je n'ay peu rien voir qui me plaise
Dedans les Psalmes de Marot :
Mais i'ayme bien ceux là de Beze,
En les chantant sans dire mot.

Je croy que vous avez faict vœu
D'aymer & parent & parente ;
Mais puis que vous aymcz la Tante
Espargnez au moins le nepueu.

Le Dieu d'Amour se deuoit peindre
Aussy grand comme un autre Dieu,
N'estoit qu'il luy suffist d'atteindre
Iusqu'à la piece du milieu.

Ceste femme a couleur de bois,
En tout temps peut faire potage :
Car dans sa manche ell' a des poix,
Et du beure sur son visage.



DISCOVRS

AV ROY.

L estoit presque iour & le Ciel souf-
 riant
 Blanchissoit de clairté les peuples d'O-
 rient,

L'aurore aux cheueux d'or, au visage de roses,
 Desia comme à demy descouvroit toutes choses,
 Et les oyseaux perchez, en leurs fueilleux sejour,
 Commençoient s'esueillant à se plaindre d'amour,
 Quand ie vis en sursaut vne beste effroyable,
 Chose estrange à conter, toutes fois veritable,
 Qui plus qu'un Hydre affreuse à sept gueules meu-
 glant,
 Auoit les dents d'acier, l'œil horrible & sanglant,
 Et pressoit à pas torts vne Nimphe fuyante,
 Qui reduite aux bois, plus morte que viuante,
 Haletante de peine en son dernier recours,

DISCOURS

Du grand Mars des François imploroit le secours,
Embrassoit ses genoux, & l'appellant aux armes,
N'auoit autre discours que celui de ses larmes.

Ceste Nimphe estoit d'âge, & ses cheueux meslez
Flottoient au gré du vent, sur son dos aualez,
Sa robe estoit d'azur où cent fameuses villes,
Esleuoient leurs clochers sur des plaines fertiles,
Que Neptune arrousoit de cent fleuves espars,
Qui dispersoient le viure aux gens de toutes pars.

Les villages espais fourmilloient par la plaine:
De peuple & de bestail, la campagne estoit pleine,
Qui s'employoient aux ars, mesloient diuersement
La fertile abondance, avecque l'ornement,
Tout y reluisoit d'or, & sur la broderie,
Esclatoit le brillant de mainte pierrerie,

La mer aux deux costez cest ouurage bordoit,
L'Alpe de la main gauche en biais s'espandoit,
Du Rhëin, iusqu'en Prouence, & le mont qui par-
tage

D'avecque l'Espagnol le François heritage,
De l'Aucate à Bayonne en cornes se haussant,
Monstroit son front pointu de neiges blanchissant,

Le tout estoit formé d'une telle maniere,
Que l'art ingenieux excendoit la matiere,
Sa taille estoit Auguste, & son chef couronné,
De cent fleurs de lys d'or estoit enuironné,
Ce grand Prince voyant le soucy qui la greue,

Touché de pieté, la prend & la releue,
 Et de feux estouffant ce funeste animal,
 La deliura de peur aussi tost que de mal,
 En purgeant le venim dont elle estoit si pleine,
 Rendit en un instant la Nimphe toute saine,

Ce Prince ainsi qu'un Mars en armes glorieux,
 De palmes ombrageoit son chef victorieux,
 Et sembloit de ses mains au combat animees,
 Comme foudre ietter la peur dans les armes,
 Ses exploits acheuez en ses armes viuoient,
 Là les champs de Poictou d'une part s'esleuoient,
 Qui superbes sembloient s'honorer en la gloire,
 D'auoir premiers chanté sa premiere victoire.

Dieppe de l'autre part sur la mer s'alongeoit,
 Ou par force il rompoit le camp qui l'asiegeoit,
 Et poussant plus auant ses troupes espanchees,
 Le matin en chemise il surprit les trenchees,
 Là Paris deliuré de l'Espagnole main,
 Se deschargeoit le col de son ioug inhumain,
 La campagne d'Iury sur le flanc cizelee,
 Fauorisoit son Prince au fort de la meslee,
 Et de tant de Ligueurs par sa dextre vaincus,
 Au Dieu de la bataille appendoit les escus,
 Plus haut estoit Vendosme, & Chartres, & Pon-
 toise,

Et l'Espagnol desfait à Fontaine Françoise,
 Où la valeur du foible emportant le plus fort,

DISCOVRS

Fist voir que la vertu, ne craint aucun effort.

*Plus bas dessus le ventre au naif contrefaite
Estoit pres d'Amiens la honteuse retraite
Du puissant Archiduc, qui craignant son pouuoir ;
Creut que c'estoit en guerre assez que de le voir.*

*Decà delà luitoit mainte trouppes rengee,
Mainte grande cité gémissoit assiegee,
Où si tost que le fer s'en rendoit possesseur,
Aux rebelles vaincus il vsoit de douceur,
Vertu rare au vainqueur, dõt le courage extremes,
N'a gloire en la fureur que se vaincre soy-mesme,
Le chesne & le laurier cest ouurage ombrageoit,
Où le peuple deuot sous ses loix se rengeoit,
Et de vœuz & d'encens, au Ciel faisoit priere,
De conseruer son Prince en sa vigneur entiere.*

*Maint puissant ennemy domté par sa vertu,
Languissoit dans les fers sous ses pieds abatu,
Tout semblable à l'enuie à qui l'estrange rage,
De l'heur de son voisin ensielle le courage,
Hidense, bazarnee, & chaude de rancœur,
Qui ronges ses poulmons, & se masche le cœur.*

*Après quelque priere en son cœur prononcee,
La Nimphe en le quittant au Ciel s'est eslancee,
Et son corps dedans l'air demeurant suspendu:
Ainsi comme vn Milan, sur ses aisles tendu,
S'arreste en vne place, ou changeant de visage,
Vn bruslant aiguillon luy picque le courage:*

Son regard est incelle, & son cerueau tremblant
 Ainsi comme son sang d'horreur se va troublant:
 Son estomach pantois sous la chaleur frisonne,
 Et chaude de l'ardeur qui son cœur espoinçonne,
 Tandis que la faueur precipitoit son cours,
 Veritable prophete elle fait ce discours.

Peuple l'obieët piteux du reste de la terre,
 Indocile à la paix, & trop chaud à la guerre,
 Qui second en partis, & leger en desseins,
 Dedans ton propre sang souilles tes propres mains,
 Entens ce que ie dis attentif à ma bouche,
 Et qu'au plus vif du cœur ma parole te touche.

Depuis qu'irreuerent enuers les immortels,
 Tu taches de mespris l'Eglise & ses autels,
 Qu'au lieu de la raison gouuerne l'insolence,
 Que le droit alteré n'est qu'une violence,
 Que par force le foible est foulé du puissant,
 Que la ruse rait le bien à l'innocent,
 Et que la vertu sainte en public mesprisee,
 Sert aux ieunes de masque, aux plus vieux de risée,
 (Prodigue monstrueux) & sans respect de foy,
 Qu'on s'arme ingratement au mespris de son Roy,
 La Iustice & la paix, tristes & desolees,
 D'horreur se retirant au Ciel s'en sont volees:
 Le bon-heur aussi tost à grands pas le suiuit,
 Et depuis le Soleil de bon œil ne te vit.

Quelque orage tousiours qui s'esleue à ta perte,

DISCOURS

*A comme d'un brouillas ta personne couuerte,
Qui tousiours prest à fondre en eschec te retient,
Et mal-heur sur mal-heur à chaque heure te vient.*

*On a veu tant de fois la ieunesse trompee,
De tes enfans passez au trenchant de l'espee,
Tes filles sans honneur errer de toutes parts,
Ta maison, & tes biens saccagez des soldats:
Ta femme insolamment d'entre tes bras rauie,
Et le fer tous les iours s'attacher à ta vie.*

*Et cependant auenue en tes propres effets,
Tout le mal que tu sens, c'est toy qui te le fais,
Tu i armes à ta perte, & ton audace forge,
L'estoc dont furieux tu te couppez la gorge.*

*Mais quoy tant de mal-heurs te suffisent-ils pas ?
Ton Prince comme un Dieu, te tirant du trespas:
Rendit de tes fureurs les tempestes si calmes,
Qu'il te fait viure en paix à l'ombre de ses palmes:
Astree en sa faueur demeure en tes citez,
D'hommes & de bestail, les champs sont habitez:
Le paysant n'ayant peur des bannieres estranges,
Chantant coupe ses bleds, riant fait ses vendanges
Et le berger guidant son troupeau bien nourry
Enfle sa cornemuse en l'honneur de Henry,
Et toy seul cependant, oubliant tant de graces,
Ton aise trahissant de ses biens tu te lasses.*

*Vien ingrat respon moy, quel bien esperes-tu,
Après auoir ton Prince en ces murs combattu?*

Après auoir trahy pour de vaines chimeres,
 L'honneur de tes ayeux, & la foy de tes peres?
 Après auoir cruel tout respect violé,
 Et mis à l'abandon ton pais desolé?

Atten-tu que l'Espagne avec son ieune Prince,
 Dans son monde nouueau te donne vne Prouince?
 Et qu'en ces trahisons, moins sage deuenu,
 Vers toy par ton exemple il ne soit retenu?

Et qu'ayant dementy ton amour naturelle,
 A luy plus qu'à ton Prince il t'estime fidelle?

Peut estre que ta race, & ton sang violent,
 Yssu, comme tu dis, d'Oger ou de Roland,

Ne te veut pas permettre, encore ieune d'âge,

Quoy si en ta maison se rouille ton courage,

Et rebaussant ton cœur, que rien ne peut ployer,

Te fait chercher vn Roy qui te puisse employer,

Qui la gloire du Ciel, & l'effroy de la terre,

Soit comme vn nouueau Mars indomptable à la
 guerre,

Qui sache en pardonnant les discours estouffer,

Par clemence aussi grand, comme il est par le fer.

Cours tout le monde entier de Prouince en Pro-
 uince,

Ce que tu cherches loin habite en nostre Prince :

Mais quels exploicts si beaux a fait ce ieune Roy,

Qu'il faille pour son bien que tu faulses ta foy?

Trahisses ta patrie, & que d'iniustes armes,

DISCOURS

Tu la combles de sang, de meurtres, & de larmes?
 Si ton cœur conuoiteux, est si vif, & si chaut,
 Cours la Flandre, ou iamais la guerre ne defaut,
 Et plus loing sur les flancs d'Autriche & d'Allema-
 gne,

De Turcs & de turbans enionche la campagne,
 Puis tout chargé de coups, de vieillesse, & de biens,
 Reuien en ta maison mourir entre les tiens.

Tes fils se mireront en si belles despouilles,
 Les vieilles au foyer en fillant leurs quenouilles,
 En chanteront le conte, & braue en argumens,
 Quelque autre Iean de Mun en fera des Romans.

Ou si trompant ton Roy tu cours autre fortune,
 Tu trouueras, ingrat, toute chose importune,
 A Naples, en Sicille, & dans ces autres lieux,
 Ou l'on t'assignera, tu seras odieux,
 Et l'on te fera veoir avec ta conuoitise,
 Qu'apres les trahisons les traistres on mesprise.

Les enfans estonnez s'enfuiron t'euoiant,
 Et l'Artisan moqueur aux places t'effroyant,
 Rendant par tes brocards ton audace fletrie,
 Dirace traistre icy nous vendit sa patrie,
 Pour l'esper d'un Royaume en chimeres conceu,
 Et pour tous ses desseins du vent il a receu.

Hâ! que ces Palatins viuants dans mon histoire,
 Non comme toy touchez d'une bastarde gloire,
 Te furent differens, qui courageux par tout,

Tindrent fidèlement mon enseigne debout,
 Et qui se respendant aiusi comme un tonnerre,
 Le fer dedans la main firent trembler la terre,
 Et tant de Roys Payans sous la Croix desconfis,
 Asseruirent vaincus aux pieds du Crucifix,
 Dont les bras retroussés, & la teste panchee,
 De fers honteusement au triomphe attachee,
 Furent de leur valeur tesmoins si glorieux,
 Que les noms de ces preux en sont escrits aux Cieux.

Mais si la pieté de ton cœur diuertie,
 En toy pauvre insensé n'est du tout amortie,
 Si tu n'as tout à fait retiré loin de toy,
 L'amour, la charité, le deuoir & la foy,
 Ouure tes yeux sillez, & voy de quelle sorte
 D'ardeur precipité la rage te transporte,
 T'envelope l'esprit, t'esgarant insensé,
 Et iuge l'aduenir par le siecle passé.

Si tost que ceste Nimphe en son dire enflammee,
 Pour finir son propos eut la bouche fermee,
 Plus haute s'esleuant dans la vague des Cieux,
 Ainsi comme un esclair disparut à nos yeux,
 Et se monstrant Deesse en sa fuitte soudaine,
 La place elle laissa de parfun toute pleine,
 Qui tombant en rosce aux lieux les plus prochains,
 Reconforta le cœur & l'esprit des humains,

HENRY le cher suiect de nos saintes prieres,
 Que le Ciel reseruoit à nos peines dernieres,

DISCOURS

*Pour restabliſſir la France au bien non limité,
Que le deſtin promet à ſon eternité.*

*Après tant de combats, & d'heureuſes victoires
Miracles de nos temps, honneur de nos hiſtoires,
Dans le port de la paix, grand Prince puiſſes-tu,
Malgré tes ennemis exercer ta vertu:*

*Puiſſe eſtre à ta grandeur le deſtin ſi propice,
Que ton cœur de leurs traiçts rebouche la malice,
Et s'armant contre toy puiſſes-tu d'autant plus,
De leurs efforts domter le flux & le reflux,
Et comme un Sainct rocher oppoſant ton courage,
En eſcume venteuſe en diſſiper l'orage,
Et braue t'eſleuant par deſſus les dangers
Eſtre l'amour des tiens, l'effroy des eſtrangers.*

*Attendant que ton fils inſtruit par ta vaillance,
Deſſous tes eſtendars ſortant de ſon enfance,
Plus fortuné que toy, mais non pas plus vaillant,
Aille les Othomans iuſqu'au Caire aſſaillant,
Et que ſemblable à toy foudroyant les armées
Il cueille avecq le fer les palmes Idumées,
Puis tout flambant de gloire en France reuenant,
Le Ciel meſme là haut de ſes faiçts s'eſtonnant,
Qu'il eſpande à tes pieds les deſpoüilles conquiſes,
Et que de leurs drapeaux il pare nos Eglieſes.*

*Alors raieuniffant au recit de ſes faiçts,
Tes deſirs, & tes vœux en ſes œuvres parfaits,
Tu reſſentes d'ardeur ta vieilleſſe eſchauffée,*

Voyant tout l'uniuers nous servir de trophée.

*Puis n'estant plus icy chose digne de toy,
Ton fils du monde entier restant paisible Roy,
Souz tes modelles saincts, & de paix & de guerre,
Il regisse puissant en Iustice la terre,*

*Quand apres un long temps ton esprit glorieux,
Sera des mains de Dieu couronné dans les Cieux.*

F I N

Extraict du priuilege du Roy.

PAR grace & priuilege du Roy, il est permis à M. Regnier de faire imprimer par tel Libraire, ou imprimeur qu'il luy plaira, vn liure intitulé, *Les premieres ceures du Sieur Regnier.* Et deffices sont faites à tous autres d'imprimer ou faire imprimer ledit liure, sans le congé & consentement du Libraire que ledit sieur Regnier aura esleu: & ce iusques au temps & terme de six ans finis & accomplis, à commencer du jour & datte que ledit liure sera acheué d'imprimer: sur peine de confiscation desdits liures qui se trouueroient contrefaits & d'amende arbitraire, & de tous despens, dommages & interests enuers le Libraire, ainsi que plus amplemēt est contenu & déclaré es lettres du Priuilege. Donnē à Paris le 23. iour d'Auril, l'an de grace 1608. Et de nostre regne le dixneufiesme.

Par le Roy en son Conseil DESPORTES.

Signé en queuē D'AMBOISE.

ET ledit sieur Regnier, a permis & permet, consent & accorde que Toussaincts du Bray, marchand Libraire à Paris, imprime ou face imprimer, vende, distribue & iouisse du dict Priuilege, ainsi qu'il a esté accordé entr'eux. Faict ce 13. May 1608.

